



青門集



97.451
5339
=55

55



策彙十卯卷

旒彙卯卷

賸彙八卷

光緒甲酉春 謹盛氏

申甫辰增編本彙

韋布之士以能文章名海內而余獲交者得三人焉一為侯朝宗一為寧都魏叔子其一則毗陵邵子湘朝宗同里開年長于余與余為忘年交己未余權關贛石始交叔子二十餘年前識子湘于黃州僅得其詩比開府江右適子湘亦客遊于此乃得盡見其所為文余學詩頗久至于論文竊聞諸先生緒論朝宗文超軼雄悍當者辟易如項王瞋目一呼樓煩目不能視手不能發蓋氣勝也而或疑其本領淺薄是非往往失情實然朝宗古文獨為于舉世不為之時厥功為鉅叔子文不名一體奧衍精卓切事理而或者疑鹵莽于經學又其行文急于見法子湘之文立言必依于道醇而肆簡潔而雄深不襲前此之偽秦漢亦不為近日之偽八家大較英爽颯發不如朝宗而根柢勝之明切善議論不如叔子而春容勝之較長絮短則子湘之文與二子鼎足而傳于後亡疑嗟乎朝宗貴公子早負盛名中更患難而竟以諸生芟鬱以死叔子抗志窮山晚乃客遊吳越閒嘗一被徵託疾堅臥不應未幾以旅死

今獨子湘在耳余聞子湘十歲補弟子員有聲困躓四十餘年顛
羸羸白矣乃僅一絳名選人當代名卿鉅公亡不知子湘者而子
湘瓠落如故余又以悲三子之不遇也然有可爲三子幸者唐以
來布衣之士多以詩名而能文章者少遠不暇稱引前明三百年
閒風雅一席山林與薦紳幾于分半而號稱古文大家自潛溪至
荆川震川不過十餘輩而布衣不與焉山陰徐渭思以古文詞自
見幸而遇袁中郎身後名驟起然不久寂然今其集具在視潛溪
諸先生實覺遠遜尺牘題跋亦小有佳致耳 本朝文治五十年
于茲亡論承明之廬作者相望卽布衣之雄如三子已足驂驪有
明大家矣而況天下之大文章如三子而非余所及知者或更不
乏然則謂 本朝文章之盛卽于三子信之三子顧不重哉朝宗
壯悔堂集魏叔子文集久版行于世子湘今始出其全集謀梓以
序屬余余乃牽連具論之如此集有曰青門麓橐者爲詩六卷文
十卷曰青門旅橐者爲詩二卷文四卷合之得二十二卷余觀朝

宗詩力追北地而蹊徑未化叔子雅不以詩名而子湘之詩卓然
名家旅橐古近體益詣妙境是又二子所瞿然退舍也夫商邱宋
學牧仲

毗陵文派始荆川方明嘉靖中滄溟弇州繼空同之後以先秦西
京之文雄長海內荆川獨與遵巖浚谷鹿門數君子發明唐宋六
家之緒言遵巖序荆川之文以吳畫長江大湖以爲國方地千餘
里林麓川澤之美殆至不可勝數而英華之所磅礴唯季札言游
兩人而繼之者荆川也其推引可謂至矣而荆川答遵巖書盛自
謙挹不敢當以今觀荆川之文渾茫演迤使與少游無咎文潛之
流馳騁後先可以不愧而洮汰鍛鍊之工或有所未暇蓋其中年
自詭于講學而又不能忘情于用世又其學極博而不能不雜荆
川自以爲徒業者不躋其轍殆非盡誣也吾友邵子湘氏生荆川
之鄉蓋嘗學荆川之學者其爲文遠取法于唐宋大家時闖馬班
二史之藩而其于洮汰鍛鍊之工尤深邵子家瀟湖鄰具區煙波

浩淼之觀既足以蕩滌其胸臆中年謝塵鞅自屏于山水寂莫之濱不復有用世之志而獨肆其力于文章論者以爲天之阨邵子故嗇其遇而不知嗇其遇以昌其文者不可謂非天之所以私邵子也邵子博學卽未知視荆川何如其手文章洮汰鍛鍊則已至矣邵子之詩格甚高氣甚邁嘗觀海市于之罘窮炎漲于扶胥而其詩益奇恣盡變與其文皆可必傳于後世無疑邵子方客宋中丞牧仲吾言不信試質之牧仲謂何如也新城王士禛貽上書

自癸酉奉良書屈指又五年矣中間不乏便郵而卒無一字展候左右者非自甘闊略也非敢忘夙昔之好而故靳尺一之贖不一候涼溫敘契闊也竊以爲大集告成此千秋不朽之業序其書者當屬之當代鉅公海內淵匠乃吾兄不輕以屬人而獨三千里問序于不佞弟若以其爲可與于斯事者又若以爲平生知己故人無踰不佞弟者此意詎可忘也而此五年中朝議

之煩骨月之悲山川雨雪絕徼行役之勞苦皆足以疲耗其心思駑緩其筋力迄不得舍筆腐毫仰報來命以稍副知己屬望之意心實慙焉平生視文字之債如重逋然未折券則心怦怦然聞其聲則背汗遇其人則面發赤而欲自竄于寥闕無人之境矧敢修尺一以通下執事乎故五年來不以一字候左右者非敢疏也非敢忘也而寧自蹈闊略之跡者恃故人之諒我也昨歲暮鎖印後雨雪連朝掩關謝客紙窗竹屋燈火青熒始再取青門簾橐旅橐兩集焚香雒誦連日夜意有所會撰序一通雖知無當于作者而一蠡測海聊欲自附于千秋之業吾兄試觀之當亦掀髯發一笑粲而忘其五載闊略之愆矣乎二家詩頃承高明選定甚精當大序謬相推獎不敢當不敢當韻書古叶極服其淵博而精覈并謝頻年教益此後著述時時望辱惠教之勿真以不佞弟爲疏忘闊略之人而不足與于斯事也則幸甚幅竟神往上元後二日弟期士禛頓首


僕聞青門山人呼僕爲鐵青門與僕未謀面何以知鐵似僕五金
中惟鐵最頑且鈍不可以文又不近于文舉凡天下之至無文者
莫鐵若也今青門果以鐵呼僕又命僕爲青門山人文集序是欲
于不可以文不近于文者而使之論文僕卽以五金三品論金銀
之氣浮矣濁矣夜氣何堪以目鉛錫弱矣銅雖堅而無濟色厲而
內荏者也至于鐵獨不見其鋒其剛其芒乎及鋒而用之散電其
光也耀雪其質也神器其截蛟也文藻其爲龍也五金皆曰金經
言金剛乃若刀劍之有剛鐵耳剛生金中百鍊而出于將莫邪皆
是也光芒萬丈李杜之文章也舉天下之至文者莫鐵若也惜乎
僕之僅得其頑僅成其鈍也惜乎青門之鋒之剛之芒而不遇也
雖然豐城三尺鐵冲爲牛斗雷煥拭之以南昌西山土張華拭之
以華陰赤土拭之斯遇遇之則知己得一二入足矣商邱宋先生
旣爲青門山人序之矣曰海內布衣能文章者得三人一爲同里
侯朝宗一爲寧都魏叔子其一則毗陵邵子湘卽所稱青門山人

是也且謂唐以來布衣多以詩名而能文章者少槩見前明三百
年風雅一席布衣與縉紳爭長古文詞獨山陰諸生徐渭耳身後
之名驟起自袁中郎得之殘編始今亦寂然僕見商邱序翻文長
集誠不若青門山人之醇厚沈雄耳商邱先生知言又知人者也
知言則詖淫邪遁皆所闢歸于雅馴知人則浮誇詭隨悉無庸期
于方正聞青門落落不苟俯仰不隨時雅爲商邱所重商邱常屬
撰宋氏先賢祠碑青門以爲代也請署衙先生曰署青門名姓足
矣若先生者可謂交布衣而相天下士矣則亦山人不遇之遇也
朝宗叔子皆以布衣爲先生許可遺集末由得閩人孤陋寡見聞
未能一識天下士因序青門集而生慚愧如此又生而愚卽使似
鐵亦不過似其頑成其鈍而安得如青門之鋒百鍊而出吐爲光
芒者也而況垂老且病并其頑鈍而至于鏽乎今彙次古愚心言
存其十一不祈序而自序者鐵自知耳因序青門集而重增感慨
如此青門麗橐旅橐詩文皆有序古愚未可與言詩也題曰青門

山人文集序承命經年臨池而輒止者三毋曰苟矣莫捫朕舌河
上翁大敬畏也青門鑿我矣青門山人毗陵人分俸刻其藁者爲
武進明府河朔王君似軒元煩其名也並書之以爲海內長吏好
賢者矜式康熙乙亥仲冬莆田彭鵬古愚
吾鄉部學使雪嵐先生操觚槩以進退天下士極推毗陵邵子湘
博學工詩古文辭爲當代作者余心識之會銓宰毗陵雪嵐祖道
里門顧余曰不喜君得毗陵喜君能得邵子耳因出一札介余與
邵子交余之官之明年邵子始一詣余余具道神契之素邵子亦
欣然落落率不過一再過署齋茗椀論文而已余于是知邵子
不獨文人抑且高士今年將謀梓其全集屬余序謝曰子之文傳
文也今大中丞宋公嘗序之矣余則奚敢亡已姑與子論文夫文
者理與氣而已理爲文之體氣爲文之用理與氣相資而文生焉
故天得之而日月所以行星辰所以列雷風霜雪雨露之所以震
動肅殺而零濡地得之而山川以奠草木以植鳥獸蟲魚含靈蠢

動罔不涵泳暢遂以各適其性此卽天地之文也聖人得天地之
理與氣以闡天地之祕而爲文序卦陳疇詩書禮樂粲然秩然帝
王之與聖賢遞相授受以發明性道之源流而後天地之文章益
弘麗而不可掩大哉天地之文乎至哉聖賢之文乎秦漢以還作
者日繁理氣之交純疵不一自賈董馬班劉向揚雄王通之徒下
迨唐宋元明諸大家其文章高下雖若與世遞降然能各鳴其所
得成一家言以弗畔于聖人之道則皆可謂作者矣下士衷無所
得而竊竊焉求古人于狀貌景響之間分溝畫塹曰若者爲秦漢
若者爲八家剽竊半之備販半之其陋者掇拾一二宋儒語錄衍
之成文而奇詭者則又獵取梵典吹釋氏之糠粃而揚之以欺世
嗚呼茲數者皆文之賊也以是言文吾無取焉爾邵子退余出其
文讀之大抵探源六經沿委二史汎瀾唐宋大家而雄深醇肆兼
詣其境故能馳驟變化以成其家而無之或畔于道是殆得理與
氣之純而出之而臻作者之盡奧者與元明以來莫之或先也邵

子磊落高曠不隨俗俯仰與人交不輕合余既心重其品而又信
其文之必傳乃割薄俸爲梓麓橐若干卷既成誦前語附中丞公
末簡且以質之雪嵐先生康熙癸酉嘉平月河朔王元烜似軒



邵青門全集總目

青門麓橐

古近體詩六卷

計詩三百九十二首

序記碑傳雜文十卷

計文一百七十六首

附邵氏家錄上下卷

青門旅橐

古近體詩二卷

計詩二百四十九首

序記碑傳雜文四卷

計文五十一首

青門贖橐


古近體詩三卷

計詩一百八十八首

序記碑傳雜文五卷

計文七十一首

附墓志銘祭文



青門篋囊詩序

余與子湘別十餘年今年相遇京師出所為戊午以前詩六卷屬
 余評次文十卷則先以屬之陸冰脩余評子湘詩自漢魏以至李
 杜三唐不名一體能鎔液古人之菁英而歸其鑪鞴故其取材也
 博其持格也高其寄興也遠七古之瀏灠頓挫七律之蒼秀沈雄
 尤冠諸體詩之必傳無疑也今海內稱詩家數年以前爭趨温李
 致光近又爭稱宋詩夫學温李致光其流豔而佻學宋詩其流里
 而好盡二者皆詩之弊也然且一倡羣和黠者爭改轍而馳之而
 子湘斷斷斷卓然于波決瀾倒之日自信不疑錢牧齋稱震川
 先生以耗舉子羈窮單隻提三錢雞毛筆當熏灼四戰之衝子
 湘之稱詩亦復類是故天下皆知重子湘之文而知其詩者或彫
 雖然此足病子湘乎哉余嘗謂詩文盛衰之運譬之寒暑然往則
 復窮則變更三十年宋詩之流弊將極然後窮而思變而子湘之
 詩乃大重而余之言乃信至于文冰脩論之當矣余亦閒附數語

以識嚮往云康熙己未夏五蘄州顧景星序

青門籠橐詩目
卷一 擬古樂府五十六首
當雁門太守行賦崔常州
當長安有狹斜行
捉搦歌四首
子夜歌十首
子夜秋歌
子夜冬歌
促織謠
布穀謠
沙民謠
和顧黃公六禽言
和顧黃公古禽言四首

青門籠橐詩目

卷一 擬古樂府五十六首

當雁門太守行賦崔常州

當長安有狹斜行

捉搦歌四首

子夜歌十首

子夜秋歌

子夜冬歌

促織謠

布穀謠

沙民謠

和顧黃公六禽言

和顧黃公古禽言四首

苦
麥枯

不如歸去
咄咄怪

奈何帝

羅平

獨足上高臺

甘人

諸子同詠明史樂府分得洪武朝三首

韓成代

老臣素

浦江鄭

秋胡行

效六憶詩四首

俠客行

城根婦

估客泣

爾何人

明啟禎樂府變十三首

熊經略

御內操

哀思陵

汴堤濱

悲武昌

福藩位

客氏盡

楊左逮

周將軍

悲襄陽

懿安縊

張皇后

卷二 五言古體七十五首

遊張公洞循後洞抵前洞三十韻

詠史二首

田居詩八首

雜詩二十首

夏夜章滄村居

寄贈薛堆山先生

登金陵城作效謝氏

雨後登惠山最高頂

小憩漪瀾堂汲泉煮茗

舟發廣陵抵高郵

月夜湖行

蚤發迷失道

古興八首

寄題筮江上松子閣

旦發三山向銅陵

經彭蠡湖口望廬山

潯陽舟中作

雜詩感所見也效劉公幹三首

漁父

夏夜即事擬陶

仲夏

古意寄吳梅村先生

追挽薛堆山先生

草堂述懷三首

同仁祠詩并敘

甲寅元旦後一日坐東軒試筆

暮春追理遊棹示家人

登支硎中峰下尋寒泉石門諸勝

寄賀大理剡川謝其為先人誌墓

葉林屋過宿草堂

丁巳蚤春探梅元墓因登聖恩寺鐘樓

夜泊虎山橋

靈巖詠古蹟五首

館娃宮
采香徑

卷三 七言古體三十七首

解仲長畫十八學士圖歌

贈陳舍人簡儒

對月寄別周穀城時有徐沛之遊

阻兵劉家堡對月遣悶

沛縣官舍畱別楊簡菴表兄

瀟湘八景圖歌

守城行紀時事也事在己亥六月

響屨廊

京口行

訛言行

結交行贈陳其年

桃葉渡逢周穀城

黃河行寄顧見山水部時以事即訊夏鎮

苦旱行

蔣孝廉槎長畫山水歌

走筆贈別汪九石臣

滄州舟次對月

津蠡行

中秋官舍醉歌簡王廿六

將抵漢陽舟中賦長句先寄楊簡菴表兄

射虎行為黃州別駕宋牧仲先生賦

瀟湖草堂歌贈蔣穎揆

歲星行贈顧黃公

西陵客舍奉酬子湘見贈之作顧景星

顧黃公贈蘄竹簟走筆作歌

苦熱行客黃陂官舍作

畱別楊簡菴表兄

憶昔行贈楊陶雲左遷新建丞

地震行

楊芝田攜暉正叔見訪因過芝田小酌作歌贈暉

日蝕行

朱芾畫春禽聚曉圖歌

自題五真圖歌

奉和青門五真圖歌楊大鶴

前題五首兄贊

讀畫樓歌寄周櫟園先生并敘

沈君行

并敘

五人墓行

遠遊篇留別陳椒峰董舜民

寄方邵邨侍御

禱雨詞效張王體

卷四 五言律詩八十首

蚤秋訪吳山人二首

高郵別陳簡儒便附家信

百感

十六夜桃源立秋

任城飲胡氏嘉樹堂

別友

津門雜詩五首

憶家

秋日作

先人墓松植三年矣冬日掃除悵然有作

草堂雜興八首

客有談義興善權之勝者

陳柯亭過草堂

蕪湖道中霧

蕪湖放船

江急

九江

喜晤楊簡菴表兄小酌話舊

贈楊臨臯表姪

酬顧赤方招提雨後見寄

登迴瀾閣

河橋別蔣穎揆

走訊龔仲震因憶亡友管其玉
東皋卽事

哭楊簡菴表兄楊以黃陂令卒官五首
得楊陶雲豫章書卻寄

移褚道士山房梧桐植東軒
哭亡兒才騷十首

雨泊虎邱別賀天山時約遊元墓不果
惠山遊秦對巖太史寄暢園五首

壬子七夕悼女
望小孤山

江夜
別楊臨臬

宿棲賢寺蚤起
廬山

憩山菴

南康雜詩八首

對月

虎邱喜遇賀天山

贈董舜民孝廉二首

長至夜黃艾菴龔琅霞岳遊亭陳椒峰諸子同集二首

卷五 七言律詩五十四首

望太湖三首

晚晴書懷

和吳山人仲立野眺見懷之作

寄題華陽山館

夜泊京口

彭城懷古

登歌風臺懷古

送友之貴州觀察二首

望鍾山三首

自孟城渡揚子江

望岱

蚤春楚遊寄懷莊潛菴官庶

馬當值雨

潯陽舟中憶冀仲震久客邢襄遙寄

送友歸附家訊

魯臺山春望山爲程先生讀書地

送車孝廉下第歸邵陽

贈別顧赤方

畱潯穎揆信宿草堂

和楊陶雲感懷時左遷新建少府三首

走簡楊芝田乞芍藥栽

舟訪蔣穎揆渴湖草堂

送張大再之黃州經紀楊簡菴喪

題蜀山蘇文忠祠

喜楊陶雲暫假歸里同飲春曉閣看梅

送董舜民孝廉董將以訟冤伏闕二首

酬陳柯亭送別之豫章作

登吳城望湖亭

駱成菴招飲豫章寓樓談次頗及會稽之勝

寄訊楊少府

入春四首

自題青門草堂

灤東

題冀渭公所藏楊忠愍梅花詩卷

并敘

方共樞高齋種竹詩

閱丙辰五月邸鈔書事七首

丙辰四十初度久客喜歸

登太湖西峰

卷六 排律絕句九十首

應宋常州試閏月立秋

登郡城西樓因謁蘇文忠祠

分賦得琉球刀

送鄭生之楚幕

南康酬友招飲見贈之作輒廣來韻兼抒旅懷

送陳椒峰謁選三十韻

丙辰除夕守歲用杜句起率成廿韻

江上舟中

九日客中

登韓信釣臺二首

題畫五首

蚤入杭家塢

山中雨後

沛縣雨夜

津門官舍話舊

秋寓僧院三首

夜坐

舟婦詞二首

湖漲

豆架

青門草堂八詠

夾山積雪
西溪喬木
後澤煙帆

安陽春雨
晴原驛路
東軒竹石

東岡桔槔
遠寺微鐘

俠客

溪南

書揚州邸壁

北行道中竹枝詞三首

草堂晚眺

冬日草堂漫興四首

送友人遊楚二首

喜即到西陵率爾有作

春盡客舍雜憶四首

燕中送友歸梁谿二首

觀弈譜三首

初夏絕句五首

送魏善伯歸寧都八首

雨夜

上海歌八首

吳門寒食

和汪鈍翁先生吳閶柳枝詞三首

高郵舟中即景


夏日偶成

秋邨即景三首

青門籠橐詩目

青門籠橐詩目

七



青門麗藻卷一

前集

武進邵長衡子湘

詩一 擬古樂府

當雁門太守行賦崔常州

太守出行雙轡朱四牡駢駢映交衢高觀廣額黃頰鬢借問太守

誰家世遼東云姓崔解一太守稍由別駕遷鉤距摘伏儼若青天大

吏袖手坐小吏不索錢解二遼兵十萬來掠斂莫譙訶前騎擁婦女

後騎牽駱駝太守馬至嘖嘖耳語稍稍引避去解三坐巨艦播大鼓

漕卒千艘氣食虎太守持箭長尺五銷金中央懸令字言被臺檄

用軍法治首亂者誰論死棄市解四昔我寒無襦踵決無履我今有

田有廬有婦解五惜我太守清廉不能得上官指解五太守當左遷老

弱皇皇塞門罷市哭聲震天詣闕上書者萬人皇帝陛下至聖神

解六奈何天門門九重黃金為闕蟠蒼龍惜我蟣蝨民欲扣安得通

惜我蟣蝨民欲扣不得通解七

當長安有狹斜行解八

京洛有甲第峨峨麗名區文砌白玉飾胥冒黃金塗甲楯羅道旁
虎豹守四隅夾轂相借問云是丞相居騎馬何官人跣跋黃塵趨
下馬卻入門長揖丞相奴袖中出銜紙細字蠅頭書謁八坐車庫
饑腸鳴轆轤良久得召見剡行仍次且何用展繾綣裹蹄壓貂褕
又何展繾綣懸黎閒珊瑚織成翠羽帳四角明月珠木難及火齊
一一綴流蘇丞相夫歡笑物厚意不疏左顧言辦飯傳呼飭中廚
略一舉杯椀但坐捋頰鬚須與再拜出顏色何敷腴前年侍中郎
去年掌奉車今年驟遷次千騎專城居丈人但安坐爲樂良未徂
捉搦歌四曲
白玉作把金作帚殺懸生角馬如狗男兒失意枉身手貧女不嫁
只疑醜
十三女兒急作髻杏黃袂衫三尺袂阿姥憐女翁憐婿青絲白馬
行人贅
東家紅顏蕩子婦空牀夜夜啼著曙蓬頭雲鬢西鄰媪嫁雞逐狗

共一處

牆裏棗熟牆外撲家雞雌伏楚雞鷓母不嫁女生刺促空房懊惱

只跌腳

子夜歌十首

與歡作鄉里兩小各呼名歡大性情變不許儂呼名
拔藕黃蘗浦移根滄浪天身苦不得語要使天見蓮
北斗闌干落烏白鳥已嘯畫地作方罫情知是空碁
石闕百丈餘牽用十橐駝橫門塞街巷長悲可奈何
見儂強歡笑別有心所欣糖餈裏黃蘗裏苦口頭甜
儂愛歡情懷移歡對門住少年無心腸人前誤爾汝
持繡近窗戶歡來就儂嬉翻匳動鍼線顛倒亂儂絲
歡但日冥來莫待雞鳴去耶婆多心腸應爲儂作慮
郎從何處來儂自不會怒牽郎就儂懷請言不來故
誰使歡見儂肝腸日煎苦春蠶怨桑葉腹絲只爲汝

子夜秋歌

滅燭開綺窗羅幌垂金牀竝體不分明故要新月光
綺閣歡新涼明朝試妝束杏子紅單衫翠鈿豔郎目
子夜冬歌

腹悲郎不知但看枕邊迹儂淚如檐冰點點晴時滴
炭爐火欲冷蘭膏燄不長郎自怕風雪那得夜度娘

促織謠

促織復促織涼秋八九月新婦扎扎當窗織一日織丈餘兩日合
成匹婆言無襦兒言無衣翁欲易米煮舖糜縣中租吏來叩門聲
如雷阿翁趣辦飯阿婆烹伏雌持布送租吏租吏含怒譙言爾物
何輕微新婦十指出血不得一縷穿房中淚下如縷糜穿作衣著
解吳俗語

布穀謠

村墟五月布穀鳴家家驅牛向田塍誰令我家充里正荒田地白

不得耕昨日縣卒至驅迫入城市官府怒我輸稅遲繫獄一日再
論管肉腐蟲出垢面蓬首叶親交來相探牽衣泣下不能止附書
與親交歸告我妻賣兒子

沙民謠

雞飛叶狗齧叶官兵來毀我屋夫出走藏妻為鹵官兵帶刀行

放火言奉黃紙驅汝汝啼官府殺汝

和願黃公六禽言

割麥插禾

似鸚鵡無白翎一云脫卻破
神又云摘桑看火麥熟鳴

割麥插禾泥深沒叶新婦餉飯拾取螺歸家煮糜奉阿婆

苦

似伯勞而小晝夜啼
聲甚哀或云即姑惡

苦苦舊年鬻牛犂今年典妻子屋裏無人淚瀾瀾

不如歸去

子規也

不如歸去南山張網羅北山嗥豺虎猩狒稱弟兄魑魅相伴侶

於忽乎

小如雀聲清越
以長一云巧女

於忽乎於忽乎西鄰老媪東鄰小姑紅顏勝花時幾何廿年新婦
廿年婆

麥枯色如鴉鴿麥熟時飛鳴

麥枯麥枯小麥黃黃大麥枯十日九雨爛麥稈爛麥稈兒饑不

莫嫌婆餅焦焦餅兒亦無

咄咄怪竹間必雨也

咄咄怪東家婦女大校猶應當門戶郎不如郎但飽飯休出外

和顧黃公古禽言四首

奈何帝陳後主時蔣山有眾鳥鼓翼鳴曰奈何帝

奈何帝狎客孔都官宮中女學士瓊樹璧月曲未殘朱雀航頭擒

虎至景陽宮井銀作牀二妃生死不相離

獨足上高臺陳未亡時有一足鳥集于殿庭以足畫地成文曰獨足上高臺春草變成灰叔寶敗至長安館于都

水臺上高

獨足上高臺春草變成灰沈醉日飲一石任性過日樂哉叔寶入隋與子

弟日飲一石帝大驚使節其酒既而任其性日不爾何以過日叔寶長安去阿廢江都來高臺猶未傾紅餽迷樓摧

甘人唐大中十年舒州有鳥人面緣毛紺瓜大其聲曰甘人占國有兵人相食

甘人甘人人肉腊作舖人骨炊作薪前有春磨寨後有鹽尸車束

縛屠割如羊豬不見乾符之後屍如麻大中妖鳥先嗚呼

羅平羅平通中吳越有大鳥四目三足鳴山林其聲曰羅平乾寧二年董昌反僭號羅平王

羅平羅平錫鴿是汝弟鷓鴣是汝兒鬼車九頭啄金屋廣旭白晝

鳴鴉聲越鳥爪藉空爾猶婆留渡江來羅平噤不鳴

諸子同咏明史樂府分得洪武朝三首

韓成代明太祖自將樓南昌與陳友諒戰鄱陽湖舟膠于沙賊將直前犯上舟勢危甚身將韓成進日聞古人有殺身成仁者臣不敢辭乃服上冠袍對敵自投

沔陽漁人著柘黃五通鼓祠作行殿么膺蠶爾大邦讎豕啣蛇吞

勢猥狃六師溯流銜鋒獲馮牙龍江鑿鄱陽雷甸電燿波濤轟呼

光天地晝晦湖水丹徒切攢梳湊颿枯籜颯蛸鋒蟾斧紛披敷是

切

日王師小失利龍服幾遭余音且制沙淺舟膠賊圍合大呼跳跟

短兵接洗洗韓將軍慨慷激忠肝殺身成仁臣所安被上袍服冠

上冠奮身沈江賊駭觀王師乘之紆急難平三戰三捷殪戎首落

其角距犇羣醜僕姑一發貫睛顛賊屍僵仆若枯柳嗚呼殺身良

不易代主心尤苦漢紀信明韓成千六百年孰參者叶不見忠臣

祠突元康郎山湖波湧虬螭蛇三十六將雲旗翻

老臣素林學上承旨母官待制明師下燕京二人約同死尋先

死居賢坊井中素走所居報恩寺亦欲投井寺僧夫捧挽出之

素降太祖仍命為學士一日上御東閣側室靜坐素至履聲橐

囊徹簾內詔問誰對曰老臣危素上曰是爾耶朕謂是文天祥

耳素惶思頓首汗流背上曰素元朝老臣何不赴和州看守余

關廟去至和

宮簾鸞額窄地光宮槐兔自舒微黃至尊簾閣晝漏寂履聲橐橐

殿東廂詔問誰老臣素文天祥耶乃是汝待制死承旨生昔慚天

祥今愧尋素老臣和州去余闕同朝識爾否叶匪噫噫獻翰林先

生文章伯立身鹵莽胡爾耳媮生僅逾季汗顏遂千載和州廟下

屬續時何如報恩寺前井中水

浦江鄭鄭氏浦江人自其祖綺教子孫勿異爨傳十世食指至

千餘人洪武十四年春有詔鄭氏交通胡惟庸者鄭氏

兄弟六人吏捕之急混最少者曰弟在乃使諸兄罹刑辟耶獨

詣吏請行其兄濂先有事京師混至逸謂曰家事任長弟無與

二人爭入獄上聞竝召見語近臣曰有人如此

可從人為非耶即宥之擢混福建布政司參議

粲粲三荆樹灼灼揚紫萼株株自相結葉葉自相扶浦陽有義門

十世懽同居室無別釜鬻桁無別衣衾同產五六人家政幹其樞

一兄客京邸五弟各在家叶是時法網密銜音箭投紛拏案治獄

少反平連逮纍千餘義門亦遇告禍患乃須臾刊章一朝下閭里

為歛噓季弟名曰混奮身願請行急難有弟在豈敢累諸兄曳我

銀鐺鎖著我短後衣慷慨出門去百挽百不回五日渡錢塘十日

達王畿覆闕峙青天虎豹夾路遠長兄得聞訊捷步往詢之果然

見吾弟驚歎前相持家事應任長汝來何所為混也長跪啟兄言

恐非義叶魚兄老弟方壯樞質弟不辭兄弟爭入獄不知所坐誰

獄吏白御史御史白至尊至尊大稱歎義門朕所聞趨令具洗沐

中使召湜前解汝銀鐙鎖脫汝短後衣官汝四品官七閩汝所治
湜拜叩首謝乘傳還其鄉十日過錢塘五日至浦陽閭里喜湜歸
駢填擁路衢諸兄喜湜歸握手各沾裾過家榮上塚醜酒烹羊豬
長老嘖嘖羨各歸教其兒粲粲三荆樹灼灼揚紫萼株株自相結
葉葉自相扶聖世重孝友永爲後人模

秋胡行

憂患何多九州不可居陸避猛虎水避蛟螭磨齧張吻人肉爲羈
側足迷徑路狂顧涎微軀歌以言之九州不可居一解時俗贖聾好
惡衷自疑嫫母銜嫁西子爲媼師涓撫絃聽者言倦聆折楊皇琴
四座大稱善歌以言之好惡衷自疑二解路逢兩玉姝導我遊天衢
蒼龍夾道斑麟伏跌河伯供酒漿雷師吹笙竽傳教仙吏譙言爾
胡凡民來到此閒歌以言之路逢兩玉姝三解富貴不可期貧賤聊
自娛田家蜡蠟吹笙合竽大婦進炙小婦進盃孟隴頭兩黃犢牀上
一束書歌以言之貧賤聊自娛四解

效六憶詩四首

憶見時簾箔流光豔微風蘇合香卻月齊紈扇欲前故不前佯佯
半遮面

憶坐時新妝豔鏡前袖拂將輪扇弄未調絃笑靨自然媚含嗔
倍可憐

憶行時繡帶芳風吹粉色花爭豔衣香蝶自知下砌疑無力攀條
如有思

憶眠時欲眠更裴回燈燄未落羅襦解故遲含笑帷幌裏問歡
忙底爲

俠客行

俠客犁眉騶騶首爛雪花朝辭主人去昏叩主人門手提頭顱熱
血腥殺君讎家報君恩拂衣出門不知處十日大索長安市

城根婦

彼何者婦椎髻蒙茸朝拾馬通暮拾馬通衣單腹餓拾不滿籠路

逢故鄉女伴對泣訴苦語音同夫婿官二千石得罪長流烏喇生
死不得消息通身籍鑲藍旗嬌兒略賣安知西與東今日跌腳垢
面城根婦當年侍女如花紅

估客泣

何處估客強廣州估客強我肯巨編四角幡珊瑚玳瑁五木香珍
珠百斛裁中央解一鼓鑿鑿二更斷毘陵驛邊鳴號箭何來探丸少
年拔刀跳盪無前條歛燹炬燭天官兵城上視城下口噤目眙不
敢前解二珊瑚玳瑁五木香珍珠百斛載中央一一席捲去但去莫
計量解三持牒訴縣官縣官不為理訴太守太守卻案不寫視遙呼
罵蠻奴今時太平安得有此估客吞聲淚瀟瀟解四

爾何人

嗟爾何人擁黃蓋乘朱幡當胸繡蹙金麒麟前騎對對綠沈後騎
蹴踏星奔縣令自負弩太守除道郊迎嗟爾何人解一蛟鯨在大
海猛虎居深山黃紙一朝下篆之闐闐閒不見高牙大纛居中央

門施十二戟戈盾羅四廂生當徹侯鐵券死當鐘鼎旂常解二東家

明經皓首西家射策苦辛隨牒才平不調蹙蹙長安之市塵擁黃

蓋乘朱幡嗟爾何人解三

明啟禎樂府變

熊經略熊名廷弼湖廣江夏人神宗末代楊錡經略遼東始至

去袁應泰代未幾遼瀋相繼陷沒天啟改元詔起公兵部尚書

再任經略與遼撫王化貞議戰守不合化貞疏請願以六月大

戰一舉蕩平公壘疏言輕戰必敗降將巨測不聽明年正月大

軍渡河未至廣寧百里叛將孫得功啟門待一城闕然敗聞經

撫前後逮詔獄坐喪師失地律並擬斬公在繫四年

會楊左追賊獄急思者必欲殺公竟棄市傳首九邊

經略用遼瀋完經略罷遼瀋殘再起田開賜劔印經撫日戰玄黃

臺六萬蕩平竟何有撫臣主戰經主守一夜廣寧風鶴驚撫臣先

走經亦走撫臣駭慄何足齒奈何經略也惜死若使忼慷提孤軍

拮拮殘疆報天子縱然馬革裹尸還九尺昂藏一男子公絕命詞
奈何經略也惜死不死疆場死西市九邊傳首魂有知目炯
電光血裂背

楊左逮楊左事具載正史

駕帖下楊左逮論大辟移宮罪坐追贓熊楊賄五日一受拷一拷

五毒備弛居疎切銅櫺加弛輒輒至撈掠百無生氣什堵下胡切蠅

蚋嘬六七君子獄底斃鐵釘貫耳囊壓身牢土碧作千年血桂切怪

哉冤氣那得銷忠魂上愬高皇帝

張皇后意宗后也性澹靜宮中常用白綾聞新桑色綾製衣如

宮見凡上卷書問何書曰趙高傳也上嘿然忠賢益怒令壯士

挾刃伏便殿上御殿按得之忠賢因誣后父張國紀謀立信王

為不軟將與大獄謀之王體乾曰王上凡事憤極獨于夫婦

張皇后賢且明叶讀前史趙高傳禮大士鶴警裝宮中扇馬欲作

龍牝雞嗥嗥方欺風毒荆突起殿束箱尺八銛七鋒如霜謀與大

獄撼椒房一網之計連信王此曹密謀竊耳語官家凡事憤憤耳

夫婦兄弟獨不薄皇后得全幸有此不見成妃餓裕妃死匍匐往

掬簷溝水溝中紅雨啼新鬼裕如張氏方孕膺冊封禮客氏譜于

簷溜數口而絕成妃李氏常勸罷內操客魏惡之矯旨革封絕飲

食成妃故鑿裕妃餓死密儲食物壁間數日不死客魏怒少解斥

為宮人

御內操天啟三年開內操鉦鼓聲震宮禁一日敕張后同御內

人旗幟繪鳳列右既至后稱病先辭

倉琅根響千門鑰紫殿觚稜射朝旭才人傳詔開內操中璫宮娥

齊結束紅鞵刻玉珊瑚鑲鞦韆金銀光小靴鶴觜鬪急裝繡

裕寶袜春風香雲梢星旃摩空颺渥洼果下騰秋蹌七校謹呼大

駕至諱子丁窻聲動地朕將左后將右中璫宮娥分兩下叶左旂

龍右幟鳳中璫宮娥倏交午旗門開皇后起叶臣妾不願觀內操

願陛下罷娼遊斥狗馬受言納諫稱令主皇后起宮女將咄哉天

啟非令主

客氏蠱客氏定興民侯二妻年十八入宮為皇太孫乳媪又三

內搖中宮朕如嬪魏閣之聖多客氏成之魏闖事載國史又楊

忠烈二十四罪疏炳垂天壤故略弗咏咏客氏蠱頗極鋪敘或

可補正

委鬼當頭立茄花滿地紅萬曆末年有道士歌於市解者曰北人

夫人新膺號封蛾眉狐媚能工僭越儼然八母驕恣不避三宮日月互輪照晝夜垂光明叶妖蟆一噉蝕日月為之夢官家威福卷一握回天轉日若發矐用荀子語笑開電光怒雷霆呼噏鼻息成霓虹

解一夫人樂樂不支王聖趙嬖寵不如兒子腰玉徹侯弟姪錦衣金吾乳臭黃口兒金紫被其軀私第千霄蠹雲複閣洞房綺疏珠玉大貝紅珊瑚珍瑤填溢東西廡叶夫人歸第常以夜蟒衣紅玉翼而趨乾清宮前不下輿列炬如晝白月微靚裝冶飾耀交衢宮監藏婢千餘入門班迎驩叶千歲呼聲殷雷官家賞賚日不貲中涓黃帕紛交馳夫人樂樂不支解二陽景中必昃太陰有弦望叶妖蟆物之微逞勢安得長宮車一朝晏駕炙手倏忽冰山白發所犯罪不赦淙屑掠死須臾間先走籍客氏家得宮人姪身者八人冀如掠有詔籍其家緹騎屯如雲珠玉大貝紅珊瑚珍瑤填溢東西無一一沒入官不得名一錢昨日腰玉稱徹侯今日橫尸西市頭乳臭黃口兒眈睡猝被收婉變膏斧堪至死聲吶遠近大稱快

禍害諒有由夫人樂樂不支王聖趙嬖竟何如解三

懿安縊崇禎即位奉張后居懿安宮號懿安皇后甲申三月賊入京帝傳旨後宮令自裁周后及宮嬪承恩者次第就

義各使宮監復命王承壽懿安宮監也跟隨至跪白帝曰懿安

皇后亦縊死宮中帝乃去煤山崩焉時有任貴妃者故魏奄董

女豔而狡賊入詭曰我天啟張皇后也賊亦不敢犯乘間挾珠

寶逸出遇一少年利其貴挈之出都不知所終外間訛傳后蒙

塵賊營又有傳自縊民舍者皆任氏為之祟也子決后

必死宮中以后平日信之刀係之樂府為賢后白誣云

先帝后今上嫔叶懿安宮中老寡婦兩宮榮辱并一身高皇女誠

紅牌有洪武初命翰林儒臣修女錄又命宮監復奏况分明豈有

媮生落賊手何來妖狐姓任月下髑髏竊形懷珠玉走隨少年叶

躡后之蹤汚后名死者后耶生者鬼當時傳疑陋堊史蝦蟆噉月

月不死千年蟾闕光如水懿安自縊詳見明稗子友陳

哀思陵綜括崇禎時事作哀思

有明崇禎開海內大旱蝗關隴跨三輔青豫延荆襄縣互六七省

饑饉十年并叶焦原草如削蔽天蜚螟鸚鬱鬱千家聚迫視餘頽

牆豺狼亦噪饑未夕出縱橫井邑少煙起道殣臥相望剝樹掘草

根始猶充餽糧草樹既噉盡同類漸自戕惡少會空舍劫人割骷
此極哉傀吁可賊事見明報流寇所蹂躪雞犬空千里中原橫豺
地軸翻破礪白骨莽邱山慘虐絕人理稍尖貫嬰孩馬上擁卅女
可或有攻城日淫殺裸私和倒埋植雙脚厭礮礮逆裂賊攻滁州
露下私以厭城上燃礮環向來植脚埋賊營連百里賊馬十
萬匹馬槽剝人腹馬渴飲人血臨敵益咆哮猛怒奔徂狻鳥點怪
事史未聞於今見傳述崇禎十三載廟算大出師仡仡楊閣部
號令疾雷霆雷勒兵十二萬六月為師期射堂大誓眾纛下梟監司
閣部大會師襄陽之射堂斬後勒餉與練餉加派吮民脂大府督
州縣羽檄如颿馳州縣皆怖栗日夜急撈答奈何兵燹久黎民
子遺邨落偶僅存十數老寡妻寡妻亦驚竄撈答安所施斂急民
逾亡民亡賊逾起民胥化為賊百萬吾赤子遂成土崩執九廟俄
頽圯思陵自英察主非亡國比邦本忌先撥亂源乃在此哀哉復

哀哉亂源實在此

福藩泣福王神宗愛子母鄭貴妃顯寵而妒幾傾太子者數矣

外廷請王之國章百上不省最後九弟鄭養性言之妃亦心動

請為王辦之國裝宜厚上從之國後驕溢日甚會河南大旱

蝗王曰謹視鑰杜不為地方計十四年正月

李自成攻陷洛陽王匿民舍賊執之遂遇害

鄭妃寵福王抱暇豫烏鳥分苑枯兩宮幸不傷慈孝出閣苦不遲

日出問就邸苦不早廷臣請之國交章滿公車百上不一省戚

尊顧語妃去去勿悲推我能令王富不貫解一神宗盛時天下方恬

熙礦使稅使百輩冠蓋旁午交馳廣南明珠珊瑚瑤石璫璣滇黔

丹砂空青象齒通犀關陝鬪毳巴蜀重錦吳越綺繡紛陸離揆括

海內紫鏐朱提輦充內府積若邱其切欣然席卷向王邸福藩富

富不貫解二福藩橫莫敢選王府會鹽聯巨舸張黃旗播大鼓篙工
權師勢翼虎關梁不敢譏商引大滯阻莊田二萬頃跨省連膏肥
王尚未屬曆益規田宅魚陂王家蒼頭廬兒一一漿酒葷肉朱門

一家肥不惜縣簿千家哭三侯忽賊騎薄都王被束縛如羊豬生

平所聚斂肩鑄為賊幣路逢呂尚書賊反接之昂首與王語名義

至重王幸自愛勿怖死瞠目視默不語王不語薦賊俎漉王血雜

鹿脯賊大權笑飲福祿酷錚錚呂尚書嚼齒罵賊捐其軀神宗愛

子景升兒用景升豚犬意惜哉不聽老尚書四呂名維祜以南大司馬家居年已邁為賊反接

去道遇王奮首誦王云云王不應呂大馬賊死之

悲襄陽揚嗣昌出督師謀以襄陽為根本襄陽為根本襄陽為天險尋出師

如虎跳而免命箭軍符盡失賊遣二十八騎偽為官軍持符箭

陷襄王被執獻忠坐王堂下屬之酒曰吾欲斷嗣昌頭今在蜀

當借王頭使嗣昌以昭蒲伏法遂害之十四年二月也

襄陽城高且堅鑿濠三市深及泉飛梁跨濠設重柙音護周禮掌舍設柙再

健兒側足愁黃緣六門門坐一副將弓刀白棒圍團團令箭尺

八長軍符印篆蛟龍蟠譏訶慎出入合符傳箭乃啟關閣部提

師出蠶叢路險艱前軍趨利陷賊伏壯士鬪死主將奔令箭尺八

長軍符印篆蟠蛟龍叶一一委弃大道旁驛遽斷絕人煙荒二襄

陽城頭日欲晡二十八騎當關呼手持令箭尺八長軍符印篆蟠

蛟龍合符傳箭啟關入半夜軍聲轟轟蟻塘滿城官鬻禍不救叶鳩殿

廬焚蕪襄王囚坐王堂下屬之酒借王頭易閣部頭烏虜襄王頭

易閣部頭

汴堤潰賊前後三攻汴折傷士卒甚眾十五年三月再攻汴遂

計決河灌賊者援師方鑿朱家寨口賊覺之反決馬家口灌城

會大雨經旬九月十五日兩日時址決黃流直衝汴城其聲

如雷水漲鬱數十丈周王露次七日督師以舟師迎王與世子

後宮三十餘人止于河北柳園坊居民八十萬戶從而濟者不

及二萬河患之烈蓋數百年僅事云

無支祈掣千尋鐵霹靂車纏電光急天吳馮怒奮厥威倒捲黃河

半空立汴堤千丈如山頽牛馬辟易騰蛟螭雨工千羣駢黃能來奴

切大梁百萬彈為魚叶浮骸撐拄齊屋危鼉龜飽人游交燹親藩

露次河之滄宮人紅裊愁宵啼河從唐毫連渦淮城中反土填淤

切隈鳥虜天意非人謀叶謨杯切歌謠紀異歲壬午季秋之月日十五

悲武昌崇禎十六年賊犯漢陽急故相賀逢聖人見楚王計事

他無有逢聖哭而尋陷武昌楚王被俘沈于江張獻忠見庫

中金歎曰有如此而不設守朱鬍子真庸兒也先是有異人呼

于市曰一羣猪屠伯至矣未

幾城破楚宗屠戮尤慘云

朱鬍子真庸兒屠伯至無才遺金瑤如山積子智不為戰守計故

相言之楚王怒宮中但有金交椅朱鬍子真庸兒葬魚腹何足悲

枉殺武昌百萬民為魚叶音宜。賊開漢陽門伴縱百姓去而以

周將軍將軍名遇吉起官舍不十年至大帥鎮宣武甲申三月

民無一人降者夫劉氏亦驍勇善射率婦女數十人據山頭

公署登屋射一矢輒燈一賊無虛發者賊縱火環燒闔門煨燼

京賊陷後每齒指語人曰周總兵真好漢殺我等

櫂槍狂驅萬獬豸橫去嶂九州無完土邱成白骨益成池所過堅

城拉枯朽叶寧武孤城如彈丸誰歟守者周將軍將軍票鷁去聲

腥力竭罵賊血嚙齧旗竿矢集怒益震閨中紅顏能殺賊十發十

殫無虛鎬崑山火燄紅玉燕天壤寥寥兩全節大同宣府真奴儕

兩鎮降書同日來長驅京闕俄失守叶賊談寧武猶咋指列鎮盡

如周將軍闖王那得飛至此

虎口餘生自成破後聲勢益張或疑其先塚有異上密令秦

令也有縣卒詭孫姓實自成族令詞知執而拷之曰祖墓去此

二百里在萬山中始祖一家相傳穴為仙人所定鐵燈檠燃火

發塚有蠅蟻數斛鐵燈尚與蹤跡至其地山徑險黑林木陰鬱

小赤蛇頗怪大綬贈蛇焚塚而驚其棺毛被體而黃腦後穴

無成或以為由武云京師破有謂大綬宜遁跡免禍者慨然曰

吾為國仇賊粉身何憾忍為老母宗族累耶賊繫大綬去會敢

竄得脫身歸入本朝歷官至晉陽守自著虎口餘生記子撫其

事系之明

咏史末云

米脂城荒萬山黑林箐陰森不見日老鴉嘯木狐狸號黍燈未夕

松閒出古塚纍纍埋荆榛云是李賊自成之祖墳邊君故健令巨

斧斫其棺鐵檠百年火未滅黃毛麋塗骨色殷腦後一穴小如錢

赤虵三寸出蜿蜒吸日吞咋騰復顛此豈有意欲上天腊蛇焚骨

颺灰煙或云李賊無成禍在此此論非正吾不許塚不發掘終賊

耳么騰詎可亂天紀中原慘黷十餘年天地鬼神奮怒震假手

邊令致厥罰剖棺斮屍豈偶然君不見羅公山玄帝廟伏謁遭擊

隕其元山神社鬼謹詔課羅公山在通城一名九宮山山上廟祀

命其下四十八部先發而自以二十騎登羅公山至山中又呵止

盜爭以鎗碎其首而斃之

青門先生咏史樂府氣骨高奇庀材雄贍蓋筋力于漢魏鏡歌

橫吹諸曲而以我法運之遂成絕唱先生初意欲全咏明史別

為一帙會庚辰後以貞疾廢吟茲先錄啟禎朝如干首附麗臺

樂府卷公之海內玉韋僭加評騭大概奇警埒鐵崖而質處勝

之本色似西崖而才氣勝之擬其標置故當高出楊李上雖窺

豹一斑有識者自不異人意也

青門麗臺卷一

青門麗臺卷二

前集

武進邵長蘅子湘

詩二 五言古

遊張公洞循後洞抵前洞三十韻

晨策趣雲巖陰崖隱靈窟委身下一竅束炬探幽穴霧氣晝滃瀰

乳溜晴澤汨磴滑尻輔趾穿陝頰倚邾投足蹠級斷斂蹠避石齧

發炬忽狂叫萬狀鬪詭絕偃如熊熊臥蹄股互搜抉峙如虎豹蹲

張吻試齧齧盤盤如敗轆轤齧如立糜或如青芙蓉華葉互駢列

又如五色芝輪菌凝脚需險極鯽魚坪尺徑仄而滑深黑憂失足

一墜成永畢須臾厥神境呀然忽厚豁空覆巖广紫雲自盤結

鏤斲疑鬼工結構類天設胡牀羅八九廣臺亦空闊日影漏天窗

了若澄潭澈晶瑩萬乳垂秀削于笋拔上撐與下挂相拒或一髮

時見蝙蝠飛的的翅如雪削壁樹槎枒洞口葉蒙密傳聞赤烏年

神斧畫掀揭六丁激雷電鐫鑿非一日張公果何人茲焉託靈室

蛻骨石牀空休糧天因閉青梯凌虛無羽翰生髣髴弱畏世網嬰

壯喜茲遊決石髓亦易逢塵鞅苦紛斂仙蹤儻可期從公訪丹訣
詠史二首

雷罟自彌澤不絳蛟龍姿網羅自垂天朱鳳弢光儀羸政爲不道
虐燄燔書詩博士四百人枕籍就坑圮園綺自茲逝招隱商山陞
紫芝何燧燧深谷何逶迤劉項方犄鹿巖臥了不知偶出定漢儲
片語功名垂彼翁何爲者乃是秦坑遺色舉不終日達人識其幾
寄言末世士高蹈良可師

東漢競氣節尉及互標榜闔豎竊太阿大獄起鉤黨死骨填牢戶
生亦備考掠士類旣以殲王室隨板蕩孽固由羣小諸賢或疑慙
嶢嶢乃易屈反使正人喪吾慕申屠生超然獨長往依樹結茅茨
竄身備梁碭蟬蛻避禍階鴻冥全高尚三復處士言精識理不爽
明哲其庶幾異代余景仰

田居詩八首

希世昧干謁顧己慚疎愚中歲習耕作眷言欣做廬高柳蔭空巷

茅檐俯清渠南溪夜來雨晨作不遑居饑餉勞婦女勤劬慰農夫
良苗日就長閒暇披吾書譬彼飲溪鼠果腹豈冀餘并稅苟無負
屢空亦可娛

雞鳴披衣起驅犢向東菑豹聲吠深巷寥寥人語稀殘月出林杪
草露沾我衣農務今正亟力耕戒乘時豈敢營溫飽庶免素餐譏
柱礎潤嵐氣丹霞滅朝燒有滄應初伏女風振華條鷗鳧翔北渚
蓑笠聚東皋愧彼霖雨靈憫此饑餉勞泥潦塗四體冷風扇新苗
旣耕旋我廬盥息斟濁醪筋力豈不疲忘憂自成謠

種瓠冀滿園種瓜冀滿邱夏月屏荒穢引蔓亦已修綠葉從風幡
嗒嗒綠畛稠采掇安敢惜願充君子羞常恐迫霜節零落委寒疇
烏噓林光白煙疏蓬門曙野人起常蚤乘涼門前樹霏霏曳川霞
微微隔林語漱齒沿清溪循畦披草露晞髮漸朝嗽悠然攜鋤去
晨出事東皋日午荷鋤倦投蔭就石眠濯足挹泉濺蟬鳴高樹秋
風攀菱葉亂石梁粲游鱗蟻垤翔鳴鶴雨繚晦遠林夕霞霽峯半

薄暮曳耒還童穉候巾盥邈然發長謠興懷越蕭散

高樹八九株鬱鬱自成林修幹撐白日密葉停繁陰清湍激其隈

時鳥諧好音微風東南來颺瀾飄我襟晞髮坐盤石徙倚日夕曛

樵牧各已返撫柯望歸雲

氣高天宇澄霜降疏草木幽人躡葛屨要鎌行刈蕘田家滌場後

原野轉蕭瑟寒響奔林急饑鳥下田啄遠嶺霽更青溪水淨逾綠

落日暖平蕪柴門有歸犢

雜詩二十首

涼風蕩我帷皎月照空牀高齋不眠客攬衣循東廂陰蟲互啾唧

朔雁方孤翔千念倏起伏憂來浩多方撫壯惜年逝抱憾悲宵長

微願與命悖鬢髮俄凌霜力耕鑿稂莠著書困汪洋矻矻會何成

撫膺坐沾裳

涎涎吳宮燕一母將五雛營巢藻井閒試飛竝翮綺疏味味重喃

喃似夸有華居倚伏乃叵測榱棟突焚如黃日空啾啾炮燔不須

與何如北渚鳥啜喋藻與蒲啜喋豈不饑寥廓恣高飛

黃鵠摩蒼天斥鷃棲卑枝高飛豈不慕羽翮各有宜力微不自量

思隨黃鵠飛中路一失所鳥雀乃見嗤何如枋榆下俛啄相因依

新霽朝暘清晨光萬象綠餘颺逗叢密陰團新竹池魚喜自跳

庭楚森成束荒徑翳蓬蒿開門絕行躅境寂理逾超物澹意自足

兀然坐東軒偶展道書讀

林臥始浹旬青陽俄成逝蝮蠃草根鳴百舌林中闕蔦蔕藉故英

縱橫延新翠梧桐貯繁陰蘋萍汎圓紫感時時已睽撫景景可喜

徂化歸自然冥心遊無始
蘭茝自香草當門乃見戕松柏生南山雕斲因棟梁逃名罔竄野
息駕沈默鄉駭浪陵天來虛舟恣徜徉
暇日聊行遊曳杖出荒闔泠然淵微颺颺響空榛顧念路旁塚
昔我心所親生存其杯斝死沒邈無因高松來悲風狐兔穴比鄰
碑銘纏棘蔓牧豎窺逡巡愴惻雍門歎痲然涕盈巾稱樂惜不蚤

愧彼泉下人

握中玄蛇珠宛宛光玉盤挾彈輕抵鵲不如蜨蛄丸鵲飛不可慕
 珠隕不可完懷寶慎所試持此聊榮跚
 日中不翦韭觸露不招葵大禹袒裸國宣尼路海湄世變苟相乘
 聖賢不敢違小儒昧達識猶介離禍媒三閭忌獨醒老氏貴守雌
 浮沈人閒世破觚靈遠非
 驅車薊門外還望燕昭臺駿骨亦已朽涓人安在哉路旁珊瑚鞭
 蹀躞驚與駘去去遊閭闔青瑣平明開纓組照衢巷軒蓋填塵埃
 乘時爭驥首涸轍獨曝腮虎豹司君閭可望不可排躊躇旋吾駕
 義轡吳山隈
 翔羽欣密林未明鬱以臨日吳澄清景池塘規半陰遊魚噉圓藻
 塔然獨隱几聊撫絃琴散近浦夕麗歸遙岑徘徊北堂上飄飄風動襟
 晨登太行山九坂艱言晨登鏡七區錄驥困繫足歷險非所任

前車折其軸人馬同顛覆後來猶逐逐行者自笑歌居人為痛哭
 不見倚柱女悲吟聊躑躅

昔遊奉高城雞鳴躡東岱割壁昏曉分捫檐星辰大瀆濕灝氣浮
 縈薄乾坤闕九點迷齊州俯視但杳靄海氣滄盃勺河流環衣帶
 羣山如旅榼羅列爭瑣碎洩雲回中白松色參天黛羽衣四五人
 髣髴松喬輩飄飄驂鹿車翳翳拂芝蓋惜哉不得從茫然墮鬢鬣
 塵繼遂至今惆悵斯遊再
 秋氣肅凝陰商飈入庭樹感此出行遊耳目俄去故噉噉離羣鴻
 瑩瑩投置免發發高柯摧刁刁落葉聚蘭蕙况小草焉能不同腐
 紉之亦奚為芬香怨遲莫臨水攬其須夕顥晨已素
 夕宿西陵渚晨登黃鶴樓南風捲江來五月疑清秋峩峩凌雪嶠
 皚皚翻白鷗芳草夏猶碧靡靡鸚鵡洲緬懷禰處士挾藻一何道
 睥睨杯酒閒頸血鹿荒邱咄咄自古然傲岸離禍尤
 巨鯤運南溟鼓鬣蹙巖島儵魚戲清沚噓沫蒲與藻渤解君弗驚

蹠泠君弗肖小大各有適齊物觀要妙宴坐讀南華听然發微笑
 瑩瑩狐白裘煌煌千金市火炆持作緣阿錫持作裏製之適次州
 三年襲珍筭雖貴匪所需不如一縑泉捷徑當趨時適履當截趾
 叔孫真聖人兩生豈儒耳所以揚子雲寂寂行沒齒
 文身冠切雲跣躡曳商舄俗習有固然信美匪衷適魚目光後宮
 蛇珠供彈射謂蓀胡鮮芳揖艾升瑤席譙鳳不司晨責麟不服軛
 楚客泣漣漣周客笑啞啞置此弗重陳迷方慨自昔
 撫劍忽不憚去上歌風臺河流日夕汎莽莽寒雲墮帳殿下牛羊
 鼻厲空蒿萊極目見芒碭古人骨已灰蕭曹白刀筆樊灌奮駑駘
 歛起附龍鳳英風被八垓途窮蹶蹶足運適伸庸材擾擾路旁子
 疇知衷所哀
 烏僕奉朝請寡婦築懷清灑削既鼎倉馬醫復鐘鳴卜式操羊筆
 擘緩取公卿錢刀生意氣貨積名逾榮窮巷有一士筆門晝常局
 緼縷栽至骭儲粟不溢豐悅視羣蟬游瞥如颿塵輕仰面看屋梁

寶此千載名

夏夜章湟村居

夕風生微涼素月出遙嶽林昏墟落微煙火遞隱顯躡履尋南溪
 偃臥從所遣鼎鼎天宇青輝輝露花泣星流光易滅螢聚目屢眩
 東鄰桔槔歸西老荷鋤倦壺榼蔭茅茨諧譁殊繾綣仁立宵每分
 素心諒可展

寄贈薛堆山先生

炎精邁薄蝕頽景迫西汜烈風飄中遠飛麓互千里亭亭孤生松
 凜凜寒巖峙蛟龍攫煙霧蛻骨深湖底野火燔枯根漂雪塗高枝
 暮宿鴉鳴晨號鷓鴣雞悲大廈一以傾梁棟復安施過客肅再拜
 匠石以徘徊豈不感搖落懿此凌寒姿志士節自苦仰止懷風詩
 登金陵城作效謝氏

黃河讖妖謠紅巾殷龍戰真人起濠梁宸景照寓縣右盼澄江湘
 左顧指吳甸考卜嘉地靈英謀屬天眷制異建章營鼎符邾鄆奠

青門雜興卷二
五
瑤蕢低玉繩日華麗彤殿闐闐填詩書聲名溢纓弁末季暗昏氛
炎靈邁厄變九鼎淪灞滄五馬同奔衍江左氣已殘羣小孽方煽
我來軫屢延興替理可見事狂跡如陳感來涕仍潛

雨後登惠山最高頂

雨歇翠微深山光媚新霽拄策凌清晨松杉吐仍翳捫蘿已數盤
緣磴方屢憩平蕪鳥去沒遠浦樹如薺絕頂驚銀濤始覺具區大
兩漚浮日月三州縈衣帶淼漭極無垠遙天與波逝羣峰散鳧鴨
汎汎煙波際平生懷壯觀興愜茲遊最下方隱招提鐘聲破蒼靄

小憩漪瀾堂汲泉煮茗

亭午谷鳥寂小疲憩空亭綠陰澗路暗泉溜鳴琮琤石池清見底
空翠漾檐楹虛牖嵐光碧高杉雲氣青和風翔珍羽古藤挂松甍
芥茗汲新泉試酌彤神清我家國山北距茲百里程九載一來遊
惆悵塵網嬰巖棲竟虛願憮然愧山靈
舟發廣陵抵高郵

朝發揚子津日暮泊湖汜薰颺扇輕編布帆逝何駛葭菼靡長流
洄沿映清泚荷芰足葑田鰕鮓賤登市遠岸澄陰霞珠湖散層綺
余本菰蘆人欣覩土風美倚舷發清吟夕風波瀾瀾

月夜湖行

飄飄信天風沿緣入湖渚溟濛孤舟煙望舒正三五潛虬射金滃
湖月互吞吐棲禽時一驚戛戛起前浦香來辨芰荷洲暗指汀樹
渥露坐霑衣徒倚忽已曙

蚤發迷失道

倉梅始知酸行路始知難夜中起巖裝徒旅來相將出門十餘里
古路縱復橫行行入空陂黃蒿沒人長叢薄蹊絕蹤野潦淼無梁
遊子惴相保解鞍以徬徨草動情鳴鐃風鳴驚豺狼青天蓋四野
眾星搖光芒馬老不識路銜草嘶我旁漫漫何時旦嗚咽沾衣裳

古興八首

漢初購遺書六籍出相踵辛苦諸老翁補苴千創孔訓故各專門

繁如獸毛毳中流得一壺庶用拯涿洞奈何章句儒詩禮供發冢
珠舍顛勿傷金椎願可控周官經世書盜漢仍禍宋陋我經生義
幹才資說諷沿流六百年臭腐日充棟安得瀉池君一為洗零膏
呂梁激縣湍流沫三十里魚鼈弗能游鼃鼃亦數駭忠信錯其軀
橫流竟安濟愚公謀移山材擔戒孫子鄰亂跳往助畚運渤海尾
志堅操蛇恐帝命負山徒夸父不量力逐景道渴死夸毗徒爾為
誠一良可恃

珍禽海上來寄巢三珠樹君不諒高義致之樊中處樊中非所斷
高飛辭君去鳳凰苟可效何異雞與鶩神龍苟可擾母乃鱸與鱖
露雲曠白日霖潦溢中楨客子出門去四顧立裴回糜株柅我轂
棘蔓鈎我衣寒裳憚濡足改轍畏途歧美人阻修路纁黃安可期
曲徑豈不捷永為志士嗤

火熱有涼燄水寒有溫泉夏可造冰飲冬或舍鼎餐冰蠶不知暑
火鼠不知寒陰陽互變化至理誠幽玄黔雷鼓大爐一氣偶控搏
隨夷與跖躡廉溷孰判分一畫啟靈鑰象數日紛云姬孔不可作
誰為叩真源

擾擾百年內晝夜中分半役夫晝作苦夜夢恣遊燕指搗有臣民
憩息悅宮殿樂哉南面王雖勞奚所怨主人夢為僕晝貴夜更賤
罵詈與鞭箠呻呼或申旦苦逸數適均哀樂乃聚門汲汲我胡爾
天運有自然

蝸角鬪巒觸蚊睫栖焦螟八紘苦湫隘遐舉遊蓬瀛霞樓晃珠玉
琪玕樹叢生飢倦飲神漢膚色冰雪瑩列仙儵往來萬里蹶空行
竦身邈難卽念之心忤營五濁積塵垢凜雪何由清
兩京富甲第壯麗儼宮觀柱壁工雕鏤綺疏青瑣絢椽桷刻龍蛇
鱗爪蜿蜒幻奧室連洞戶涼燠咫尺變借問巧工誰李菊與丁緩
見西京富貴忽易人屋如閱還傳或有被詔收斥沒似鋤剗旅葵
雜記生荒庭頽垣長野蔓榮曜乃須與廢興如轂轉杜陵有三徑嶠
有一區當時大寂寂千載垂令譽

寄題筮江上松子閣

聞君句曲隱結架長松巖戶牖面空翠垣籬依自然樵牧有行跡
山僧時獨還想茲秋夜寂幽人倚山閣月出照茅峰涼天松子落
旦發三山向銅陵

颺颺勁晨颺漫漫渌朝霧微雨三山來江雲漠陰互銅陵緬洄沿
赭圻氣昏錯掠波白鳥亟吹浪江豚怒冥冥煙樹迷渾渾天水去
安知況濼中不與蛟龍迂涉險神亦安波濤吾已屢

經彭蠡湖口望廬山

晨帆發馬當景昃停湖匯北渚搖清陰南巒走蒼靄迴眺極芊綿
羣山爭瑣碎蒼然雲霧中拔起匡嶽大絳氣天闕縈白雲山腰會
遠岑抱積雪近巖屯靄靄倒景澄湖光飛瀑溼天外延伫情彌結
攀躋阻莫遂五老空煙霞九疊竟茫昧愧慚夙心乖臨風一長嘔
潯陽舟中作

羈心零雨悲水宿風潮倦茲晨廓澄霽沿流愜佳玩綠英媚芳洲

雜花覆春岸青天鏡中流浴鳧沙際亂落日碎江光林巒采餘絢
靡靡遠煙生霏霏夕暉眩蒼然望廬山山靄旦暮變絳霞晨干霄
嵐氣夕羃巘近巒或浮黛遠瀑如縈練賞奇得新歡覽物有餘戀
山水愴娛人客懷爲一遣

雜詩感所見也效劉公幹三首

嗚嗚雙白鶴皎皎揚光儀謬承君子顧托身臨華池秋風夜中厲
奮翅起高飛豈不願終惠鍛羽分心悲

跂跂場中鹿呦呦思野草逢彼刀俎危金鑣飾何姣束縛酬君惠
哀鳴憤懷抱高義豈不懷林泉有夙好

中庭孤生槐枝幹挺崔嵬傾柯待鸞鷲黃雀紛徘徊秋風何發發
高枝何岑岑材大艱所施樽全謝天伐

漁父

東湖有漁父漁艇倚清瀨垂竿秋雨中權歌夕陽外九月蘆花白
西風鯉魚大釣亦未必得得亦未必賣扣之默無言鼓柁悠然邁

夏夜即事擬陶

微風扇纖雲皎月麗庭隅斗酒招近鄰歡然來做廬展席茅檐下
團團蔭高榆采我中國菽網我方塘魚壺盡主自斟觴至客不虛
各言禾黍好但恐子孫愚天運諒有由真此弗躊躇星稀河欲沒
白露微沾裾明朝復作苦不飲當何如

仲夏

牆東隱僧牛成都渝賣卜雕蟲笑子雲姓名變梅福未知衷適從
聊自徇所欲仲夏肆耕作雞鳴戒僮僕荷鋤出西塍驅牛入東谷
晨光猶熹微籬落散雞畜農課各有程披襟就朝沐兀然掩東軒
手翻一編讀涉獵謝冥搜懷抱脫攀攀古人偶會心听然意自足
滌韭烹園葵廚飯炊脫粟飯能起巡檐便便鼓余腹隙地尋丈餘
幽花映疏竹投餌跳朱鱗攤書漾空綠倦至枕石眠湘紋削寒玉
醒來疏雨過茶聲候初熟曳屣出柴門遠近信余躅行歌陂隴間
植杖荒谿曲稻田流水聲幽幽聽琴筑落日暖平蕪炊煙起茅屋

未夕復來歸穉子候新浴晞髮風衡宇箕坐傾醽醑明月照我裾
夜深露沾漉安步聊當車晚食聊當肉自謂義皇人欣然遂初服
安知襍穢子百年苦刺促明朝更復然寤言矢弗告

古意寄吳梅村先生

崑崖有瓊樹綠葉垂珠藥離珠生三頭臥起遞相伺孤鳳翔其窟
忍飢不能食阿閣傾窠恩收邱荒榛杞一為德衰歎栖栖託蓬藜

引吭試和鳴舍宮復叶徵元音儻已滴留待伶倫耳

先生名宗字諧孟
晚自署曰初米

追挽薛堆山先生晚自署曰初米 鼇傾坤軸翻龍戰海水颺迅颿薄層穹陵茗哀宿莽矯矯松柏姿
嶽立寒巖上薛公吾鄉傑貞操勵獨往結綬典名郡遺愛中州仰

伊昔陽九初乾坤日塵埃避地幼安非隱遁譙玄傲晚師維摩公

結念辭塵網抗節棲禪枝清心理龍象四觀豈外因六通洵內朗

余愧雕蟲技蚤辱忘年賞平生知己淚感激懷疇曩宿草披已青

哲人吾安放

草堂述懷三首

自爲青門隱因種青門田豈敢慕高蹈良與蹇拙便做廬卽先築
桑麻菱交阡菊畦旣躬藝權籬復新牽沿洄窮清溪蒼翠瞰遠巒
扶耒尋古隴投竿漚浮滌朋來命蔬酌客去獨掩關雖羞章句儒
時時埋陳編黃綺固弔詭屈賈亦忿悁悁詭非中則斟酌夷惠閒
潛游不識水巢棲不辨林適已豈外纂飛沈委所任
龐公耕鹿門未嘗入城府無功河渚閒蒔藥兼種黍君公避牆東
桃椎隱賣屨泛覽逸民傳微尚各有取曰余蚤迷方塵紲亦已苦
過半年力侵欣然事農圃課童抄茶經暇日刪菊譜田父時能來
新詩閒亦作叶巖棲顧未能遊屐神已相簪裝五嶽雲竿垂洞庭
兩婚嫁何俟畢向平非達者叶
桔槔東岡下倦息東岡隈皤皤負苓叟顧我與我諧孺子似可教
態色胡未忘挫糟歆陳粕自謂沉瀝漿照水眩文羽自駭鸞與凰
淫思坐銷鑠詎知非弱喪身隱焉用文願子葆其光多謝父老言

作計誠匪量千金享敝帚取適聊徜徉逝將焚吾硯返駕亡何鄉

同仁祠詩并敘

同仁祠在豫章東湖祀明孫公燧許公達王公守仁伍公文定
胡公世寧唐公龍皆始終宸濠之變者也康熙閒太守周君爲
許公同鄉新其祠余瞻拜祠下慨然有作

魚服溷白龍鯨螭爭沸鬱豫章短老狐吹沙翳昏日殿後吹笙竿
殿前膏斧鑕愕貽封疆臣事變起歛忽嶽嶽孫與許通衢瀝頸血
冤憤睚陽厲慷慨太尉笏龕暴資文成伍公贊規畫笳鼓喧江流
組練耀彩艫郿塢巢先覆丹徒鏃旋迫追思上變初臣寧昧死白
虎豹隔九關忠良孳爲搯唐公起瘡痍呻吟變衽席偉哉六君子
後先屹柱石致命與遂志生死理各適古祠瞰湖干異代已陳跡
烏鼠爭檐楹蟲絲網帷帟明牧念桑梓頽寢藻丹碧木主薦芷蘋
貞珉表巖薛颯爽靈旗翻飄飄冠劍列雲旂閒翠蕤左右擘明滅
我來清湖邊徒步肅瞻謁餘風激頑懦英氣恍勃窣懷賢豈徒然

峻義諒昭揭

甲寅元旦後一日坐東軒試筆

久囂生靜心暫寂境彌憚復此風日佳閑除行挾策寒竹媚餘清
枯荔蒙幽石巡檐玩疏梅陽萼紛舒白吾生亦有涯逝歲已如客
曠望結遐思春當恣遊屐竿垂笠澤煙橋凌銅官碧鬪苓尋陽崖
采蘭憩幽壁本無遺俗慮習懶偶成癖性靈寄陶寫山水與卷籍
持茲畢余生素心庶云獲

暮春追理遊棹示家人

去年買扁舟本爲山水計首塗指孟春春暮願始遂積霖歡乍晴
萬象曠澄霽山光遠近濃舫窗溼空翠溪溜趨爭喧陞英迴相媚
棠梨飄欲盡山鵲紅猶麗試蠟支硎屐還鼓石湖棹遇勝卽淹留
偶疲成小憩挂席信天風扶藜半僧寺行止豈暇謀高興委所寄
興盡會言歸東皋試新耒

登支硎中峰下尋寒泉石門諸勝

捨舟牽輕輿晨探支硎徑精藍杳靄閒中峰下清磬澗漱寒齒
攀蘿凌仄磴谷鳥歡異音風泉屢移聽喧闐遊徒跡閑寂幽人性
披榛步山椒孤邁窮幽篁荒塗疑忽閉千尺面翠屏呀然石門開
一線通螳徑支公此買山石室棲禪定寂寞千餘年馬蹟石逾瑩
有馬蹟石相傳支遁遺蹟流坎悟達生恬願驗戰勝信耽邱壑美言旋轉餘興
寄賀大理剡川謝其爲先人誌墓

中郎負逸才碑銘多慚德惟郭有道碑自謂無愧色末季文逾弊
衰譏五失實貝璣走津要文章事剽飾薈亂凡例馱馱恣曲筆
死者而有知九京顏爲惡叶先子老布衣潛德久不沒觀化週一
紀鄉耆或含噦走也少賤貧無力正碑碣賀公孤高士契合許膠
漆大書與特書闡幽美非溢嘉惠賈沈泉幽隧昭白日坯山秀色
青練湖春水滑逝登君子堂行鼓滄浪柅傾誠舒來章酬美豈萬

葉林屋過宿草堂

青門集卷二
十一
騷客洞庭來帆帶虎邱兩日暮款柴荆落帆向煙浦入門成一笑
張燈促雞黍高齋正蕭瑟琴酒清夜語梧葉響空除林端月初吐
丁巳蚤春探梅元墓因登聖恩寺鐘樓
夜聞雨響蓬曉看風日美欣然搗瘦筇沿溪入山趾沙路不沾泥
梅開已如此爛熳吾家山垂垂銅坑藥瀰漫白雲隈香雪三十里
糝帽吹微風過橋影清泚矮屋帶疏籬點綴紛可喜遂遊古招提
危閣丹崖倚豁然開心胸千峰堆案几嵐翠逼眉睫湖光盪履底
七十二芙蓉朵朵湧波起平仲杖參天螺髻青如洗畫圖出天然
摩詰營邱似暝色催遊屐出山情靡靡香氣轉霏微回望空煙水
想當清絕處山空月明裏

夜泊虎山橋

渚禽亦棲宿纜舟石橋旁沈寥山水窟夜靜橫煙霜鐘聲出林杪
犬吠隔村莊山坳吐殘月雲樹益蒼蒼羅浮無遠夢漁唱聞鳴榔
靈巖詠古蹟五首

館娃宮

千載館娃宮眼底靈巖寺粥鼓木魚聲當年歌舞地巖前石羅漢
猶記興亡事

吳王井

碧甃何沈沈空山甬古井泉瑩石髮秋僧汲露華冷想見吳宮人
曾照如花影

響屐廊

西施屐響時纖纖蓮花吐豔骨久銷沈香跌杳何處松風掃壞廊
鬼鐙自來去

采香徑

一水直剡剡吳娃此采香氤氛吳宮夜艾蒨雜都梁烏喙方臥薪
金牀醉吳王

石鼓

大小凡三相傳
鼓鳴則有兵


大鼓三十圍小鼓如杵臼吳兒畏兵讖樵斧戒弗扣日炙秋雨淋

土花一尺厚

青門麗臺卷二

三

青門麗臺卷二



青門麗臺卷三

前集

武進邵長蘅子湘

詩三 七言古

解仲長畫十八學士圖歌

秦王虬髯一尺鐵提梁親搦中原血畫開天策羣龍趨諸公衮衮
 皆英傑當時立本傳畫圖千載想像猶能識我家此障解翁筆宣
 和院體工設色臺榭渲染輝丹青宮殿玲瓏麗金碧頗工人物良
 苦思舊本摹拓開鬢眉宮袍緋紫雜青綠腰帶撻尾紛悅垂髯髯
 銅龍散講後晝遲行樂分曹偶房公微笑杜公坐投壺散帙無不
 有就中一人落筆酣細看恐是虞世南其餘學士貌各異峨峨列
 坐影華簷卽論畫馬亦殊絕奚駒十八森成列銀鞍金鍔音晚高纏
 鏤三匹翹足五匹鬻太液淡淡春風波黃鬢奚官白鬪鞞牽來十
 匹池上浴丹髮翦刷噴桃花可憐人馬爭輝寵憑軒坐久神逾竦
 憶昔風塵際會初君臣契合水與魚功成開府迨清暇春容翰墨
 非荒娛只今朝野仍艱虞時危整頓英雄需撫圖懷古心鬱紆書

青門麗臺卷三

一

生豈有封侯願慷慨擊碎玉唾壺高吟梁父浮雲徂

贈陳舍人簡儒

前朝書法誰第一枝指京兆衡山翁陳也頗能師二子墨藩揮灑

無凡蹤亡論神似與形似撫畫心苦稱良工憶昔崇禎全盛日內

庭恭儉百戲斥玉管時臨顏魯碑金錢別購蘭亭蹟是時諸公頻

召見供奉盡選金閨彥君家大阮最承恩日高數上文華殿舍人

本先官君也逡巡當其後殿前詔拂琉璃硯霜毫落紙道且都先

皇微笑中涓羨花銀帶跨進賢冠鴻鵠補子錦繡段賜出內庭拜

舞歸侯家戚里爭歎惋轉眼怪事誰能窮白馬小兒來關中天子

徒跣下殿走黃巾焚闕眾恩紅衣冠奔迫不須臾君亦還山尋故

廬彈碁格五不快意但話天寶重嗟吁邵生磊落無與匹為君沈

吟淚沾臆古來得喪何終極徑須痛飲巨羅百不然騎馬縛袴褶

走上南山學射獵君不見昭陵玉匣也可憐思陵渴葬田妃墳更

無玉匣埋寒煙

對月寄別周穀城時有徐沛之遊

別君五見望舒圓芳草已碧秋露團君今何處望明月思君對月

愁沈瀾愁亦不可道月亦不可掃有眼厭見尋常人翩然將理長

江棹長江日夜寒生波前路蕭條奈別柯八月蘆花白江汜五兩

風輕渡揚子九月搖落霜楓秋布帆婀娜泊黃樓客行浩蕩無窮

已濁浪奔流一千里中夜悲吟淚如雨眼中之人吾與子客子出

門良苦辛敝裘羸馬暗風塵惟有故鄉今夜月千里萬里長相親

他時見月能相憶應念江淮旅食人

阻兵劉家堡對月遣悶

淮陰城南晝吹角官船不行私船伏繡旗大纛塞長川城門晝閉

道路哭舟人繫纜汜湖潯大澤茫茫生野陰黃葦白浪高如屋惟

有鷓鴣鴉相哀吟客愁對此那可道落日荒煙波瀟瀟十里平

湖黛不流一片冰輪光已皎團團月出照寒沙漠漠晴蘆亂雪花

憶著別家初見月如今對月轉思家思家對月心逾苦昨夢高堂

青門舊集卷三
隔江水只言萬里堪壯遊誰知行路難如此聞昨中丞親犒師賞
有罈酒牛羊豬白日縱飲橫都市當街便殺官騎奴嗚呼世事難
開口月高星稀夜已久一聲哀鴈橫天來客淚雙雙迸林藪
沛縣官舍畱別楊簡菴表兄

我騎白龍浮江來連濤猛蹴羣山開黃河咆哮黑浪惡一月始及
歌風臺骨肉五年不相見風塵歎觀吾兄面我昔弱齡今有鬢君
亦蹉跎四十餘薄宦千里不快意一官仍擁青氈居感君意氣與
君好流連累月開懷抱夜飲酣呼玉屈卮晝遊連騎金驥裏高秋
九月天氣涼呂母塚上塵沙黃出騎快馬猛如龍叶從少年輩逐
兩聲弓弦拓作礚礚聲叶俄鴉飛去噉枯桑割鮮野飲氣益壯肯
作新婦車中藏歸來歡宴不知夕羌樂琵琶鼓箏笛明河欲沒斗
西斜主人稱壽客離席吁嗟遊子如轉蓬作客未幾行窮冬忽憶
故鄉行樂好黃雞正肥新篔紅明日驪駒更東首馬上別君但揮
手北風鬻發短後衣蕭條中野行人稀廣陵驛前暮潮落京峴山

頭雪片飛河水遙遙接江水別淚與之誰是非

瀟湘八景圖歌

誰翦鵝溪八幅雪掃出瀟湘千里碧洞庭青草水拍天捲向空堂
溼素壁彷彿魚莊落照寒鷓鴣曬翅游儻潛崑頭古寺尋細徑隔
崦山店飄青帘忽然放筆開平遠疏疏苦竹黃蘆短亂帆如葉下
前汀斷雁寒沙秋色晚湖波蕩漾湖月圓萬頃玻瓈湧玉盤二妃
出遊驪珠吐江娥絙瑟潛虬舞咫尺不覺陰晴殊暮雨黃陵啼鷓
鴣千巖一白境忽異空江簪笠漁舟孤幅幅變幻有如此山即真
山水真水驅山走水者誰子畫成不肖題名字毘陵好手說香山
傳向後來擅場有南田釋壽此畫突過二子前或云前明沈與文
聞道巴江碧似油秋風吹夢上潭州三湘浦口暗潮上八景臺南
紅葉流竟須買取洞庭舟胡爲對此成臥遊胡爲乎徒然對此成
臥遊

守城行紀時事也事在己亥六月

明星爛爛高十丈城樓雉堞屹相向吏持府帖呼點丁十家九家
驅上城黃昏麗譙鼓角鳴城頭燈火爭繁星紫髯太守雄且豪
鞞絳纓跨兩刀馬蹏踏踏何其勞貫三鞭七聲嗷嘈昨日傳聞羽
書至長江六月無行估戰艦還防揚子渡遊兵已破太平府縱令
消息未必真杞人憂天獨苦辛卽防此輩易激變盜賊往往皆良
民星沈雞唱太守至愼莫偶語行棄市

京口行

前月有人京口至向我具說京口事可憐十萬良家子被驅血作
長江水馬首紛紛紅袖曉城中處處青燐起玉帛子女委如山良
民痛哭官兵喜憶昨海艘蔽江下餘艘艤捷如矢礮火朝轟建
業城烽煙夜照瓜洲市北軍病熱人馬疲遼人三萬一萬死豈無
浙軍但袖手將軍陣亡中丞走天塹之險一葦航區區孤城亦何
有城中食盡還出降官吏抱印趨道旁釜魚假息非得已男號女
哭形蒼黃從來兵機有翻覆龍江關頭書飛鏃飲飛材官騎若雲

死國還能立戰勳嬰城既有郎尚書殺敵復用梁將軍將軍突騎
來酣戰虎頭燕領誰不見腰閒血洗大食刀馬上橫飛僕姑箭追
奔逐北旋枯蓬沿江報捷速飛電此時官軍卻入城苦死雞犬無
畱生詎有童男貫高槩似聞節婦懸夜柎嗚呼此事真可吁屠戮
豈異犬與豬上功盡擬侯王相烈燄翻將玉石俱殺民何銳殺賊
怯爾輩不得誇身殊昨來寡嫗哭交衝骨肉喪盡身羈孤腹飢足
繭但僵臥日暮哀哀眼血枯

訛言行

白頭老烏啄城角城中半夜狗聲訛言北來兵屠城居人卻望
城外哭鼓聲瑟瑟天欲曙拖男抱女出城去尺五金鏃傳令字官
出彈壓訶不住亡賴惡少三四羣黃纓戰襖假作軍黃蒿落日古
城下白奪釵環紅繡扇嗚呼若輩何其愚訛言動搖王法誅爾曹
慎弗輕轉徙道路遑遑多艱虞此邦守土誰者責官吏抱印空城
居

結交行贈陳其年

宦不必過二千石，雄不必垂雙豹囊。男兒墮地好身手，結交海內須賢豪。我昔年十五，走馬長千里。紅粉樓中月似霜，烏衣門巷秋如水。少年落拓未解事，持書便欲扣天鼓。賈生痛哭不見收，蛾眉嬋娟頗遭妬。此時豪華翻不憂，輕裘寶瑟酣倡樓。罵坐豈避田丞相，按歌還擁盧。莫愁千金入手散，不惜酒後縱橫素。霓發繞牀大叫成，臬盧斫地酣歌動。累月酣歌累月令，心哀金陵王氣安在哉。忽然懷古不得意，提劍去上歌風臺。樊噲自狗屠，鄴生亦凡才。不見隆準公，長吁神爲摧。我來索莫竟何事，英雄白骨俱蒿萊。以茲感慨歸敝廬，中歲下帷學著書。十年結客仍孤劍，十年獵古仍狂夫。荆溪陳髯湖海客，逸羣絕倫世莫敵。我見髯詩驚下拜，手斲天河捲虹霓。五歷切髯也。歌行多長篇，皎如赤城霞。起標青天王，楊盧駱格未峻逸。氣往往追青蓮，其餘諸體俱卓犖。建安以後元和前，丈夫意氣各凌競。結交有神兼有命，莫言此物良區區。我曹遇合

數亦定，竭來飛夢到荆溪。松風萬壑山君嘯，覺時縹緲雲嶠隔。明我與君長相思，爲雲爲龍不足道。片語千秋心自知，君不見豐城獄中三尺匣，土花蝕盡鸞鵲鏢。一朝會合飛上天，神物豈肯終落

桃葉渡逢周穀城

紅欄十里搖綠波，美人如花颺纖羅。高樓芳樹日欲暮，秦淮蕩漿寒煙多。此地逢君一招手，相攜徑醉秦淮酒。憶君握別又三年，天涯失意轉相憐。縱然金盡須痛飲，貂裘還值十千錢。

黃河行寄顧見山水部時以事卽訊夏鎮

黃河崩騰劈兩山，巨靈高掌遮不還。天吳八首角鬢鬢，盤螭爲梁愁援攀。河隄使者持節至，龍伯夜驅罔象避。鯨鬚如山不敢驕，短狐含沙訴向帝。帝關虎豹搏人嬉，歛忽雷霆闔闔閉。憶昨尺一馳青徐，使臣紫馬貂襜褕。緋衣御史琅璫鎖繡襖，緹騎廣柳車清時不合重黨錮。廷議似欲窮根株，此時形勢何偏仄。行人駭觀途路

塞公衣短衣出官舍慷慨不作兒女色夏陽城外萬飢民號呼狂
走天爲黑婦女拖男踞路旁公昔活我我忘遮道競挽使臣馬
欲行不行翻蒼黃飛章書入甘泉殿寒灰不死回春陽嗚呼萬變
同蒼狗金魚紫衫竟何有騶虞失勢騎猿猱鴻鵠不敢欺黃口男
兒腰項絕可憐低頭搶地胡爲然勸君歸聽華亭鶴不然卻買陽
羨田更搏兩丸弄千古左揖屈宋右青蓮君不見五湖釣艇滄浪
曲不似黃河風浪濁

苦旱行

山東怪魃如人長江南火鳥啄屋梁塵沙飄瞥千餘里火蒸石爍
曠氣黃野老吞聲與余語順治年來無此苦去年麥穗蟲食盡何
意天災復如許故老相傳明末時赤地千里飛蝗災健兒劫人割
肉啖婦女空村剝樹皮三十年間重此禍斗米千錢寧足奇嗚呼
天意不可測聞語愴悽淚沾臆昨聞兗豫土尤赤十城九城空荆
棘原田燔枯裂十字蝗蟲積地厚一尺北人氣競易作逆飢寒往

往爲盜賊走馬落日蒼山空彎弓便向行人射可憐縣官尚索租
誅求縱迫安從乎夫出行乞婦哺姑

蔣孝廉槎長畫山水歌

屋裏突削青嶂出嵐霧濛濛氣出沒石根蘚剝蒼兕皮枯松枝拉
蛟龍骨坐久疊巘靜杳冥乃知丹青足奪真宰靈高麗蹠蹠蜀罽
光槎翁拂紙開煙霜筆力稍逼黃子久邇來兼做陳白陽此幅秀
潤尤可喜綴得小閣臨江水藤蘿暝挂巖橙青島嶼欹側夕流駛
閣中著一老翁坐隔江注目寒山紫槎翁有孫畫亦精氣格跌宕
大父行學書學劍輒不就近來一技翻成名槎翁于我顏面好每
誦新詩辱稱妙知我愛翁畫入髓大嫌小幅放筆掃槎翁槎翁爾
削偏甘金易一山十金易一石權門屏障少真跡槎翁槎翁太削
偏

走筆贈別汪九石臣

與君相識六年前與君相知六年後看君磊落無機心一生好儂

兼好酒金丹三百註不遺青囊一卷繫左肘憐君奔走胡瑣尾勸
君小住爲佳耳貧家樸率野人風經旬蔬食寡鮮豕小摘園葵菹
莖酸軟炊香秬煨芋紫腐儒麤糲君不嫌瓦盆濁酒中可醺醉時
酣睡醒時笑忘形往往呼汝爾歲時伏臘具主賓跪拜禮數如弟
兄小兒年纔五六歲相見拱揖呼先生舊年別我有所適八月孤
舟荻花白今年五月君重來芙蓉初紅酒筒碧但恨野夫倦荷鋤
清談不得窮晨夕溪頭斜日重送君期君十月還來宿此時主人
亦得閒牀有清籥盤有藪爲君喚婦炊新春醉飽無事睡亦足
滄州舟次對月

我家江南望明月高樓鈞窈清輝發今來燕地憶江南明月依依
幾圓缺燕北江南共月光官河寂寂照行艤離人自對他鄉月明
月還應到故鄉故鄉迢遞三千路丹楓搖落吳江樹月落吳江幾
度秋江南思婦不勝愁流黃機上遙相憶今夜還凭明月樓

津蟹行

鯉魚風起潞河急天津蟹筍密如市人家夜火候蟹來明朝處處
提筐立爬沙郭索腥滿城十錢向市得蟹卅客子貪賤復貪肥日
日驅奴市蟹歸堆盤磊砢映紅玉滄酒破綠新撥醅此時江南蟹
正美團臍如雪斗膏紫紫鬣殼軟金爪肥紫鬣金爪皆吳蟹名細毫橙薑烹
玉髓只愁價貴不易得今來爛賤飽欲死江南黃董皆吾徒客中
相揖屢相呼傾囊卽付酒家胡左持蟹螯右提壺螯乎螯乎莫離
手客中之愁吾何有

中秋官舍醉歌簡王廿六

別家何時月如鉤荷紅菱碧青溪頭作客何時月似練燕山露冷
桂花泣嬋娟三五輝清光主人歡客夜開讌平頭奴子擊玉壺官
廚繹絡來珍膳須臾月射金叵羅葡萄嫩綠生微波紫蟹山堆不
論百冰盤雪藕水晶齏座閒同是江南客就中與子尤莫逆子家
青城湖我家國山北相違卅里不相識詎知邂逅成良朋客中見
子好顏色忽憶去年秋月時芋羹濁酒同妻兒嬌女三歲白勝雪

千迴繞鄴爭檀梨只今遠客傷懷抱賴逢吾徒足傾倒坐看行樂
諸少年酒酣耳熱誼談笑藏鉤呼白爭分曹爲梟爲盧忽狂叫躍
毬微寒月當午主人自歌客自舞我醉呼君更盡觴城頭瑟瑟搗
四鼓

將抵漢陽舟中賦長句先寄楊簡菴表兄

大江高出岷峨間轟厖萬里蹙天還我浮扁舟去吳會梅花片片
吹吳山落花風吹渡江浦雲帆婀娜江中去草色纔青北固樓晴
煙欲沒金陵樹金陵西上更青天過翻雷激爭喧闐馬當江聲突
呼洶崩浪觸山山爲動鯨吞蛟鬪爭須臾估客篙師淚俱湧竭來
稍喜風浪平江波淡淡江花明漢陽城邊春色蚤東風吹徧芳洲
草行人競指黃鶴樓夢飛只到西陵道西陵百里吾兄縣河陽春
滿花如霰客路猶違兩日程弟兄已隔十年面吾兄鳴琴不下堂
閣裏江喧近夕陽寧知江上孤舟客新月清猿正斷腸
射虎行爲黃州別駕宋牧仲先生賦

黃州城南萬山赤巉巖龍從樹蕭械猛虎噬人人晝哭朔風怒搖
山石割少年弓箭空在腰往來山頭看虎蹟冬十二月沙草枯侯
騎白馬撚僕姑駢駢突騎驅郊坰蒼山日澹黃雲平餓鷗應手霹
礮鳴霜蹶蹴踏奔飛星突豕駭鹿紛逸巡黃鬢健兒紅抹巾鼻尖
出火煙吐脣生縛兩虎躡若神歸來血洗金鞵觀者嘖嘖傾城
夸憶侯陞戟明光日 先皇恩遇曾第一翠華巡幸侯得從輦前
飛鞚捷追風抽筆更賦羽獵作絳權隨陸徒庸庸自從髯墮飛龍
去一麾出臥滄江滄江光寒淬呂虔刀壯心石沒李廣羽前者召
客開金尊坐皮間毛鷲我魂回頭恍惚睛閃爍至今俚鬼唬荒村
丈夫許國應爾爾致身努力麒麟裏豺狼狐狸敢欣喜會須澄情
報天子黃州婦子家晏眠黃州山高江泚泚

瀟湖草堂歌贈蔣穎揆

草堂縹緲瀟湖側波濤千頃玻瓈碧遠山削出銅官青夜月寒通
洞庭白草堂主人雅好奇反閉衡門擁圖籍我家距湖三十里十

年相思阻相覲今年作客來黃州邂逅一揖情即投長吟短詠屢
相酬黃州五月榴花紅楊侯簡菴金尊琥珀濃平頭羽扇搖涼風
千杯轟飲氣吸虹踞筵顧盼矍眑翁酒酣脫帽握我手索我新詩
為翁壽憶翁別家春猶半草堂歷亂花如霰計翁還山秋已深草
堂叢桂露應泣湖蟹正肥霜螯麤小槽初滴紅珍珠故鄉行樂無
事無接羅倒著須人扶我歸即理秋江艫有暇更訪湖邊廬請翁
為沽滿眼酌尊絲如銀魚鱖鱖醉眠還弄瀉湖月

歲星行贈顧黃公

歲星忽墜地偶然搏君形自言使筆如使鷹黃公有平生使鷹句風沙
簸蕩開青冥雄姿猛惱凡鳥驚山摧石走殷碎霆人閒得名四十
載喪亂飽經一身在黃岡在生如向余語弘光年閒事親覩黃公
年紀二十時赤手持書扣天鼓此時馬阮勢熏天中涓官奴氣如
虎金紫橫被輿僂身貂璫徧插秦淮估刊章緹騎方紛拏列鎮旌
旄日齟齬囊粟不救臣朔飢眼前時事多錯忤軍聲一夜沸江干

出走蒼黃七寶鞭黃公脫身亦東下耕種要離墓上田亂定還家
十年後草堂蕭瑟蕪江邊鸚鵡裘典盡無酒錢蹙額文君明鏡前黃
陂明府今詞伯邀君十千傾不惜君來半月未相識令我蚤夜心
惋搯黃公磊落固絕倫邵生未是無心人我願識君面君先交我
神文章意氣山嶽傾我曹肝膽存其真速來相見一絕倒痛飲便
呼三百巡往事翻覆休重陳嗚呼往事翻覆難重陳

西陵客舍奉酬子湘見贈之作顧景星

北地風雅久不作邵子長才尚淪落黃州別駕宋牧甄瑤篇一
見使我心錯愕往時浪蹟清江邊山陰詞客來徐緘二子才力
頗相敵驪騮赤驥爭後先徐當垂拱無四傑邵比杜甫夔州前
布衣高視動千古姓名往往輕凌煙邵子長才體不一樂府橫
吹詫無匹問年頭白曹子桓歌行再見李獻吉五字長城劉長
卿絕倒高岑七言律武湖六月波搖天武湖令君稱最賢楊簡
武湖遺蹟弔黃祖禰衡荒塚埋蒼煙當時國士盡滿座回頭淚

落沾綺筵攜尊更醉魯臺上落日似見龜蒙巔漏湖蔣翁復好
手穎揆我讀新詩不離口賞心獨許元卿知脫帽便醉梁谿酒
此時邵子吟正豪詩成寄我雙錦條氣雄時擬殷公掣入陣要
聽田僧超蔣翁咄咄復助奇潑墨書成頃刻碑玉欄鸚鵡一時
叫鶴林寺花開滿枝吁嗟往事難重說四十男兒空捉搦生平
自有仲連心全身且剩常山舌君去青門臥草堂我歸雙棧鼓
滄浪異人倘問中郎遇應說毘陵邵子湘

顧黃公贈蘄竹簟走筆作歌

龍蛇蟠蟠十尋竹冰簟削成七尺玉開緘髣髴涼飈生風漪細捲
湘痕綠我聞此竹蘄江東千箇萬箇搖晴空青天乍疑風雨至雲
氣恍惚瀟湘通蘄人伐竹當嚴冬鑿冰浸入鮫人宮馮夷湘娥惜
不得驪龍潛藏蛟子泣開春緋織寒晶瑩玻璃一片光猶溼故人
貽我拂拭寬珍之不減青琅玕我歸高臥草堂上石枕匡牀六月
寒

苦熱行客黃陂官舍作

祝融鞭龍海水沸雲旗畫翻赤鳥翅身熱鳥墮何毒淫石鑠江枯
豈天意竭來作客當炎蒸幕下跼跼若羈紲襪已覺拘形骸簿
書况復紛填委夜立仰視高星河晝眠對倉屢獻歎我聞峨嶺積
雪千丈餘層冰峻峭不到地又聞泰山突兀五株松參天黛色流
雲氣安得俄頃驅眼前松根層雪差快意忽憶草堂江之南拔天
老樹茅簷倚童童偃蓋飄涼雲冥冥低柯撲寒翠長年三伏草堂
居科頭跣足樹下睡此閒婆娑兩古槐蒼皮剝落枝幹摧有時把
卷憩其下飄風往往東南迴但恨湫隘乏遠勢令我不得開胸懷
發狂大叫胡爲哉柴門獨樹清溪隈散髮扁舟歸去來

畱別楊簡菴表兄

君之從姑我生母廿年前事猶能語我昔多疾年尚孩外家骨肉
兼哺乳舅氏憐余兒子行姓名忝竊諸兄伍余補弟子員
猶襲母姓十餘年
閒時事變白髮高堂哭翁嫗龍蛇厄歲嗟壘篋靜山兄以
乙巳捐館牛馬下

走羞羈旅前年秋踏歌風臺吾兄攜客金尊開半醉呼鷹芒碭澤
羈禽叫鴈紛徘徊今年春上黃鵠磯頭楊花如雪飛弟兄九載
一相見昏黑張燈促華譙弟鬢髮兄髮星喜極翻看淚如綫驥
子今來共我長呼出揖我我亦羨聰明已躅率更碑炯炯瞳人秋
水濺愁胡勁翮待霜飈胸齒龍文驚掣電吾兄意氣凌青霄結交
往往多賢豪江南蔣生頴新句好客中相見頗傾倒蘄州顧生方赤
亦後來歌詩卓犖波瀾老孽窠大書誰最能虎頭詞翰嗟絕妙時
時角技酣馳暉擊鉢叉手忽狂叫向非地主才且賢我曹安得共
談笑別家六月昨得書經旬眠臥惡懷抱子病妻憂歸思苦高秋
行鼓滄江棹我歌今昔情鬱紆感兄厚我常人殊兄行蚤晚承明
廬弟歸草堂松菊蕪臘月天南冰雪少看取蘄江雙鯉魚

憶昔行贈楊陶雲左遷新建丞

先皇昔御明光宮射策袞袞來羣公題目親書付三老江都天人
誰最雄楊子此時年甫廿侍臣宣詔傳呼入殿前奏對氣凌雲祕

書學士徒迨選紫陌麒麟誰不羨一日五侯爭看面朝天勅賜珊
瑚鞭陪仗數撚僕姑箭先帝天馬來渥洼桃花珠汗黃金羈囊沙
五石壓仍健期門羽林不敢騎是日講出獵場上奉詔翻身捷若
飛騰蹕滅沒三百里從官惆悵先皇杏自矜恩遇長如此鼎成
奄忽飛龍起侍臣漂泊哭遺弓聖主新恩收墜履宣室從虛賈生
席南昌應有梅尉里南昌秀壓匡廬寒香爐五老青巒吮大姑山
邊帆影落彭郎磯頭江月殘白門秋盡催驪歌勸君痛飲百叵羅
不須對此更沾裾榮枯翻覆無事無君不見皇陵白露草已蕪參
天松柏夕嘯烏

地震行

涖灘之歲月在未鼓妖中夜西北至碎訇只愁坤軸翻蒼皇詎識
眞宰意牀頭兒女爭唬號屋瓦春駉紛墜地須臾惡飈揚塵沙簸
蕩十日奔雷車傳聞山東禍尤烈郟城平原屍如麻前月經天垂
太白邇來白毛生一尺閭門童謠真有無妖異從來不勝德野夫

言門集卷三

覓紙書時日彼蒼回斡君相力

楊芝田攜暉正叔見訪因過芝田小酌作歌贈暉

高城春晚煙花亂芝田攜客來相看一揖問姓已知名喜極驚呼

把君腕看君磊落風格奇前身詞客兼畫師五嶽峻嶒五拳石渤

澥縮作險糜池一山一樹動高價畫成搖筆題新詩芝田好顏面

見我情不疏巷北十餘步要我過其廬三人細酌松窗虛娟娟新

月流空除酒闌誦君客越草長歌短吟驚絕妙芒屨行纏殘臘歸

奚囊翦取錢塘嶠吟詩恍坐冷泉亭髣髴冷聽飛瀑山靈吐舌

不敢收猿鶴至今紛叫嘯人生會合良有神論交俄頃情已親卻

憶龔生仲吾畏友說君往往不離口人事經年識面難胸中記憶

亦已久羨君墨妙古誰比佳士寫真定可耳即買東絹三丈餘煩

君貌出我與子椶櫚笠子羽人衣杳然對坐邱壑裏芝田拍手笑

不止暉乎邵乎真知己詩筒遊屐從此始

日蝕行

四月之朔日辛亥竣烏三足晝曖暉萬象黯慘無晶光六螭失照

委銜轡暗虛薄蝕理或然伐鼓奔馳成故事舊年地動滔洪濤沸

鬱蛟龍鬣青冀魚跳入釜竈產龜十城九城空晝閉哀痛罪已感

我皇山東父老今垂淚宋星徙舍由三言聖朝不合屢災異沈吟

茲咎蓋有因奉行職在良有司去聲安得詔書不挂壁農盡耕田牛

服軛追呼無隸夜打門星爲名譽卿爲雲我今欲語長吏嗔嗚呼

我今欲語行復吞

朱芾畫春禽聚曉圖歌

樹梢鶯築北風急衝寒走訪朱翁揖示我新畫春禽圖淋漓盤礴

生綃溼乍開已覺春風起瞳矓矓日臙脂紫石家步障金谷園怪

底何從移置此細看曲折知無數百鳥千花亂煙霧雕欄乳燕恰

雙飛芳叢蛺蝶宜輕舉含桃枝亞白頭翁海棠並坐黃鸝語就中

孔翠何穢繡吭綺翼雲錦披忽然一片琉璃碧綠波淡沲開平

池池中水禽互噉啜鷓鴣鸚鵡兼鷓鴣又畫五楊柳臨池漾輕煙

長條乍拂青蘋轉遊絲只益東風顛朱翁爾畫真值錢四座頓覺
寒暄遷開花爛熳似滿眼耳中髣髴聞關我聞呂紀善寫生禽
鳥翎羽囊隨身所以工貌不工意刻畫精巧微失真後來林良用
水墨孫龍學之亦效顰雖然淺淡別有致歲久黯黯無精神何如
此翁善塗抹筆所點染看如活大兒朱九陽寫照亦第一近來為
我圖五真青門山人呼欲出看罷出門迴蕭瑟斜日轉微風轉別
安得吹律回青陽坐聽春園嘯百舌

自題五真圖歌

生不必馬與牛死不必僊與佛偶然七尺落吾手老作乾坤一狂
客梁谿朱生好事者一子思翁貌以五傳神頗誇阿堵妙鑿竅只
愁真宰怒初畫東軒展卷圖空翠洗出雙高梧手翻一編石根坐
欣然不覺難字過展卷村墟布穀嘯五月此時科頭脚不襪柳陰
箕踞披其襟看驅烏健衝雲發課耕忽然沓嶂青連綿綠玉拄杖
凌蒼煙疑窺少室樹恍躡太華蓮恆山衡嶠俱茫然翠色忽落祖

徠巔撫圖壯觀神飛翻遊嶽五嶽十年遊未遂又欲垂竿洞庭水

蘆花雪落短篷白楓葉夕陽遠山紫人生蹤迹有如此垂竿晚作

頭陀竟何意兀然枯坐巖厓翠平生長物百不攜空巖窸窸藤花

墜蕉圖于思翁青門子入門問耕讀出門尋山水丈夫貴是能適

意寫形寫神皆寄耳畫圖工拙何足齒如此溪山吾老矣釣船蠟

展明年始

奉和青門五真圖歌楊大鶴

我欲把卷心茫然躬耕又少徂徠田高山巉巖溪水惡塵埃何
處堪逃禪眼前灑落青門逸東軒一編呼欲出水田白鷺三四
飛柳根箕踞看驅惰稷履行穿五嶽雲蘆花垂釣五湖雪忽復
巖厓跌蕉團君身自是僊與佛披圖展轉誰為此冬夏課耕讀
春秋恣遊履青門意欲明年始乾坤放浪三十年瞿曇投老方
足矣吁嗟七尺真幻軀反覆變怪何事無只今暫塌青雲途終
當翔佩承明廬朱生好事胡為乎不然五真之圖君果踐我亦

從此開生面

前題兄贊

絕羣之髯本超逸蚤卜東軒竟餘日石牀一卷時促鄰乳桐篇
竹當軒綠瀲瀲竹閒水流續所然微笑示以目阿咸烏頭面牀

立心知不言似請益展卷圖

深枿布穀呼朝課手據雲根腹坦坐烏健叱叱衝雲過白鷺二

三掠水飛欣然高詠懷新詩解顏自勸老農疲疲時各給酒一

斛莫學少年空佩犢課耕圖

已將山水屬家人竹杖布袍秋復春有生不負淵明中世閒几

席多危路何必層巒窘故步蹒跚樓屨從今去三十年來成放

浪風日佳時看此像遊嶽圖

千縷煙蓑一葉舟竹竿嫋嫋沙汀頭汀蘆隱約舟尾窄茶具筆

牀書幔隔回首夕陽楓樹赤道是方洲小景耳洞庭日夜風波

裏注目拈髭或有以垂竿圖

瞿曇此日堪投老枯坐千峰一身小面面青巖青不了振衣欲

拍洪崖肩藤花簌簌飛巖前朱子邵子心茫然問君良久不開

口三尺蕉團亦何有蕉團圖

讀書樓歌寄周櫟園先生并敘

櫟園先生讀書樓在金陵秦淮南峰巒環翠煙雲嵐樹朝夕異

態樓中貯古今名畫千餘幅或取元人讀書似看山看山似讀

畫句賦詩美之先生遂以名樓一時名人皆有詩余作此歌

先生近卜秦淮築高樓恰對青山麓當窗碧嶂三四峰插架縹緗

一萬軸主人愛畫兼愛山山色堪憑畫堪讀讀書樓成映遠巒登

樓髣髴畫圖看得非黃子久或是沈石田後來好手不易到畢竟

二李與荆關有時晴窗一散帙屋裏轉驚嵐霧溼空翠明滅三山

煙素練微茫江水急先生此時映簾坐讀書看山無不可注目山

傳畫手神卷綃畫奪青山趣盤礴那知畫與山杳冥但覺精靈聚

猿狖叫嘯熊兕嘯松風瀑壑愁雷雨我聞先生畫癖真絕奇破練

敗絹爭高賞丹青好客悉羅致物聚所好良有之乃知鑒賞心尤
苦才士逢君亦如此大澤蒼莽饒龍蛇珊瑚晶瑩出海底忽憶秦
淮追昔遊烏巾紫綺舊風流清秋興發滄江棹一訪秦淮讀畫樓
沈君行 并敘

沈君名壽堯宣城人順治乙酉七月從故中丞邱公德祖起兵
尋敗身到死壬子三月其子泌來毘陵要蘅作此詩距君之死
蓋三十年矣泌字方鄴以詩名

妖鳥飛啄大明門浮江五馬同崩奔一馬化龍翻作豬鯨鯢跋浪
江淮渾乙酉年閒月建千天塹千尋沈鐵鎖結綺纓嬌張麗華雀
桁先入韓擒虎東南處處揚旌旄圖讖紛紛說刃刀寧國城頭畫
吹角健兒身手爭咆哮誰其帥者邱中丞高牙繡螯駐錦袍沈君
昂然草閒至長揖中丞坐論事攝衣便啣臧洪血據鞍誓飛魯連
矢當時倚角金 太史與麻文學三衡異軍蒼頭紛特起七月風霾吹動
地城中歛吸軍聲異壞雲壓營牛馬驚空卷欲張鼓聲死沈君獨

出騎驪驄十盪十決怒裂背裹屍馬革此其時納刀韉中氣益駛
男兒要是能殉國軍敗死耳不可辱回看從騎逸奔星七首堪胸
血出漉戰罷白日慘晶光烏鳶晝呼啄人肉邱公金公同喪元麻
生藁街遭殺戮四海車書又一時諸公烏葬精靈哭沈吟此事三
十載人閒賸有孤兒在相逢重話江光年不覺吞聲涕如醜同時
豈無諸大臣肘金拖玉袍麒麟開門納降馬首迎而翁死綏一諸
生嗚呼而翁死綏一諸生

五人墓行

春光澹沲山塘路遊絲晴絮嬌芳樹路旁剝落三尺碑云是前朝
五人墓借問五人誰中央突兀顏佩韋東西四塚排纍纍墓門晝
鎖松風迴書生曾讀前朝史依稀能說前朝事天啓年閒歲在寅
緹騎四出驚狂獠此時一舸飛吳閶屬鞮繡襖來昂藏吏部短衣
出就逮 周忠介觀者擁塞如堵牆轟轟萬口那可辨哭聲震天日
色黃五人大呼奮臂起形勢歛忽厖羹塘誰何一校先橫屍中丞

卻避御史忙詔收棄市罪激變至今死骨傳芬芳憶昔逆闖恣塗
炭鏃斧銅甕衣冠殃諸公駢首填牢戶東林首指左與楊篋輿就
考備五毒尸蟲嚙肌不得葬切闖奴更灼熏天燄穹祠金榜蛟
龍翔鳳闕敢擬至尊塲龜趺忍立成均匆匆往往嵩呼九千歲冕旒
袞玉爭輝煌寧知勢歇頓翻覆七尺自絕阜城吭生祠處處毀斥
盡木石佑值充邊防豈惟闖祠旋毀撤廿年變故那能說鼎湖鳧
鴈飛滿天鍾山天壽狐狸穴玉匣珠襦夜不扃皇陵白骨愁冬青
眼前寂寞一抔土參天檜柏蒼虬鱗年年寒食山橋畔指點飛花
說五人

遠遊篇畱別陳椒峰董彝民

四海一杯水五嶽五蟻邱高盼狹萬里長嘯凌滄洲江鯨跋浪雪
山湧乘之便欲西南遊西南匡廬特秀發絕頂煙濤混吳越倒影
搖動彭蠡湖黛碧嵯峨十萬尺銀河插地砮雷霆紫劔倚天截虹
霓前年過此不得上矯首蒼茫意促滅今年會踏香爐峰坐看瀑

布青雲坼蘇石剝落藤蘿垂淵明太白俱陳迹白鷗隨潺湲浩蕩
何時還逸興夢天姥迴帆拂嚴灘嬋娟繡嶺月空翠白嶽煙新安
江清石見底十日可到西湖邊吁嗟此遊良壯觀行窮吳越尋名
山山靈喻嚙猿鶴寒真宰刺促不得閑廿年夢想願始踐扁舟欲
往心悠然眼中交遊誰最親知己獨數董與陳欲別惜別愁汎瀾
出門八月霜楓斑江荻瑟瑟江鴻翻有音儻附秋風翰

寄方邵邨侍御

前年何處與君別南浦帆檣芳草歇今年何處我思君白鷺洲前
木葉曠秋風矯首金陵陌悲吟甲古空陳迹嗚烏寂寞景陽樓海
燕淒涼江總宅江北江南繫客思蔣芽菰葉正參差去憑估客蘭
江鯉乞寫中郎黃絹碑

禱雨詞效張王體

旛幢對對村鼓迎楊枝插門水貯瓶大巫歌唱小巫舞圍繞蜥蜴
誼鉞鈴烏頭風急雨絲起男顏欣欣女顏喜舉家再拜謝天公豆

青門麓臺卷三
花作莢稻不死將來輸得官家租免向他州鬻兒子明朝處處賽
城隍回頭向妻索釵珥

青門麓臺卷三

青門麓臺卷四

前集

武進邵長蘅子湘

詩四 五言律

蚤秋訪吳山人二首

已作經年別欣然一面難茶瓜閑話久禮數埜人寬樹密衣分綠
秋添閨蚤寒窗中山翠滿欹枕共君看
歸路誰相伴寥寥隔水鐘人煙清古木山色淡秋容雁影寒塘外
村春細雨中重來須九月楓葉未全紅
高郵別陳簡儒便附家信
客裏過重九羈愁一夕新不堪明日去更別故鄉人暮雨孟城樹
疲羸沛縣塵平安煩寄語老父恐傷神
百感

百感中宵集起行秋月殘蟬噤霜砌冷鼠竄葉聲乾儉歲謀生拙
微軀救過難高吟履霜操清淚落潺湲
十六夜桃源立秋

今夜仍圓月荒城驚蚤秋邊淮一葉下高樹數螢流水闊虬龍動

堂空蟋蟀愁遙憐兒女語應說過揚州

任城飲胡氏嘉樹堂
濟上停征騎淹留十夜情高槐微雨過石榻晚涼生水浸葡萄紫

蟻浮桑落清乍逢翻惜別未覺客愁輕

別友

策馬清秋裏逢君沛水涯開尊同是客寄簞偶如家嶽樹晴天出

河帆細雨斜淒然分手處直北是京華

津門雜詩五首

軍城獨臨眺雉堞俯蒼茫樹擁千檣雨秋嘶萬馬霜海色搖空白

河流倒檻黃自來三輔地南北倚金湯
莽莽危樓望荒荒海氣昏蝨弧翻夕照甘積滿秋村吹急駱駝散

城陰雁鶩喧還應益愁思風物異鄉園
九河爭一線百里見排檣海煮半盆雪江浮杭稻香西風縣蟹笏

連竿嫺魚梁形勝重回首旌竿動夕陽

驛樓楊柳外使節日誼傳冠蓋燕齊望帆檣楚蜀連誅求看漸急

戰伐已多年蒟醬無勞問蒼生涕淚前

清秋荒塞客黃葉擁孤吟地涵俗無井城空海易陰登盤津蟹賤

御袷旅寒侵裘傲管緹澀霜花冷劍鐔

憶家

忽憶柴門迥秋深杭稻黃芋青鏡冒雨柿赤落經霜鄰火寒春急

新篔簹米香旅顏應便破作計理歸航

秋日作

青山澹秋景黃菊媚蕭辰節候已如此孤懷誰與親半庭風落葉

三月病眠身賴有新篔簹熟牀頭挂葛巾

先人墓松植三年矣冬日掃除悵然有作

新松三尺許接葉漸成行和淚人頻到攀條痛未忘暮雲原草碧
霜葉墓田黃回憶趨庭日翻增老大傷

草堂雜興八首

學農兼學圃不愧楚人居渚稻白新熟畦蔬荒自鋤迎霜登好粒

先雪蓄瓜瓠家世為農舊勞生轉自舒

事往閒尋憶猶驚三木魂登車當死別還里愧生存江南奏銷案起破速者三

千人中途命托長鑱在詩稱無佛尊塞翁忘慮久得失更休論

偶然乘興出孤棹五湖邊鄧尉梅花雨銅官茶筍天暫住逢僧寺

忘歸聽瀑泉筆牀兼茗椀真作釣魚船

老諳農事亟穫稻趁晴天瀨減霜痕落山曠楓葉鮮僮喧爭拾穗

村晚泄孤煙歸徑柴車夕籬門新月娟

我已微名誤猶矜敝帚存長吟詩過日自剪紙招魂鴻雁飛傷繳

豺狸喧近村敢言龍性舊放擲任乾坤

龍鍛誰言性鴻飛久已冥寒狙隨拾橡山雪獨鋤苓混俗成吾放

全身忌獨醒筵算何必問生計合漁汀

柴門延眺久墟里徧斜暉獨樹晴原小千山風葉稀鳥度寒煙沒

人歸溪路微笠老閒相識農談意不違

小築營茅棟籬斜對國山藤陰紫屋老樹色到門閑笠竹青千箇

溪流碧一灣吾廬真自愛飛鳥倦知還

客有談義興善權之勝者

聞道龍巖洞靈根玉掌懸撐空削碧乳仰雷墮青天雷火書檐柱

仙人種石田春來擬蠟屐攜句國山巔

陳柯亭過草堂

炙背牆根下冬暄愛夕曛荒邨無好客把卷即思君柴柵牛羊巷

霜原麋鹿羣相看愜幽興細酌對論文

蕪湖道中霧

宿霧霾寒日肩輿問曉途衣沾細雨溼僕語隔煙呼浦口低雲樹

蕪湖放船

日斜輕浪穩放棹下蟻磯晴指三山近風看五兩微天浮遠江去

驚背夕霞飛薄暮聞沙雁春風正北歸

風濤吹浪腥

江急雨冥冥江豚吹浪腥濤奔遠岸白峯逐去帆青楚成春低樹

九江

吳楚一江共波濤九派分湖光寒自白廬嶽曉常雲虎鬪荒邨迹

猿啼落日聞琵琶亭廢久楓葉正紛紛

喜晤楊簡菴表兄小酌話舊

十年驚一面悲喜百端侵兩地存亡淚今朝兄弟心杯中燈燼落

花外雨聲深潦倒吾何恨詩成作楚吟

贈楊臨皋表姪
昔別尚童穉今來長竝肩漸驚我輩老轉覺後生賢官舍一杯酒
春江百丈船客愁正漂泊須汝定周旋
酬顧赤方招提雨後見寄

兩洗高天碧江城生蚤秋故人頻記憶得句卽相酬葦飯香依佛

鐘聲暮倚樓客懷牢落甚悵爾共淹留

登迴瀾閣
落日維舟後危樓獨倚櫺波搖二面白峯插隔江青鈴磬潮聲合

魚龍佛座腥向來征戰地列艦近前汀

河橋別蔣穎揆

亦知暫分手情至一沾巾江漢同歸日河橋孤棹人客裝經雨溼

交態對君真秋色看乘興西湖理釣綸

走訊龔仲震因憶亡友管其玉
人事經年別驚心各鬢蒼謀生共鹵莽旅會總淒涼酒態今能否

交情老易傷山陽懷舊意相見定沾裳

東皋卽事

遲日煙花亂暄光逐望迷好花多照水幽鳥各成嘯斲筍園丁至
攜壺石磴低興移忘去住落景女牆西

哭楊簡菴表兄楊以黃陂令卒官五首

思君忽痛哭轉憶別君時斜日同杯酒秋帆送遠詩那傳前月訊
便隔九京期黃鵠磯頭路傷心舊別離

一死只如此悲君萬事非萊蕪貧到骨婚嫁願仍違雲臺吳山暗
天寒楚樹稀途窮兼歲暮盡室竟誰依

急難憐車子公車大史其育艱危見至誠一棺依古佛百口託門生
天闊瀟湘晚魂歸波浪驚獨慚磨鏡客生死負交情

死更無家在貧還急舊逋孤兒資摺拾僮僕困追呼漢水原連峽
岷江自到吳幾時丹旆返唬眼望俱枯

辛苦西山戍王師血戰頻送徒躬涕淚轉粟石磷响斥埃連羅穴
烽煙暗錦津可憐勞吏死孤續竟誰論公西山轉餉功未敘

得楊陶雲豫章書卻寄

名豈微官減詩看別後多帝關愁虎豹客舍傍鼃鼃嗜酒陶彭澤
投湘楚汨羅先朝元侍從漂泊幾悲歌

移褚道士山房梧桐植東軒

攜鋤新雨過種樹熏風初側近幽人榻來從羽士居碧浮書帙淨
涼入茗甌虛欲遲新月上清影定何如

哭亡兒士騷十首

苦憶臨危日鬢髮捋我鬢扶攜憐小妹書帙繫長吁語咽頻流涕
心傷數問吾可憐成永訣未肯瞑雙瞋

歷歷生存事追思倍愴神提攜燈下影唬笑夢邊身壁流他時墨
絲牽未了姻無端爾百慮獨夜幾沾巾

記汝懸弧候呱呱逼小年吾廬元日會湯餅洗兒筵歡劇家人語
唬聲大父憐只今腸斷處墳草蔓寒煙

久客初歸日迎門意可憐挽鬢歡劇舞繞鄰喜應顛骨月今歸土
拋離憶往年空庭時獨立無語倍泫然

誤作一生料吁嗟萬事違長年余旅食幼日汝唬飢舐犢終身痛
菟裘百慮非清宵頻絮語相對溼牛衣

遺編繙不忍轉憶課經時過愛翻成薄求全屢受咎一燈寒夜影
 十載鄰前兒辛苦成何事酸心我不恣
 亦覺悲何益悲來不自知眾中時獨語兀坐忽狂癡恍恍驚前事
 悠悠憶見期瀕危還勸汝藥餌苦攢眉
 最苦憐渠母怔忡病裏言枕添新碧血藥暝舊驚魂廿載齷鹽痛
 他生骨肉恩傷心風雨夜慟哭幾黃昏
 盞櫛經旬懶衣衫漬淚痕伶俜餘此日門戶且誰論痛我無兄弟
 憐渠是豕孫昨朝寒食奠隻立黯銷魂
 過橋成一慟西北見孤塋白雪嬌兒面黃泉螻螳營堊棠春自發
 溪水咽無聲天意高難問崎嶇任此生
 雨泊虎邱別賀天山時約遊玄墓不果
 七里山塘路春陰艤棹時塔籠空翠斷鐘度暝煙遲山好遊難定
 交新別易悲妒人玄墓雨冷蕊正垂垂
 惠山遊秦對叢太史寄暢園五首

聞道秦園勝偶然成獨遊入門幽篠合穿磴落花雷斷塔山池浸
 晴巒樹杪浮泉聲清絕處灑灑石根流
 嘉樹層軒外風潭百尺渟倒浮連檻碧遠漾一峯青吹浪魚兒出
 鈞簾鳥語聽濠梁幽興極理釣近前汀
 山斲九龍骨池分陸羽泉撲簾蒼翠逼罅石泐流涓邱壑原胸次
 高深得自然頗疑文叔記不及此山川
 髹漆烏皮几湘簾白石牀櫺窗占位置閒靚頗相當樹老斜侵閣
 花欹曲避牆重來知不厭高枕足常羊
 亦知難久住惜別為林泉便欲買山隱那如此地偏魚噉花片亂
 僧磬石林煙幾兩平生屐臨風一惘然
 壬子七夕悼女
 中年感易侵弱女亦關心命節杯從過清宵涕不禁銀河依樹直
 鉤月抱檐沈暗壁蛩聲急淒然入苦吟
 望小孤山

江流奔正急，拳石削嶙峋。一柱界吳楚，孤根會鬼神。背巖腥聚鳥，過樹白知人。不盡探奇興，凭舷望轉新。

江夜

離抱中年惡，況逢秋氣寒。雁纔今夜到，人立楚舟看。月黑蒸蟻霧，江鳴滾荻灘。清宵渾不寐，枕席有驚湍。

別楊臨皋

相見纔幾日，悵然君獨歸。一杯今夜月，雙槳故人違。白露衣襦冷，清江稻蟹肥。因君起鄉思，寒夢繞漁磯。

宿棲賢寺蚤起

一夜不成夢，泉聲清客魂。微鐘纔出寺，童子蚤開門。西嶺墮殘月，東巖聞曉猿。扶筇松下去，露滴白頭繁。

廬山

飛瀑山山響，層巒面面尊。雲開五老大，背觸九江奔。颯急時疑虎，蘿深或挂猿。精藍隨處好，清磬隔松門。

憩山菴

過澗一鐘斷，僧龕細路邊。開扉延翠嶂，破竹引清泉。松葉不曾掃，寒花隨意妍。買山須住此，小憩亦悠然。

南康雜詩八首

居然古名郡，不信此荒涼。井邑浮湖岸，峯巒插女牆。人驚穿虎豹，蛟屢破帆檣。獨有匡廬勝，銀河挂石梁。

戰鬪他年蹟，時清尚駐兵。鸛鶴衝雪浪，鉦柝亂寒更。嵐氣晝兼霧，湖光夕尚明。地偏凭眺迥，似慰異鄉情。

九日今朝是，霜林步履重。懸青千嶂合，徑誤一花逢。獨立遲過雁，孤帆落暮鐘。東籬此時菊，爛熳幾芳叢。

舊說廬山好，清秋慰眼前。有峯皆隱衲，無壑不飛泉。劍逼青天破，簾垂玉竦縣。山有雙劍峯，玉簾泉。扶攜老藤杖，疑上漢陽巔。漢陽峯，廬山最高處。

牢落南康客，秋風去住迷。郡當孤石出，堞壓萬峯低。生事羞雞肋，空城印虎蹏。故園前夜雨，紅葉正平蹊。

冠蓋此邦少荒城蚤上關波濤撼星子風雨失匡山府主寒喧數

江邨楓菊斑草堂三徑在淹泊未知還

一旬秋雨暗今日曉山清物似含新態天應豁旅情過雲丹嶂麗

盪日碧湖明正有登臨興青鞵會趁晴

殘堞臨無地危欄此倚樓沿堤圓網聚落照半湖幽蒼靄匡廬幻

風濤左蠡愁傳聞石鷁子厭勝鑿金牛湖中石鷁子屢破舟郡守廖公文英冶鐵柱牽四牛

之鎮

對月

他鄉又月圓對月一潸然章貢殘年棹冰霜堊天鄉心微醉裏

客夢曉山前髣髴流黃照高樓淚點縣

虎邱喜遇賀天山

相見忽驚喜相逢本不期五年前此地風雨別君時鼙鼓秋仍急

漁樵路總疑百年能幾會珍重各題詩

贈董舜民孝廉二首

黨禁真能解公車有故人上書多難後複壁十年身霄漢盤秋隼

江湖縱濶鱗主恩原浩蕩不是為黃巾

握手重逢地蒼茫立語疑短衣京口雨殘帙薊門詩落日驚烽燧

涼風動鬢絲蓬蒿三徑在遲爾話心期

長至夜黃艾菴龔琅霞岳邁亭陳椒峯諸子同集二首


節序緹灰候山川戰鼓中羽書連薊北驛騎斷巴東亂喜親朋健

愁吟酒醖空十年艱此會相對燭花紅

戍角斷霜天梅花對綺筵寒星垂戶澹璧月隔宵圓廚顧還吾黨

兵戈又歲年不須添繡線潦倒客愁牽

青門麓稟卷四



青門麓稟卷五

前集

武進邵長蘅子湘

詩五 七言律

望太湖二首

東南萬派具區尊底定千年禹績存
點點青峯汎鳧鴨皚皚白浪
吼鼉龍松茗水外疑無地橘柚山中別有邨
惆悵鴟夷從此去空祠何處薦溪蓀

七十二朵青芙蓉晴天亂插碧湖中
玉柱金庭杳人境十洲五嶽應潛通
紫芝何處訪角里白鹿導我尋毛公
好待秋風放船去筆牀茶竈隨孤篷

晚晴書懷

林塘過雨水爭流五月微寒氣逼秋天外
斷虹看倚劍簾前芳草獨登樓
青山不盡窮途恨白日長縣萬里愁
磨盾棄繻年少志誰憐老大滯滄洲

和吳山人仲立楚眺見懷之作

翻風麥浪棟花天乳燕鷓鴣嬌可憐啼鳥不飛殘雨外人家多住
夕陽邊哦詩楚徑搘筇杖乘興清溪上釣船相憶好貽招隱句五
湖莼菜紫初圓

寄題華陽山館

茅山道士幽棲處瓢笠悠然白石牀春盡落花流澗戶秋來寒雨
滿華陽欲從茅氏叅丹訣便入藍田試玉方笙鶴夜深過嶺去仙
人洞口月如霜

夜泊京口

驚濤如雪大江聲估客帆檣鐵甕城暮雨瓜洲人北去秋風瓠子
雁南征寒潮夜落鼉鼉窟鏡吹晨喧鵝鷺營應是年來新血戰防
江添駐水犀兵

彭城懷古

落日秋風古戰場河流無恙霸圖荒寒花幾處依殘壘山郭千家
動夕陽戲馬臺空衰草白歌風蹟在斷碑黃沐猴逐鹿俱遺事夜

夜啼烏上女牆

登歌風臺懷古

芒碭真人乘赤龍故鄉行幸有遺宮壁理蝌蚪荒碑在木落牛羊
寢殿空湯沐百年歡父老衣冠十日擁兒童淮陰已檻黔彭醢慷
慨何須悲大風

送友之貴州觀察二首

盤江路出蜀江長萬里牂牁古越裳藥物去兼衝瘴癘行廚飯亦
薦檳榔月明貴竹稀逢雁山暖桐花自薄霜此地由來秦郡縣莫
令雨露隔炎方

官船簫鼓大江濱嶺樹千盤出粵津雞卜百年供烏鬼馬畱三戶
自華人塞帷榔酒誇蠻女夾道山花撲漢臣見說孔明遺廟在五
溪官長未難馴

望鍾山三首

先朝陵墓對天壇紫氣鍾山尚鬱盤大壑局雲龍虎臥陰池積雪

雁鳧寒豈有祠官供俎豆仍聞廢殿鎖衣冠霓旌想像曾遊地輦路淒涼瀉急湍

覆舟幕府名執屣屨高廟弓髯此地悲哀壑千年埋玉盃中天

羣帝閃金支松杉書裏虬龍動雷雨宵寒虎豹噫膾有故宮離黍

淚行人下馬奠椒紙陪京雉堞迴蒼然重憶高皇逐鹿年汗馬北騰穿碣石長虹南倚

劃吳天鼎湖龍去離宮鎖複道花繁紫禁偏悵望寢園今寂寞橐

駝秋牧孝陵煙自孟城渡揚子江

孟城西面黃山北五兩帆輕過鎮江江勢全吞吳徼闊潮聲直到

海門降曉鐘遠岸瓜洲樹暮雨連橋估客艤南北近來添戰壘城

頭烏尾動旌杠望岱

烏道高縣十八盤遙從積翠辨巒岿嶽晴樹擁天門斷洞坼峰搖

明月寒紫氣定縈秦觀出白雲應傷漢封蟠何當手剔磨崖讀矯

首秋風憶羽翰蚤春楚遊寄懷莊澹菴宮庶

病起逢春纔十日扁舟遙指鳳凰山長貧妻子輕離別遠地交遊

多厚顏渡口落梅浮客權江程暮雨出蕪關憶君高臥東山月把

卷行吟興未閑馬當值雨

淦淦江雲午不開山根崩浪蹴天鼙雷碎峽東蛟龍鬪雨急江翻

鴟鷂哀疊嶂回看溢口失奔濤直啣小孤迴瞿塘灩澦何如此擬

柁真憐三老才潯陽舟中憶龔仲震久客邢襄遙寄

邢臺秋色悵離羣楚水春帆獨憶君暮雨啼猿湓浦樹風花歸雁

石門雲鄂玉城北孤篷遠豫讓橋西流水分兩地牽愁同作客題

詩萬里淚潺湲

青門簾卷五

三

送友歸附家訊

去住都愁心事違送君惜別淚沾衣對牀官舍三更話細雨春帆
明日歸水驛棠梨寒食過江城楊柳故人稀貧家舊住清溪曲芳
草閉門正掩扉

魯臺山春望山爲二程先生讀書地

柳碧鶯啼瀟水隈山從樹杪出層臺川光晴抱孤城轉埜色青延
遠嶂來斜日荒林羣雀噪春風古塚一花開先生杖履曾遊地雙
鳳亭空角暮哀

送車孝廉下第歸邵陽

春風憔悴別京華歸去湖南枳殼花嶽麓夏雲迷楚望湘潭樹影
出星沙孤帆青草愁邊路明月黃陵夢裏家到日萊衣歡自舞莫
因畱滯重吁嗟

贈別顧赤方

屈指交遊吾自見別離對爾涕闌干百年天地知音幾去日風塵

會面難江漲魚龍逐浪闊秋深鷗鷺傷舟寒把君詩句長懷袖後
夜相思珍重看

畱蔣穎揆信宿草堂

握手畱君三日住別離已是隔年看同舟江漢開懷久臥病親交
見面難出芥焙茶資盃碧經春竹葉玉缸寒極知供給貧家儉紅
藥蒼苔滿石欄

和楊陶雲感懷時左遷新建少府三首

憶侍先朝供奉行從容陪乘賦長楊敕騎天馬中官鞚歸撤金蓮
御座傷恩譴百年憐賈傅孤臣中夜泣章皇園陵萬里龍山北

白露清秋寢殿涼

滕王閣下贛江迴近侍移官佐掾來執政自應持大體至尊誰見
不憐才豫章綠樹冬仍碧溢口清猿曉易哀不似長沙卑溼地汨
羅詞賦未須裁

汝從移疾臥煙蘿幾載麻衣廢蓼莪海內君親餘痛哭天南魑魅

荅悲歌潮吞章貢江聲急翠削匡廬郡閣多想見元嬰遺蹟在珠簾畫棟近如何

走簡楊芝田乞芍藥栽

楊子玄亭紅芍藥秋來為乞數株栽開春爛熳即滿眼細酌吟哦定幾回簷外翠屏當檻出鄰家綠竹過牆來巾車官識柴門徑豫

擬花時與醅醕

舟訪蔣穎揆瀟湖草堂

鷺立流澌傷客舫日斜帆影落葭汀屋西漏子湖光白天畔銅官暮靄青戎馬故園今夜月圖書半榻草堂星巡檐梅蕊垂垂發坐嗅寒香倒醅醕

送張大再之黃州經紀楊簡菴喪

張為簡菴內弟

臘月纔回江口棹新年重上漢陽橋愁看雪色湘潭暮欲折梅花庾嶺遙生死情親餘姊弟孤嫠痛哭又元宵羊曇亦是西州客和淚題詩寄暮潮

題蜀山蘇文忠祠

青岑碧樹閉空祠卜宅當年蜀客思罨畫溪如看錦水銅官山似對峨眉花濃楚徑低飛蝶鳥語深春半子規鶴警角巾遺像在風流異代足吾師

喜楊陶雲暫假歸里同飲春曉閣看梅

前歲分攜彭蠡雁此時同看故園梅窮途骨月還今夕幾許悲歡到酒杯欲落不落纖月動將開未開疏香來別後相思那能寄清吟冷嗅重遲迴

送董舜民孝廉董將以訟冤伏闕一首

名士乘春入雒裝吳姬小店酒杯香征衫細雨聞鶉鳩急槩飛花送夕陽黨禁朝廷終易解名流海內幾醒狂灞陵到日垂楊碧短葉長條憶故鄉

甕甕楊柳正堪攀寒食尊前慘別顏吾道風塵工伏枕清時虎豹豈當關江南夢度鴻邊月薊北青來雨後山梁獄書成應力上龍

泉紫氣斗牛閒

酬陳柯亭送別之豫章作

藤笈殘編上楚舸蒼蒼客路入青楓尋常累月同杯醖容易清秋

賦轉蓬嶽頂石銜冬夏雪宮亭帆折往來風宮亭湖神能分風劈流憶君何

地堪垂淚月黑空江有去鴻

登吳城望湖亭

鄱湖湖合潁江流倚檻江湖望轉幽湖勢北搖匡嶽動江聲西擁

豫章浮魚龍晝嘯千艘雨日月晴懸一鏡秋回首戰爭曾此地荻

花蕭瑟隱漁舟

駱成菴招飲豫章寓樓談次頗及會稽之勝

逢君孺子古亭旁斫地悲歌解鸚鵡成菴獄事方解乾蓋以餘生仍涕淚

坤吾道一滄浪高樓雁到憐今夕片月尊前似故鄉憑話永和名

勝在春帆鷗夢可能忘

寄訊楊少府

豫章消息又經年估舶書傳倍黯然伏枕雨聲寒食過愁吟酒醖
落花前東湖畫舫西山屐膝閣文章梅尉仙高興比來如舊否秋
風憑寄鯉魚箋

入春四首

入春雨雪兼雷電羽檄滇南何太頻蒙檮不聞歸使節辰沅是處

哭烽燧桃花卽紅愁爛熳鶯語猶澀翻逡巡春色透池轉亡賴東

南杼軸久沾巾

回首春風擊鼓多飛揚跋扈各橫戈東甌未得誅餘善南粵猶聞

帝尉陀海颺立波昏日月鯨魚吹霧暗牂牁帳中蹋鞠軍中舞將

帥蒙恩奈樂何

詔書前月徵蒙古烽火經春照漢川南顧至尊猶盱眙北來諸將

豈高眠朝廷議論安危外都邑瘡痍涕淚前聞道皖城頻駐甲蒼

茫井屋少炊煙

垂檐花雨晝霏極目天南涕淚揮劍閣卽須防割據荊州實已

困重圍豎儒謀國原迂闊
紉袴登壇有是非
藿會杞憂吾過矣
卻驅春犢送斜暉

自題青門草堂

銅官山北具區西
藥圃茅堂望不迷
落照青蒼峰近遠
秋風穉極徑高低
江湖地僻餘耕釣
閩蜀山深急鼓鼙
沙碧竹寒相似否
居人休擬浣花溪

灤東

灤東灤西足水田
僻絕柴扉秋可憐
杳靄雲巒入圖畫
淺深煙樹翳鳴蟬
芋葉豆花紛被徑
白鮆赤鯉亦論錢
溪上小橋堪繫舫
秋風偶到賣書船

題冀渭公所藏楊忠愍梅花詩卷

并敘

渭公大父梅軒先生故官比部郎忠愍頌繫時先生傾身橐籥
忠愍高其誼爲作此卷同時周旋詔獄霸州王繼津太倉王元
美及應生最著先生事世鮮知者康熙丙辰渭公來吳閬出卷

示余蓋百二十餘年物矣展卷肅然敬題其後

黯澹細縑墨影寒
那能展卷不汎瀾
當關虎豹糜軀易
畏路風波

仗友難濺血
九原仍化碧
批鱗一疏獨畱丹
文山詩句
詹山筆古

瘦清香再拜看

忠愍有古瘦清香原太始之句

方共樞高齋種竹詩

赤樞碧梧壓石欄
當窗更植青琅玕
月出離離鸞鳳影
雨來咫尺瀟湘寒
散帙乍驚空翠溼
抽梢會即拂雲看
伶倫嶰谷不可遇
爲爾徙倚增長歎

閱丙辰五月邸鈔書事七首

帝京六鷁退蜚勞
都門近狼角依然紫極高
肅慎幾時供楛矢
離宮何處種葡萄
時詔百官出孤兒躍馬騎珠勒
相國行邊賜錦袍
自古秦關誇百二
驚心烽火過臨洮

受降誰駐伏波營
幕府新開鄖子城
鄖陽復北闕捷書誼道
路南來寇騎正縱橫
趙佗犀翠無朝使
莊躋巴黔未厭兵
銅柱珠崖原

郡縣幾時舞羽重昇平

環海軍儲異昔年見開西邸正紛然崔公臨拜原名士卜式輸家
豈佐邊宛洛北來驚赤羽岷峨西上更青天帶甲輓輸終坐困王
師蚤晚望收川

赤眉銅馬徧江鄉於越年來百戰場禹穴雲深迷兕虎天台樹黑
沸蝸蟻諸將功名紛節鉞連營鹵獲半羸庭攘攘萑苻原赤子急
須買犢勸耕桑

螺江烽火接東甌海水羣飛更杞憂鑿齒雕題虛譯貢扶桑析木

正橫流黏天黑浪蛟螭喜壓岸雲帆島嶼秋塋老傷心談己亥青

燐白骨哭瓜洲

順治己亥海艘闖入京口被禍最慘

除拜紛然草莽疑終南捷徑半潢池天心豈是憐羣盜廟算今誰
整六師青犢總驕新榮戟黃巾爭擁舊旌麾閭閻惡少飛揚甚燕
領談兵又一時

豐隆列缺晝昏昏三伏深愁坤軸翻是處鼃鼃遊圻岸可憐羸蚌

沒空邨陌錢閒架聞新令封豕長蛇正薦吞三載干戈兼水旱更
無人肯繪監門

丙辰四十初度久客喜歸


四十頭顱隱未能鬢髮短髮久如僧兩年幕府依嚴武千里蓴鱸
返季鷹豺虎天南紛格鬪雞豚巷北有親朋歸與正好涼風候隨
意看雲拄瘦藤

登太湖西峰

追錄舊作見會青藜過日集

山色蒼蒼積翠迴沿緣仄逕入莓苔嶺邊楓葉藏僧寺樹杪飛泉
灑客杯清磬一聲松子落白雲萬頃太湖來三高惆悵俱陳蹟落
日山空樵唱回

青門麓橐卷五



青門麓橐卷六

前集

武進邵長蘅子湘

詩六 五言排律 五七言絕句 六言

應宋常州試閏月立秋十六歲作

未謝朱明律初回白露颼銀河今夜迴殘暑入秋移斗指兩辰際

閏月無正氣故斗指兩辰風驚一葉時清礎連漢苑團扇泣班姬歲閏寒來蚤

天空雁到遲漸驚搖落候宋玉動深悲

登郡城西樓因謁蘇文忠祠

古戍寒花驛秋風蘇子祠女牆銜落照官閣獨題詩水抱孤城轉

帆隨度鳥遲居人肅遺像過客讀殘碑俎豆還今日衣冠自宋時

荒階一長揖風雅足吾師

分賦得琉球刀

碧眼幽州客攜來日本東鏤銀金錯落飾鞘玉玲瓏血淬猩嗥雨

光團雪漩空鷗鷁凝繡紫魑魅泣燐紅挂壁摩挲劇防身撇振雄

風塵未一試每夜氣成虹

青門麓橐卷六

送鄭生之楚幕

子真辭谷口南郡得康成幕府需才子窮冬念此行雪衝湖雁過
木落峽猿清萬里三湘客孤舟一月程題詩屈子廟倚棹鄂王城
楚戶登漁稅山畬費火耕三分畝赤壁弔古獨含情
南康酬友招飲見贈之作輒廣來韻兼抒旅懷
江山乍相見詩卷得知音許與才雖忝交遊契必謀城根閑步履
暇日屢招尋泉滹康王瀑壁縣陶令琴苔香供石耳銀鱸斫湖鱖
匡嶽晚逾翠飛揚興不禁披圖已廿載夢想直如今峽束蛟龍鬪
天低星漢臨雙峰駢峯粵五老各欽釜買隱知無計安禪恐未任
新交千里外舊業五湖潯黃菊斑霜徑丹楓繡夕岑豆棚寒自落
藤架雨斜侵蜘蛛疑窺帳書籤或走蟬鷗浮還汎汎駒逝已駸駸
家訊江舩寄寒衣鄰姬絳異鄉重九過涼雨一秋深虎兕縣崖吼
龍鬪背日吟風濤頻梗楫桂玉會愁霖麤飯支鐺足悲歌拂劔鐔
微名原計拙旅食竟何心歲晚鹿門去空山刷朮篔

送陳椒峰謁選三十韻

十載東山客乘時謁帝都閭閻新涕淚朝楚正艱虞出豈為小草
名還讓大巫文章驚郢斲騷雅薄操觚江鮑看前輩歐曾得竝驅
波瀾隨曲折精力獨鍾鑪許與皆詞伯招攜及楚夫經年從白社
臘月擁驪駒冰台黃河急雲開翠嶽孤深林過兕虎破屋走鼯鼯
積雪防埋鏡悲歌或碎壺城高喧畫角堡近颭蜚弧憶昨風塵起
羣公籌策紆總戎遭戮辱使節陷腥污跋扈連三鎮安危詎一隅
不成除貔豸未可息罷羆巴蜀虛天險竿箐阻負嶠親藩分駐越
大將議防吳霞嶺行堪據甌閩勢就誅妖氛纏韋孛架陌困征輸
赤子眉須察黃巾氣尚竄立功思寇耿醫國賴扁跗公輩宜盤錯
新硎發湛盧飛揚看竹素蹇拙混泥塗往往悲戎馬悠悠愧腐儒
柴荆棲凍雀書帙散童烏寒日縣漁筍西風臥轆轤掉頭吾老矣
屈指幾相於膠漆長如此雲龍願不俱河梁尊酒地揮手向平蕪
丙辰除夕守歲用杜句起率成廿韻

四十明朝過椒花又送年斗杓中夜轉冰雪一冬偏慘澹玄枵會
崢嶸暮景遷爆喧鄰舍竹桃換舊時賤節序謹兒女團圞共酒筵
酸驚婪尾到盤吐燭花妍鬼物窮誰送詩囊祭自虔蛇應急赴壑
夔亦笑憐蛭銀礫欺簾入鳥薪徹曉然荒邨仍鼓角雪塞正戈鋌
甌粵雖輸款巴黔未息肩爰居駭鐘鼓葺宇紀星躔是歲有風稅
斂年時急山林引興便築春攜散酒陶寫賴詩篇藤杖青山外梅
花埜店邊廝蘭兼買石種竹會分泉身隱文焉用名微累頗捐浮
家桑苧計婚嫁向禽緣俗薄從呼馬春暄自課犍百年聊爾爾不
必問筵筯

五言絕句

江上舟中

我愛數峰青片帆去何疾回首指江天白鳥飛處沒
九日客中
不必登高去羈愁已不堪鄉心隨北雁一夜滿江南

登韓信釣臺懷古二首

函關方逐鹿此地起投竿猛士今誰在淮流千載寒
功定登壇日機藏躡足秋羞隨噲等伍應逐赤松遊
題畫五首

秋色連遠山鳴泉入寒牖借問支頤翁得無漆園叟
瀑布一千尺吹沫沾人衣空山風雨夜化作玉龍飛
松下老翁松頂雙白鶴撫琴未及彈風吹松子落
釣船繫籬根笮簪挂泥壁夜來春水生船尾高一尺
積雪壓溪橋梅花開幾樹驢背苦吟人應爲探梅去
蚤入杭家塢

草露溼芒履松風吹葛衣清磬出煙岫山僧初啟扉
山中雨後

雨洗峰頭碧龍歸洞口腥斷虹斜照白空翠落衣青
沛縣雨夜

高樹暗流螢客窗風葉聲
偏陽寒雨夜獨照一孤檠
津門官舍話舊

對牀通夕話官舍一燈紅
十年存沒淚併入雨聲中
秋寓僧院三首

科頭殘月上倚樹露光凝
鐘歇僧初定長廊照一燈
鳴磬僧徒散城烏下會來
連朝寒雨後行徑長蒼苔
客睡寒偏醒龕燈殘燄明
落葉不曾埽空階作雨聲
夜坐

愁人夜未眠殘月照荒砌
坐久墜露繁涼風動衣袂
舟婦詞二首

殘月曉風涼郎睡儂先起
拋兒就郎懷天明三十里
儂家閩門住十三學乘舫
上水郎打槳下水儂擔篙

湖漲
湖漲曉煙浮漁艇煙中宿
日上三竿高煙消湖水綠

豆架

牆角幕青蔓茅簷綴紫花
貧家有客至豆莢點清茶
青門草堂八咏

夾山積雪

雪花大如笠寒吹千林發
曉看鵝鵝峰疑對峨眉月
安陽春雨

山晴翠如黛山霧溼如鬢
總輸春夜雨潑出米家山

東岡桔槔

秋風閑桔槔徙倚東岡樹
落照水田寒白鷺雙飛去
西溪喬木

古樹覆清溪沈沈溪水綠
溪鳥來去飛孤雲時獨宿

晴原驛路

古路秋原外行人夕照閒
君看往來者寒暑不曾閑
遠寺微鐘

獨尋蘭若徑時與樵犢逢古柏亂蒼靄空林遲暮鐘

後澤煙帆

冥冥暮煙迷白鷺立沙渚鳴榔何處船帆帶洞庭雨

東軒竹石

偶然攜卷書倦倚石根臥幽蟬時一聲竹影斜陽破

七言絕句

俠客

相逢樓下繫青駒賞酒樓頭脫鹿盧半醉忽然思炙噉嚙體提出

血模糊

溪南

楚夫溪南趁晚涼露氣夜下荷風香鷓鴣聯拳宿撥刺白鱧

一尺長

書揚州邸壁

斜風密雨打窗涼酒醒燈殘夜正長作客此時腸已斷更堪明日

是重陽

北行道中竹枝詞三首

路旁棗赤八月天打棗女兒亦可憐北姬慣唱棗竿調爭似南姬

唱採蓮

燕支微染杏腮醺少婦新妝辨黑雲窄窄紅襦單著好喚郎休買

白羅帶

一隊鈴聲曉過河吳綾千箱向北馱近日官家禁騎馬長弓大箭

坐高羸

草堂晚眺

歸鳥啞啞夕雲寒落照千村楓葉丹拄杖霜原時極目翠屏削出

是銅官

冬日草堂漫興四首

臥病不出經半月當門黃葉尺來深呼童埽葉汲溪凍供給寒齋

擁褐吟

青衫蹉跎廿年計蝸舍狼籍半牀書哦詩曝背晴簷下客到從噴
絕起居

舍西隙圃新栽竹更插疏籬碧水隈卽看春筍上番後一月從過

一百回

霜凍日斜景易昏楚夫竟日掩柴門地爐芋魁煨徑尺穉子賒酒

不出邨

送友人遊楚二首

江天紅葉擁行舟君去遙登黃鶴樓湖北湖南無限好猿聲雁影

一時秋

布帆無恙楚江流不斷青山引客舟殘月曉猿過赤壁江迴岸轉

見黃州

喜卽到西陵率爾有作

煙花半月楚江舲歸雁晴猿處處聽匹馬西陵明日路木蘭山下

草青青

春盡客舍雜憶四首

家在江南五柳稀落花閑覆釣魚磯茅堂燕子渾來慣舊日主人

猶不歸

吏散鶯囀休蚤衙淹留官舍獨看花長年春興渾亡賴蹤迹山家

定酒家

苦憶楊梅此地無家山而樹紅珊瑚洞庭西灣光福庵烘日蒸霞

一萬株

楚燕低飛巧入簾吳蠶如雪過初眠新茶出芥櫻桃熟暢好江南

穀雨天

燕中送友歸梁谿二首

督亢陂前木葉曛桑乾河上雁離羣秋風何限蓴鱸思惆悵明朝

更別君

九峰秀色九芙蓉知爾幽尋第幾峰我夢故山清絕處月明泉響

鶴棲松

觀弈譜三首

一道斜飛角勢奇
桐陰茗椀倦餘時
總誇國手翻新局
我自鉤簾覆舊碁

雌黃局外原容易
黑白胸中了不關
晝倦推枰無箇事
支頤屋角看青山

凌生元煥晚出推能品
盛老聖達吳趨舊擅名
一著總輸儂較穩
十年斂手對空枰

初夏絕句五首
今年梅雨何連綿
甕瓶滿貯茅齋前
蜀山砂注碁盤界
界茶出碁盤頂者最

佳 妒殺江南第二泉
白石清溪五月寒
夜來凍雨響驚湍
柴門盡日支頤坐
最好青山雨後看

廣州茉莉建溪花
薤簾湘簾日影斜
小婦解供梅月水
山妻自潑雨前茶

雨前茶

西家海榴高刺天
千朵萬朵紅嫣然
連朝雨打離披甚
著水沾泥劇可憐

新漲平添三尺許
門前沒卻釣魚磯
風雨夜來還作惡
明朝即恐浸柴扉

送魏善伯歸寧都八首
半舫清尊只暫逢
別君惆悵落梅風
三千客路鶯聲裏
幾日江船細雨中

金初識善伯于賀天石牛舫齋
江干風燕趁帆斜
篷底春衫點落花
寒食冷煙何處過
鷓鴣聲裏正思家

丹陽北固暮江流
雙槳乘潮過石頭
鐵鎖降旗前日事
傷心莫問景陽樓

峭帆半渚上螭磯
獨立江船有新思
弓刀舊蹟開平廟
風雨荒崖太白祠

大孤山頭春草生
滕王閣下春江平
試窺石鏡松門頂
倒映鄱湖

雪色明

京江春漲接章江江水牽情似箇長君向鬱孤臺上望雁歸一半
過溇陽

百丈丹梯鑿翠微金精何限武陵溪歸時洞口花飛盡灌木藤蘿

石徑迷魏子家翠微為金精十二峰之一

蘭陵玉缸琥珀濃蘭陵驛路青茸茸卻羨蘭陵城畔月隨君直到

翠微峰

雨夜

西風翦翦折盆荷窗外疏疏涼雨過最是酒醒燈暗後芭蕉葉上

聽偏多

上海歌八首

黃龍浦口渾潮黃滬瀆城邊蘆荻荒廢壘猶傳袁內史開江只說

海都堂吳淞江明隆慶開海忠介公開

前年江塞愁殺儂今年江開水瀧淙高種木棉低種桃鄰簫社鼓

過殘冬

明季江塞康熙開巡撫馬公重開

黃浦女兒蕩輕舸蚤潮出去暮回橈狂夫來去渾無準不比初三

十八潮

浦東婦女劇可憐北伴南鄰盡種田青布遮頭露雙腳踏車翻水

棟花天

萬里扶桑黑浪浮吳淞帶水作咽喉平吞泖澱三江匯倒束滄溟

一線流

清瑄金虎已成空猶說前朝海餉功番舶蝦鬚來日本紅旗白柁

出遼東

伐鼓樅金海岸聞浦東新設水犀軍樓船翻動鯨鯢窟組練晴搖

蜃海雲

大黃浦東浪拍天海啞山擡太作顛船趁風時潮汛惡衝濤偏有

打魚船山擡風潮來海啞風雨多海人驗候語也

吳門寒食

禁煙風雨劇淒迷楊柳金閨綠未齊腸斷故園荒隴畔棠梨花發
鵲鳩嗚

和汪鈍翁先生吳閩柳枝詞三首

吳娃連袂蹋新詞不唱竹枝唱柳枝竹枝宛轉含愁怨柳枝旖旎

綰相思

閨門垂柳曉曉鴉樓前紅粉寺前花虎邱澆酒真娘墓皋橋繫馬

秦娘家

流亂輕絲拂畫橋郎來斜倚木蘭橈儂似柳絲渾婀娜郎如柳絮

易輕飄

六言

高郵舟中卽景

風微篷底茶煙帆正長年晝眠米客排檣依市漁翁數錢近船菱


碧千羣鷓鴣荷紅百里湖田忽憶清溪舍北採菱踏藕年年

夏日偶成

舊業菰蘆草堂舍南舍北滄浪桃笙茗椀午倦竹雨荷風晚涼坐
隱半杯吳越翻書一卷蒙莊臃腫從呼畏壘先生擬號柴桑
秋邨卽景三首

新釀小槽初滴重陽溪蟹爭肥籬下黃花獨醉門前紅葉客稀
細雨寒煙埜渡青山黃葉孤邨倚杖看驅歸犢腰鎌自刈秋園
遠邨近邨落照千點萬點寒鷗牛羊下山一徑煙火隔溪數家

青門麓臺卷六



青門麓臺文序

己未春子湘攜其文自南來一日而名動京師施殿講愚山王殿
讀阮亭諸公皆折節敦布衣交而王少詹吳廬則延致之書齋去
余寓不數武得旦夕相見請其文盡讀之既卒業則請益于子湘
曰今數十年來能文之家有不言唐宋八家者乎子湘曰然于八
家中有不專言永叔者乎曰始無之然則今之言八家永叔與嘉
隆閒言先秦兩漢有以異乎曰無以異也余曰固然然未也子所
謂無以異者殆謂言人人同也僕以謂爲文之得失利鈍爲之似
與不似魯衛之政殆亦未之或殊也今之譏嘉隆者吾惑焉謂其
爲僞秦漢也既以爲秦漢矣何以曰僞夫秦且無論兩漢之士無
不通經術則古昔稱先王不必賈董劉更生諸公也雖杜欽谷永
匡衡之徒本非粹然儒者然其所徵引則六藝之文也所援据則
詩書之義也其是非未嘗不依傅于聖人也其根柢如是彼八家
者得其根柢而不爲姑似之者也不得其根柢則爲秦漢而僞爲

八家亦僞此僕所謂無以異者也然則爲文當奈何含咀于詩書
六藝浸淫于子史百家記事必傳其可信折衷必本之聖人則雖
爲秦漢可也爲八家亦叔可也自爲之門戶可也有摹擬之迹奉
高曾之規矩不足以爲病也大放厥辭舍筏而往以滋少所見者
之怪亦未可爲非也故斤斤然守一先生之說執秦漢以攻後人
操繩尺以論絕塵奔軼之才此皆小儒齷齪不足與于斯文矣今
子湘之文固在班馬之風調與歐曾之架矍沛然從吾意而出之
去嘉隆叫蹶之習尤不爲近日空疏囁嚅之態蓋得其根柢而爲
之者竊以謂有得我心之同然子湘躍然曰有是哉子之善言文
也請書以弁吾文余曰諾乃條悉之爲序且請以正之愚山阮亭
吳廬諸公鹽官同學弟陸嘉淑

未嘗不謂其文自南來一日而各體皆備

青門麓橐初刻于康熙戊午文五卷詩附以舊刻三卷今重刻于
癸酉凡古近體詩四百四十餘首次爲六卷序記碑傳雜文一百
六十餘首次爲十卷合之凡十六卷仍其舊稱蓋戊午以前作也
己未後則別之爲旅橐余舊序引五代和凝事謂宋以前詩文無
自鏤版者亡論文章與時高下卽此一事已覺古今人不相及蓋
當日之持論如此年來老境侵尋頹髮變白追思半生仰面屋梁
所存止此今便聽其零落未免神傷嗟乎唐宋以來古今人文集
汗牛充棟才勝于余而名湮沒而不傳者何限況如余之鹿鹿者
耶然或才氣未必遠過而幸而或傳者往往有之然則傳不傳亦
有命耶語曰家有敝帚享之千金帚雖敝吾有之而吾享之聊用
自娛而已他日覆瓿亦可蠟蓋亦可吾則又何知邵長蘅序

例言

璿按唐宋前賢文集皆詩先于文惟柳柳州集曾南豐集明宋
潛溪歸震川集先文後詩或謂比興著述各從其重亦未盡然

韓歐之文詎不勝詩耶叔父青門先生舊刻篋橐先文後詩旅
橐又先詩後文竊病其體例參差請于先生仍以古近體詩列
文之前至于詩或分體或編年原無一定篋橐分體旅橐編年
各仍其舊也

先生自戊申後始下筆為古文辭詩則童而習之然少作無一
存者稽重加排纂戊午以前得古今詩六卷序記碑傳雜文十

卷為青門篋橐已未訖辛未得古今詩二卷文四卷為青門旅

橐合之凡二十二卷壬申後將另編為贍橐請埃異日

旅橐詩文大半經施愚山王阮亭諸先生選定故有評點篋橐

舊刻無評語無圈點近偶從先生篋行中詩得顧赤方評本文

得陸冰脩評本為兩先生已未客京邸時筆稽極愛賞之竊謂

詩評似須溪文評似鹿門也欣然請以付梓要不敢妄有增損

以失其實赤方有文評附見則書字以別之

稱壽之文唐宋元文集所無明人始有之惟震川集最多亦最

佳他家彌望茅葦耳先生壽序僅一卷載篋橐中論者謂當肩
視震川而上之已未客游以後應俗雖多輒隨手散去閒存數
首仍續入篋橐以旅橐不列茲體也偶存小簡廿餘條亦附入
篋橐如壽序例

代文韓歐蘇集皆有之如昌黎代張籍與李浙東書為韋裴二

相讓官表為宰相賀白龜狀廬陵代人上王樞密求先集序代

楊推官上呂相公求見書東坡遺愛亭記代巢元修滕元發墓

誌代張文定趙康靖公神道碑代人作之類是也至明人尤多

不可枚舉徐渭有云顯者不冒代隱者不能使之代不幸處于

不顯不隱之閒故人得而代之先生誦其語每歎息以為名言

集中代詩無存者代文乃閒存二三云

吾家之有康節公專祠實創始于鄉賓府君而先生竭蹶成之

蓋繼述之苦心存焉因取諸名公所撰祠堂碑記題跋及鄉賓

府君墓誌銘墓表彙為一卷名曰邵氏家錄附篋橐後今移附

先生旅臺先刻于豫章為族叔靜山提學之力居多麓臺刻于
草堂則邑侯王似軒先生力捐清俸付之剞劂誠藝苑之美談
近今希觀之盛舉也謹識其實以鳴高誼
康熙癸酉中冬長至日受業姪璠附識

青門麓臺文目
卷七 序二十九首
鈔古文載序
古樂府鈔序
古詩鈔序
毗陵縣志小序十一首
圖考序
水利志序
職官志序
祠廟志序
建置沿革表序
山川志序
學校志序
帝系志序
星野祥異志序
人物志序
選舉志序

青門麓臺文目

卷七 序二十九首

鈔古文載序

古樂府鈔序

古詩鈔序

毗陵縣志小序十一首

圖考序

水利志序

職官志序

祠廟志序

明四家詩鈔序

重刻歐陽文忠公全集序

明十家文鈔序

吳仲侯山人遺藁序

魏叔子文集序

青門五真圖詩序

星野祥異志序

人物志序

選舉志序

帝系志序

學校志序

山川志序

建置沿革表序

水利志序

圖考序

邁亭詩選序

金生詩序

吳退詒詩序

杜詩臆評序

漸細齋集序

陳椒峰文集序

盤山志序

中州道學編序

蔣氏族譜序

卷八 壽序一十六首

舅氏楊元惠翁七十序

賀某翁恩賜序

君翰兄五十序

參憲方公壽序

蔣俟齋七十序

張天遜五十序

金懋于五十序

業師徐靜致先生六十序

段母五十旌門序

山東巡撫敬菴徐公壽序

學士戒菴兄五十序

珩宇兄六十雙壽序

閻再彭先生七十序

杜母朱太夫人七十序

陸翁八十序

徐母潘太夫人六十壽序

卷九 記一十八首

邵氏始祖康節公祠堂記

東皋園記

亦園記

青門草堂記

東軒記

東軒小池記

重修天津道公署記

代

廬山遊記一

廬山遊記二

廬山遊記三

廬山遊記四

廬山遊記五

廬山遊記六

遊黃州赤壁記

遊張公洞記

毗陵諸山記

毗陵諸水記

遊慧山秦園記

卷十 論議說十二首

陳蕃竇武論

諸葛亮論

唐太宗論

褚遂良論

李德裕論

毗陵水利議

復孔聖像議

耐廟說

叔嫂當服大功說

妾母不世祭說

繼母改嫁無服說

康節公當稱先賢說

卷十一 書尺牘題跋共五十六首

與魏叔子論文書

與賀天石論文書

與魏叔子乞記書

與方邵邨乞寫祠碑書

與楊靜山表兄三首

與宋牧仲先生

與楊陶雲

與家幼節

答湯谷賓

答賀天山

家報

與陳柯亭三首

與人

與賀天山三首

遊廬山與人三首

答閻百詩

與金生四首

客登州與人

與登州雷守

與楊餘干二首

與彭子

與澹雪道人二首

答澹雪道人

與人

與王似軒邑侯三首

與姜西溟二首

與王阮亭先生

與吳澹菴通參

題趙子昂書過秦論後

書顏魯公祭濠州刺史墨蹟後

跋祝京兆卷

又跋祝京兆卷

跋蘇東坡墨刻

題文待詔畫雪景小幅

題半江先生存稟後

書宋學士集後

跋東林寺碑後

跋朱文恪公誥命後

書惲正叔畫冊後

書徐文長集後

卷十二 墓誌銘四首 墓表三首

仲父靜谷府君墓誌銘

管奇玉墓誌銘

故文學卞君墓誌銘

亡兒士騷墳誌銘

前明徵仕郎河南都司經歷賀公墓表

中憲大夫常州府知府駱公墓表

禮科都給事中素洲梁公墓表

卷十三 碑六首 碑記三首

重建吳城張令公廟碑

東甌湯襄武王祠碑

毗陵關帝廟新建三義閣碑

屠王神碑

青門雜錄後

五

明中奉大夫正治卿禮部右侍郎兼翰林院侍讀學士誠齋管公
神道碑銘

光祿大夫太子太保內翰林國史院大學士贈少保兼太子太保
文康宋公神道碑銘

重修蘇州府學碑記

重修東林書院碑記

二程先生祠碑記

卷十四

行狀二首

書事五首

祭文二首

中憲大夫江南布政使司參議分守蘇松常道方公行狀

先考冠帶鄉飲賓海鷗府君暨先妣楊孺人行述

書先府君遺事

書崔太守事

書趙一桂事

書牧子先生遺事

書龔先生事

哭亡兒士驤文

除夕祭亡兒文

卷十五 傳十一首

賀向峻汪參傳

歐敬竹石士鳳傳

陳山人傳

解翁小傳

六溶上人傳

陳翁傳

青門老圃傳

四先生傳

明翰林院修撰金公傳

明大司馬盧忠烈公傳

盧忠烈公遺事

武進三忠合傳

卷十六 策十首

試策一 教養

試策二 人才

試策三 經義

試策四 法制

試策五 東北水利

試策六 錢法

試策七 荒政

擬江西試策一 時文

擬江西試策二 重農

擬江西試策三 刑法

邵氏家錄卷上

青門簾橐文目

重建邵康節先生祠堂碑記 宋 舉

重建邵康節先生祠堂碑記 徐乾學

毗陵新建邵康節先生祠堂碑記 朱彝尊

邵康節先生祠堂記 龔百藥

跋邵康節先生祠堂記後 邱鍾仁

邵氏家錄卷下

冠帶鄉飲賓海鷗邵公墓誌銘 賀寬

鄉飲賓邵公墓表 江琬

邵氏石表陰記 江琬

附傳略 常州府志 武進縣志

附墓志銘祭文

青門簾橐文目

七

青門麓橐卷七
前集
武進邵長蘅子湘

青門麓橐卷七

前集

武進邵長蘅子湘

序一

鈔古文載序

余聞之先儒曰文者載道之器故文非道不立道非文不行易曰觀乎人文以化成天下孔子曰文不在茲乎是文之極軌惟唐虞三代六經之文足以當之自聖人沒莊列申韓者流議出並作乃各倡其曲說為一家言蓋文與道離矣漢承秦煨燼之餘掇拾補綴六藝蔚然復興董仲舒賈誼司馬遷劉向揚雄班固之徒最為爾雅自是文靡于六朝韓愈振之文亡于五代歐陽修蘇氏父子振之之數公者其慨然自號于一世莫不欲原本道術追詩書六藝之遺顧于道猶或離而或合也夫三代以前文之盛衰在上兩漢以後文之盛衰在下文之用在上則文與道合而其文極盛而不可加文之用在下則文與道離離合而其文亦多駁而少醇非獨人事蓋有運會焉是故其道則君臣父子禮樂政刑其文則

如日星如河嶽者六經四子之文是也其于道或醕駁參而其文足自名其家者遷固韓愈以下數十家之文是也其文嶮峭魁偉駭世之耳目而于道往往支離而叛去者莊列諸子之文是也若夫知乎道而嗇乎文者宋儒語錄之文是也修詞者病剽談理者病僞而文與道兩失之者末世之文是也謂之無文可也余友賀天山篤志慕古彙鈔史漢唐宋諸名家文若干卷名曰古文載屬余序余以爲賀子所鈔離于道與合于道者皆在焉是醕駁參者也夫合者當思其所以合離者當究其所以離而一折衷于六經之旨然後醕者可爲吾法駁者可爲吾用而學者讀之可蘄其由文以適于道也余故推其大指序之首簡云

古樂府鈔序

古者太史陳詩太師肄之而被之鐘磬筦絃故詩三百五篇大抵皆古樂章也漢承秦亂雅樂失傳詩與樂分矣于是始立樂府高祖唐山夫人作房中樂十六章夏侯寬備其簫管更名安世樂而

平調清調瑟調本皆房中曲遺聲謂之相和是南之變也漢樂有簫笳者爲鼓吹用之朝會道路有鼓角者爲橫吹用之軍中馬上又有梁鼓角橫吹有隋四部鼓吹而舞曲則有雅舞雜舞皆雅之變也武帝祀甘泉祭汾陰以李延年爲協律都尉舉司馬相如等數十人略定律呂作十九章之歌以正月上辛用事晉宋以還並撰詩章登歌郊廟是頌之變也其它有引有行有吟有歎有怨皆詩人六義之餘江左中原旣殊謠俗吳歌西曲遞有新聲樂府沿流于茲極已故三百篇一變爲樂府然樂府盛而三百篇亡非三百篇亡也其音亡也樂府再變爲詞曲然詞曲盛而古樂府又亡非古樂府亡也其音亡也自茲以降摹古者襲其體揆藻者摘其辭博雅者資其事太白仍古題而創調于美緣時事而創題張王之質長吉之奇廉夫之詠史以至獻吉元美諸公遞相規摹然皆文人學士鉛槧之業畱連篇什之助而聲音之道微已故唐人之擬樂府離也并音與調與辭而離之者也明人之擬樂府合而離

也并音與調而離之其合者辭而已猶之乎離也余田居寡營閒
取古樂府稍加編次首郊廟次饒歌橫吹次相和次清商次舞曲
琴曲而以雜曲謠謠終焉自漢迄隋彙為六卷曰古樂府鈔或曰
子之為是鈔也于聲音之道奚居邵子瞿然曰夫子所謂文人學
士鉛槧之業而雷連篇什之助也夫聲音之道余則奚知焉余則
奚知焉

古詩鈔序

成周之時詩之用最廣上自王公下逮田夫紅女皆詩人也鉅自
郊廟燕享軍旅細至草野贈答皆稱詩也夫詩之為教導情託
諷多比興焉寄故其稱指也微其感心也異正者副其誠邪者閑
其失其用與禮樂相通先王尚之故漢以上無詩人夫人而能為
詩也蘇李枚乘始以詩名家以詩名家是詩之亡也然婉而厚有
風人遺焉建安黃初猶稍近古自是一變而潘陸之麗也再變而
顏謝之俳也三變而梁陳隋之綺也益靡矣然皆有可取焉起漢

蘇李迄隋錄其尤者凡八卷曰古詩鈔先是有古樂府鈔六卷并
彙成帙夫古詩視三百篇近矣然世之人知之而嗜之者則已寡
也蓋詩教之廢久矣悲夫

毗陵縣志小序十一首

圖考序

周禮職方氏掌天下之圖以掌天下之地大司徒掌以天下土地
之圖周知其地域廣輪之數上訓掌道地圖以詔地事蓋圖之籍
于天府者天下險要阨塞具是先王之意不輕以示人故惟職方
氏掌之大司徒得周知之土訓得詔之嗚呼蓋其重也天下郡邑
志皆有圖雖未必盡繫險要阨塞如職方氏所掌然其正幅員列
山川別都鄙不可略也毗陵志舊亦有圖然頗有缺略且散見欲
綜其要難于是彙次之益以太湖瀕江諸圖作圖考

建置沿革表序

自秦建郡縣而漢因之毗陵始置縣矣歷一千九百餘年沿革變

易不可勝紀迹其所以蓋出于偏安割據之代爲多何則寓縣瓜分疆土既蹙于是割裂州郡多張官吏欲以自矜廣大然而戶口虛耗賦斂繁苛人民遷徙號稱大城名都率亡其實矣典午之季毗陵區區以百里之疆析郡者二析縣者三齊梁迄唐或分或合地名改易不常及南唐吳越之間無歲不中寇邑且屢徙宋承五代後猶分晉陵武進二縣明始并省合爲一邑 國朝因之休養三十餘年吏省而事集合簡而俗安繇役滋寡戶口殷殖記曰載其清淨民以寧一有以也夫故考據史冊起周秦表而列之作建置沿革表

星野祥異志序

星官書亡慮數十家皆以吳越屬斗牛女分野而漢書地理志亦曰吳地斗分野今會稽九江丹陽豫章廬江廣陵六安臨淮郡盡吳分也粵地牽牛婺女分野今蒼梧鬱林合浦交趾九真南海日南皆粵分也由斯以談吳越幅員蓋五六千里而遙夫以斗牛女

當六千里之吳越而毗陵介其閒若彈丸然疑無繫于占驗之數雖然豫章之木干尋其于一葉至秒也然其苑枯榮落鮮不與根幹相關推是說也可以辨星分矣災祥之說及其占應最著于向歆京房諸家大要推本洪範五行五事休咎之徵而妖孽疢痾眚祥之類分應之其說不無博會然彰天戒謹人事作者有取焉夫星繫于天邑與郡與國其占同也災祥之占于邑則獨也故著之加詳作星野祥異志

水利志序

毗陵爲邑當吳會上遊大江襟其北具區匯其南東西則漕渠貫之江浙之輓輸達京師者歲數百萬石畢道于是而民田一萬五千餘頃川涂溝澮相通若鱗比然旱則資漑澇則資洩甚哉水利之宜講也首述水源次陳水治作水利志

山川志序

禹貢載揚州山川曰三江曰震澤周禮職方氏曰揚州其藪具區

其川三江其寢五湖今皆邑分也夫揚州於天下當九之一邑于揚州不足當百之一而東南巨浸實兼而擅之南望茶山林麓陵阜隱嶙蟬聯猶有披裘其人者乎其西北孟城吳尾諸山相傳孟嘉所棲遁也東眺馬蹟夫椒峰巒滅沒波濤閒憶秦皇之遺蹤弔吳越故所戰爭處覽古之士可以慨然而賦矣作山川志

人物志序

毗陵爲秦伯端委之墟而季札型之以禮讓風氣漸開矣又歷千有餘年至宋而人才之生號稱極盛而明足埒之後先炳烺史冊者上之扶名教而植綱常次亦狷介自守不苟附和立朝則犯顏敢諫勵矯亢之節不幸遭離變故則伏節捐軀糜頂踵不悔下至閭巷匹夫皆知義之足榮而生之可輕也明高忠憲攀龍有言天下有事則毗陵人必有則古昔稱先王不忍自決其防者知言哉抑又聞風俗與世移易吾不知後之視今較今之視昔何如也雖然前事之不忘後事之師鄉先哲之流風遺烈更千百世猶有感

慕而興起者意在斯編乎前志分類頗繁今彙而編之作人物志

職官志序

班固作百官公卿表范曄因之爲百官志後世志職官者昉此矣毗陵邑也而于郡爲治官之繫于邑者自典史以上至今繫于郡而邑得書者自檢校以上至守皆今制也而前世官名因革之同異亦略附見焉若其姓氏爵里遷除日月之可著者輒考而書之不問其人之賢與否舊志闕則仍闕唐以前闕者十七宋元闕者三

學校志序

嗚呼三代以下聖人之制作弛壞廢絕沿于其名而其實之銷亡者可勝道哉學校其大者也成周之隆自王國至州遂閭鄙靡不立學制如其備而其教之之法一出于德行道藝之實故其時人材爲極盛漢唐郡縣多廟而不學宋慶厯間詔諸州立學學者二百人以上置縣學自是郡縣皆有學然遐陬僻壤猶闕而不備

也蓋學之興其難如此而其父兄師儒之教又皆出于耆利干祿奔走功名之途而于先王德行道藝亡聞焉嗚呼所謂沿其名而實不存也毗陵在唐僅有先聖廟而無學宋景祐三年州學始建縣猶不能有學歷元迄明而規制始備逮于國朝文治蒸蒸科名常甲它郡可謂盛矣而士迄不古若夫郡縣學之盛衰是守令師儒責也文翁于蜀胡瑗于蘇湖皆爲之舉世不爲之時而士靡然嚮風茲之志學校者僅考其廢興改作學田禮器沿革之末具文焉耳若乃興起教化以求旣其實詎無望于是邦之守令師儒也故作學校志

選舉志序

選舉次學校何學校選舉所自出也選舉之途曰徵辟曰貢士曰科目凡三選舉之人徵辟十一貢士十三科目十六蓋令甲之所尊風俗之所趨大抵畢出科目一途故勢不得不重數百年間邑士之以道德文章節義事功焯然烜耀史冊者往往出于其閒而

名湮沒而不彰亦不可勝數雖幸其姓氏之僅存而遠者百餘年近或數十年其宗族閭鄙已不能舉其行事不可惜哉而獨行之士或委身草莽名不列賢書而負材能砥名節以自不朽于世求之傳記往往而有豈非勢位不足恃而士君子樹立固有本末歟而世俗所畸重者顧在彼不在此何與邑選舉莫盛于宋明唐以前多闕不可考原本舊志續而書之訖本朝備矣作選舉志

祠廟志序

禮諸侯封內山川神祇不舉者爲不敬古聖王設教之微意豈徒崇德報功已哉明則有禮樂幽則有鬼神將使人心遏其巧僞之萌不強而肅不媚而孚以還于淳樸推此道也可謂至治余邑延陵季子祠而外廟祀大小二百餘而道梵之宮居其半自明萬曆丙辰距今六十餘年往構新楹廢興遞見嗚呼幽明之故難言矣太上先成民其次辨之其次因之作祠廟志

帝系志序

嘗經南蘭陵故城訪蕭氏後微甚而世所傳萬歲街東城天子路遺蹟蓋有存者相傳齊太祖梁武帝故居云二代史書具載其語宜可信不虛齊梁之興先世非有積累起人臣之中乘權造運遂嬪大位偏安方陞享國不永其事甚淺陋無足稱述而其時宗室之賢往往能以文章勳伐表見當世列名史冊者代不乏人歷陳隋迄唐三四百年間號稱蘭陵望族可謂盛矣顧可使湮沒不少槩見哉豫志例載帝王輒昉之作帝系志

明四家詩鈔序

四家詩鈔者何邵子合李空同何大復王弇州李滄溟四先生詩而鈔之者也空同詩得六卷大復四卷弇州六卷滄溟詩最少得二卷既成爲之序曰詩三百篇變爲五言自漢歷唐而厥體大備漢魏六朝姓氏之存者幾七百人唐詩傳者亦六百餘家顧其間卓乎名家不過曹阮陶謝鮑昭李杜高岑王孟韋柳數十家而止蓋風雅比興音製既殊清濁偏全才具迥異或一篇之警策一句

之精工靡不著稱疇昔流聲將來若夫才擅眾長體兼羣嫩蓋夏夏乎難之明詩之盛談者謂陵宋轅元含吐三唐似已攷其源流可略而言也明初詩人高季迪袁景文爲冠孟載幼文諸人羽翼之亦旣彬彬具體是聲詩之濫觴也迨夫空同大復崛起于弘正弇州滄溟代興于嘉隆明代稱詩于茲極盛後先附離而起者亡慮數十家或綺麗而傷質或典重而近膚或嚴整而病拘君采偏嬪古詩茂秦止工近體高子業之擔遠肅閒徐曰穀之雋朗清潤庶幾斐然孤詣有餘兼至不足求其罕寵一八苞孕餘子上下三百年間蓋鮮儷矣夫是四先生者以沈雄浩博之才一出而力振頽靡古詩權輿漢魏歌行馳驟李杜近體定軌三唐此其大較也然格主復古而蹊逕猶存詞尚高華而風情微乏愚以爲正使瑜瑕不掩自足名家沿茲以降詩學荆榛膚于胡元瑞俗于公安僻于竟陵濫于雲間纖佻俚鄙于陳仲醇程孟陽諸君而明詩亡矣大抵羽翼四家者病在雷同沿襲而自得之趣尠擊排四家者

病在尖新僻澀而膏肓之錮深故萬歷啟禎六七十年間天下無詩非無詩也其所爲詩者非也詩亡而國運從之嗚呼重矣哉熙朝累洽詩道寢昌尚聲格者悟剽竊之僞探幽窟者悔枵腹之疏復古于是有機然今人率牽時趨憚于深造沈渾之力寡而綺靡之工多黃魯直謂李致堯云近時少年作字如新婦子妝梳百種點綴終無烈婦態噫嘻今人之詩將無同夫詩而傷媚焉是世道之憂也余竊不自揆欲取漢魏樂府古詩下逮李杜唐宋元明之詩詮次甲乙成一家言而困于力弱丹鉛未竟會四家詩鈔先成輒付剞劂夫首燕者北其轅適粵者南其楫詩不盡于明明詩佳者不盡四家然是之漢魏之唐者之轅與楫也中表楊陶雲芝田伯仲皆嗜古力學語余曰是編出可爲世之靡曼里俗者藥蓋參互校讐則陶雲伯仲之功爲多云

重刻歐陽文忠公全集序

曾君旅菴重刻歐陽文忠公集成屬余序歐陽之文蘇氏父子論

之當矣勦而說之爲駢拇爲懸疣也故余不敢序歐陽文而願與海內讀歐陽文者論文竊觀古之作者類皆蓄學沈思遠者數十年近亦十餘年以蘄所爲卓然自立之處得之矣務滋其源務沃其根富有而日新然後可以成一家言名當時而信後世譬之江河然源出崑崙發岷峨渾渾泡泡挹之不竭于是乎經九州絡九土放之爲廣川洪流束之爲崩瀧急峽石漱之爲澗沚堤禦之爲池激安流滌洄則千里一碧而舳艫帆檣之容與也怒濤奔折則百怪滉漾而魚龍蛟螭之嘯吟也惟其蓄也深故出也不匱而變化也不窮古稱文章家足當此者盲左遷固而下唐則韓愈柳宗元李翱而韓愈氏爲最宋則歐陽蘇氏父子曾鞏王安石而歐陽氏爲最故二氏之文焯然並行于世而歐陽文世之好之者尤多蓋其行文卽之如淺復而彌深而紆徐俛仰之態往往百折而愈舒宜好之者之眾也嗚呼自茲以降幾無文矣北地弇州諸公之摹秦漢優孟之衣冠也其病襲金華毗陵晉江諸公之規八家醜

醴之酒醜也其病淺乃數十年來傳變益出有俳優之文有應酬
之文其黠者往往剽獵二氏薈萃駁雜最上則援引經義規撫唐
宋世翕然以文章家推之矣顧叩其源委盡蓄學沈思久之而有
以自立者邪抑猶未免爲優孟爲酒醜者已陳之芻狗邪夫決溝
塹之灰放之盈科而傲然自睨于江河水不異也其所爲源者異
矣然則孰從正之以廬陵正之正之者何廬陵之文世爭誦說之
然而面目也格調也面目格調之外有所以爲廬陵者存夫龍門
昌黎其祖父也六經其大宗也子史百家則其旁支族屬也吾由
子孫而識其祖父由祖父而考其昭穆然後源流瞭然矣蓋導其
喜則易入也進以漸則不驚也故曰以廬陵正之也方今古學向
隆人人自謂得之者以千數余言出得無又爲駢拇爲懸疣也哉
歐陽之詩不逮文然亦自有工拙茲不具論曾君名弘江西之吉
水人

明十家文鈔序

嗚呼古文至于明幾亡矣邵子曰古文之亡帖括亡之也漢以前
無論已唐宋文學之盛其時士有志者爭自力于文章之途而其
學類能原本六經泛濫子史旁及天文地理志禮樂律歷之名數莫
不參稽故立言之大而精者蔚然備一代之文章卽學之而未至
者亦往往能就其才力所近成一家言蓋習之多則能者出也操
之專則業易精也至明則不然驅一世聰明材辯束之帖括之中
學者自四子一經外不敢旁鶩一語童而操觚白首浸淫而不知
所返叩以古今則瞪目泚頰舌拄齟而不能對嗟乎讀書之不知
奚有于文中閒非無魁奇自命之士起而倡爲之然已疲矣是故
下者譁世取說殆類俳優其病鄙上之習遷固之優孟而悅其警
牙其病剽又上之咀宋人之酒醜而以爲玄醴其病腐論者乃爲
之說曰明無文非無文也繇習者之不多與不專也今夫射者標
金錢之的越百步而射之至難也令百人決拾而射一招招必中
矣十人決拾而射之其中難矣一人決拾而射之其中也益難矣

夫以不多之人操不專之業而爲之既疲之餘嗚呼不其難哉余自壯歲得釋去經生家言窮居多暇因學爲古文辭自秦漢唐宋以來爲古文者略觀之矣獨明文闕焉太史公曰傳曰法後王何也以其近已而世變相類也愚則以謂文章亦然擇明人之能文者宋潛溪濂方正學孝孺李空同夢陽王陽明守仁唐荆川順之王遵巖慎中歸震川有光羅圭峰玘王鳳洲世貞茅鹿門坤各鈔如干首合之曰十家文鈔噫茲十家者所謂魁奇自命之士倡而爲之者也固未必盡合古作者雖然酬應者雅摛詞者實標理者雋雅以砭其鄙實以治其剽雋以去其腐斯近之矣嗚呼明三百年之久而得十人十人之文而僅得如干然以之儷唐配宋猶瞿然有愧色也嗚呼不其難哉

吳仲侯山人遺藁序

干章之木生深崖之中干雲霄蔽兕象其用則登之明堂爲宗爲棟其棄于世則牧豎薪之而斧斤所不及者乃頽仆于巖巖斷壑

之閒不幸而爲野火之所燔風雨之所齧嚴霜漂雪之所摧至于朽枯溼腐終已無用于人然後蒸出芝菌而山野好奇之士幸而遇之則私之而詫以爲瑞然其不遇好奇之士而銷蝕萎翳者不知凡幾也余友吳山人故名家子方少壯時銳意功名既老不遇乃斂其亡聊拂鬱之感一發之詩而詩又不見知于世獨時時大書籬壁閒淋漓箕踞用以自娛是亦山人之芝菌邪山人意不可一世顧與余善一日以書抵余曰吾疾不起矣有詩十卷以屬子幸子之有傳于後也山人尋卒爲順治庚子七月余方奔走省試未暇往葺其遺詩而其子又不甚愛惜後三年索之其家則零墜散遺過半矣歲己酉六月曝書草堂復于故籠中得詩一卷蓋山人存時錄以貽余者因並刪次其遺藁序而藏之噫山人束髮受書老無所遇可謂窮矣而詩之僅存者又厄之不盡見于世斯其不幸者耶然死且十年而得好事如余者綴輯其餘編使不盡至零墜散遺余之力雖不足重山人于身後而幸其詩之尚存將來

遇有力者重之則山人不沒矣夫士窮愁著書當其仰面屋梁崩
心銖肝不敢自惜者爲名使也乃往往身死未幾一二殘編缺簡
遽已湮滅方與骨毛爪齒同漸化而無餘不可惜哉然則山人有
知其亦可自幸已夫山人姓吳名仲立仲侯其字世居義興之北
渠其詩幽澹閑適有自得之趣蓋可傳者

魏叔子文集序

環海以內各山五大川四皆能出雲雨潤澤物故方望視公侯至
一邱一壑之勝載在圖記供奇士之遊覽然不能出雲雨潤澤物
則不敢與名山大川齒文章在天地間亦然其大者日月星辰陰
陽之所以序墳墟壤埴之所以奠君臣父子夫婦之所以定位禮
樂刑政之所以行其小者亦必係治亂關利弊考鑿成敗得失爲
斯世有用之言故隨其立言之大小皆足自不朽于世曹子桓曰
文章經國大業不朽盛事蓋必可經國者可不朽也若夫馱馱靡
麗佞屈無益之文亡論不能傳傳亦速朽寧都魏叔子兄弟皆以

能文章名海內客冬叔子來毗陵余識之寓樓握手語移時恨相
知晚蓋余亦喜爲文章持論頗與叔子合顧余碌碌度無所用于
世聊以文墨自嬉叔子磊落喜交豪傑士其智略輻輳之氣時露
矚宇間故發爲文章每至譚說經濟議天下古今之變率鑿鑿副
名實不爲無用之言嗚呼才如叔子而僅以空言自表見度非所
甚願然已足不朽矣余平居有五嶽之慕鬱鬱未遂常一登泰山
所借非人不能盡其奇至今以爲憾及讀叔子文稱其季弟和公
登太華絕頂日月從兩耳升降視黃河如襪帶委地而峰巒崩劣
詭秀拔地倚天則又未嘗不相然神往也

青門五真圖詩序

圖青門子像凡五裝潢成冊圖之次首展卷次課耕次遊嶽次垂
竿最後蕉團圖各縱廣尺衡廣如縱而贏寸者二像高不盡縱三
之一有差圖中器之類十有二爲壺爲石几爲茶竈爲椀爲羽扇
爲杖爲拂爲蒲團爲舟凡九爲釣筒爲綠瓷甕爲幔則載于舟禽

獸竹樹之類七特一頭白鷺三竹十餘箇梧桐二楊柳一松一藤
蔓一他樹無名者以指計葭莩以句股計童子二一罍泉烹茗一
驅犢遊嶽之像立餘則否遊嶽其形偃而杖其中角巾其袍褐其
履櫻蕉團之坐跌其髮鬢其衣色薄青其帶垂其屨並脫置前垂
竿之坐敲其笠箬其衣淺綠色一手自撚其髭課耕之坐箕不冠
其衣白單綃袒胸左鄰豎石鄰前展其左手反據桺根展卷之坐
以石手卷書橫著鄰上畫者梁谿朱生旭補圖者生之父芾寧都
魏禧作記諸名人各有詩而青門邵長蘅自爲序

過亭詩選序

岳君壯年成進士需次里居會遭絀誤偃蹇不得仕則時時喜遊
又時時喜稱詩閒西適秦入函谷關觀砥柱眺華山而返有秦中
詩已又北之燕東之濟充謁孔林轉鄒嶧山訪李廷尉斯刻石故
處有孔林嶧山諸詩已又南浮錢塘探禹穴有客越詩最後道澱
溪逾庾嶺遊桂林象郡有東粵紀遊詩十年之間足迹縱橫萬餘

里詩前後若干卷壬子十月自粵東歸與余相見豫章同舟東下
篷窗促鄰清談至夜分燭每見跋君則稍稍出其詩余閒有彈射
欣然意得也將抵毗陵五十里在棹過余草堂余爲具雞黍臨別
盡出其所爲詩屬余序嗟乎岳君固進士也夫士屈首受書幸得
一第上之列侍從臺省次亦吏州縣沾升斗而士之貧賤不得志
者乃飢驅乞食刺促江湖君以進士願躑躅貧士後吾知岳君悲
也吾見今世以貴顯遊者飾車騎盛冠蓋從者夾輿趨足聲殷如
奔雷君則從一蒼頭挾敝刺斲斲闐闐君固不欲以此自張然交
遊故舊接迹未見有指困贈宅如古人者而君之家張口待食者
以百指計吾益知岳君悲也雖然君得仕必爲令自百里以上
往往戴星出入列炬猶坐堂皇治文書朱墨之紛紜將迎廚傳其
億之繁勞日不暇給君幸而偃蹇仕宦志不獲伸乃得肆力爲詩
歌舟車所至攬其山川風土以發舒其性情而名後世蓋所得爲
已多也君詩清雅似錢劉尤工五言古近體定其可存者若干卷

青門集卷十
題曰邁亭詩選邁亭者何君所自號也詩曰考槃在阿碩人之邁然則君殆將倦遊而歸隱已夫

金生詩序

曩時海內一二稱詩家喜標別同異更相齟齬某人某體是同乎吾也則尊之譽之某人某體是異乎吾也則詆之譬之雖心識其工不欲與也而庸妄不說學之夫從而和之曰某體某先生所宗也亦宗之某體某先生所排也亦排之嘻夏蟲不可語冰井鼃不可語于江河其陋也甚矣余以為詩之有體猶夫形焉已爾故其沈鬱豪放典麗清真平澹奇怪各自名家者皆學于古人而得其性情所近雖作者不知其所以然譬之賦形然毛而方者黑而津者專而長皙而瘠者豐肉而瘠者五地之民各得其氣所近不能彊之使同顧其人之或為聖賢或為豪傑或為愚不肖則不係乎此也故余常論詩以謂詩自漢魏六朝三唐至宋元明人之作皆有可學有不可學視吾自得何如爾苟吾之詩學既成而卓乎有

以自立亡論其為漢魏六朝為李杜為三唐為宋元明詩皆可使之就吾之鑪冶而皆不能為吾病吾之詩學未成亡論其學漢魏六朝學李杜三唐及宋元明皆足以病吾而皆未必有當于詩何則其自得者匙也金生年少喜為詩閒以一編投余樂府古近體皆有之觀其規撫結撰非苟作者余謂生之詩賢于世之稱詩者遠矣誠充之以學益求所為自得者則生之進易量乎哉生名鴻尤工詩餘有柳周風調茲不論論其詩

吳退詒詩序

古之世其視詩也難故其詩盛而不可加後世視詩也易故其詩為之有至有不至古者十三學誦詩舞勺入學則太師教六詩以六德為之本以六律為之音大司樂教樂德樂語樂舞皆詩教也而列國名卿大夫相贈答類稱引篇什以見志而已未聞有所賦誦蓋視詩之難如此其時閒有作者雖變風變雅以至羈人思婦感激之音往往采于太史而見錄于聖人何其盛也迨後世詩教

言門集卷七
既廢凡橫目二足之徒稍習音韻儷偶輒哆然而稱詩顧爲之雖多其獲傳于世者蓋千百之一也幸而獲傳而能卓乎自名其家者又什百之一也是何古今人之不相及耶夫詩藝也然要其至則天人兼焉漢唐以來詩雖遜古顧其閒能卓乎名家者大抵或爲沈鬱或爲豪放或爲綺麗儼逸幽奇各習焉而得其性情之所近而其學之勤也必本之三百篇離騷以濬其源叩之六藝子史百家以博其識傍及山經地志佛老方伎之說以盡其變其思之專也必刷心鉅肝顛顛誠壹一切榮枯得失悲樂之感莫不發之于此夫其體之沈鬱豪放綺麗儼逸幽奇不可強而同者從乎天者也其學之勤而思之專盡乎人者是故有人而無天終身爲之未必其至也有天而無人卒然至之未必其皆至也嗚呼不其難哉荆溪吳子退詒集其詩若干卷屬余序余雅未識吳子聞吳子負氣自豪落筆數百言立就讀其詩涵演馳驟不名一體蓋得于天者優矣余既喜其才而又欲勉其所未至也故樂爲之序而

以是告之嗟乎詩特藝文之一爾其至之之難猶如是況有志于道德文章之大焉者哉余于詩固學之而未至者既以告吳子且自愧也

杜詩臆評序

古今注杜詩者亡慮數百家其蔽大約有二好博者謂杜詩用字必有依據摺摺子傳稗史務爲泛濫至無可援證則僞撰故事以實之其蔽也窒塞而難通鉤新者謂杜詩一字一句皆有寄託乃穿鑿其單辭片語傳會時事而曲爲之說其蔽也支離而多妄蓋杜詩之亡久矣杜詩未嘗亡也其真亡也故愚以謂必盡焚杜注然後取杜詩讀之隨其人之性情所近與其才分之偏全淺深工拙而皆可以有得長垣王又愚先生起家進士令梓潼遭亂棄官流離滇黔閱十餘年而後歸方其自秦入蜀闕劔閣下潼江又以事數往來花溪錦水其遊蹟適與子美合及棄官以後繫懷君父眷念鄉邦以至拾橡隨狙飢寒奔走之困亦略相同故其評杜也

不據實不鑿空情境偶會輒隨手箋注久之成帙自題曰杜詩臆
評其于古今注家不知誰如要之無仁者之蔽余謂注杜如先生
則杜不亡惜也止于七律也序之以告天世之讀杜者

漸細齋集序

漸細齋集者王又愚先生取少陵句自名其所爲詩也古今論者
以爲詩家至子美而集大成故詩有子美猶聖之有宣尼後之學
者往往學焉而各得其性之所近唐昌黎長慶以及孟郊張籍許
渾杜牧李商隱陸龜蒙之徒皆師承少陵得其一偏各自名家宋
人詩多學晚唐其間號稱大家若東坡山谷半山放翁後邨諸公
則又禰晚唐而祖少陵雖非大宗要亦杜之支子也昔人論書法
不宗右軍皆爲書奴詩亦猶是矣王先生束髮操觚卽喜誦說少
陵逾壯服官劔外羈旅滇黔迨垂白還鄉二十餘年閒口哦手鈔
流離困躓之餘未嘗暫釋蓋其篤嗜如是故其爲詩蒼秀沈雄沛
然有得于少陵而能歷其藩者余嘗謂斯文在天壤閒流派分岐

而本原則一有風騷而後有漢魏六朝有漢魏六朝而後有三唐
而子美則元稹氏所稱盡得古今之體執而兼人人之所獨專也
今海內譚藝家盛宗宋詩玉局劔南幾于人挾一編夫學宋人不
足病詩學宋人而不知宋人所從來則爲詩學病不淺歐陽永叔
有云白楊劉唱和學者爭效之風雅之變謂之西崑體由是唐賢
詩集幾廢而不行今日亦復類是夫禰其支子而不識其祖宗甚
者詬病隨之譬之坐智井而望天航斷流而求至海適形其陋而
已嗚呼論詩于今日如王先生者詎易得乎哉先生名維坤長垣
人又愚其字

陳椒峰文集序

堪輿螭螭旁礪奇秀之氣于北戒多山于南戒多水顧其勝往往
不相兼今夫嵩之高華之削泰岱之崇巖號稱中州巨鎮而原陸
千里不得水以涵之故山峻極而不秀洞庭沅湘之區千里一碧
日月出沒極汪洋滛淼之觀矣而君山一卷不能與水爭奇故水

青門館集卷十一
澶漫而無涘獨吾吳之震澤不然環三州竟吐吞三萬六千頃之
波濤而羣峰矗立其閒山挾湖而增秀湖挾山而增奇蓋堪輿蜿
蟠旁礴之氣于是焉兼而湖之中山之最大者其東曰兩洞庭其
西曰馬蹟茲二山予皆未及遊而馬蹟距予家爲近凭高而眺則
湖光山靄時時望見之夫旣爲氣之所鍾意必有瓌偉特立自命
之士生于其閒而惜余未見也旣稍與山之人遊益知其山之風
土人物其產宜梨栗柑橘楊梅來禽之果踔鴟杭稻之饒其人闊
達而多智起家至大官者相望而猶疑未足以當之也椒峰陳先
生山之人也一出而成進士負盛名遂以文章雄視一世學者宗
之殆所爲瓌偉而特立者歟椒峰集最富多至二百餘卷其爲文
不名一體大要主于明經論史而識力卓絕余與椒峰生同邑里
論交二十餘年每有所論著媿不及也按山誌湖中有峰曰夫椒
者與馬蹟相近因以自號雖然椒峰重先生郭先生重椒峰郭余
幸未老異日扁舟草履一覽湖山之勝當酌山靈而問之

盤山志序

代

盤山在京城東二百里而近一曰盤龍山以蜿蜒盤薄故名一曰
四丘山山特立無倚蜂窠蓮瓣四面如一故名一曰田盤山三國
田疇所盤桓去田從盤俗省也或曰古有田盤先生自齊來栖隱
于此而疇避難處曰徐無山在今遵化北或曰盤山卽徐無山今
感化寺古碑猶載田氏事云其山多怪石其樹多松石之昂者欲
翔敬者欲墜欲壓繇谷互巖松生石罅腫蜷蹙怒而不得逞則
往往作蛟虯拏攫勢其水皆奔泉從高處下酈道元所稱望山上
水可高二十餘里素湍浩然其閒梵宇翠堵之勝神燈鬼火譎詭
幻怪之觀與夫龍蛇之神虎豹獸狸之窟穴高僧隱士之廬騷人
墨客之所鐫鑿山皆擅而有之其與江南之廬阜黃海閩之武夷
越之台宕粵之羅浮巴蜀之峨眉諸名山爭雄長于域內宜也然
而互千百年來山志亡有探奇之士每以爲憾詎非闕與抑山之
靈有所待如釋氏之所謂緣與拙公來自江左卓錫茲山旣闢青

溝禪院居之毅然以山志自任而少司農阮亭王公太史竹垞朱公實依助之凡屢削稿閱九寒暑而志成然後山之深水之秀樹石之幽奇與夫梵宇窳堵之勝神燈鬼火譎詭幻怪之觀龍蛇之神虎豹鼪狸之窟穴高僧隱士之廬騷人墨客之鑄鏡一旦若抉剔洗濯而出而獻奇效靈于茲山以與江南之廬阜黃海閩之武夷越之名宕粵之羅浮巴蜀之峨嵋爭雄長而盤無媿色則志之功顧不偉哉爲之序所以幸茲山之緣也拙公名智朴受記荊于青龍之百愚爲曹洞宗尤工詩阮亭以清晝靈一方之論者以爲然

中州道學編序代

逸菴耿先生倡道嵩陽學者宗之閒集
中州道學一編自二程子以下迄于本朝得如干人皆中州產也人係以小傳摘其語錄之精粹者亦略附見凡如干卷已梓行書來屬予序予媿未聞道亡已姑媮言之道學之有異同自朱陸始也異同積而爲門戶自姚

江以後始也漢唐之世君子與小人各自爲黨東京之黨錮唐之牛李是已宋洛蜀之黨皆君子也而文章與道學分至朱陸爭而道學與道學又分而門戶之盛迫明爲尤甚焉當其時入主出奴謠詠紛然投閒抵巇變詭百出不肖者乃藉道學之名營其私而小人因之以爲厲禁其爭始于學士薦紳其漸及于朝廷而其禍遂貽于國是明季之事可見也今夫聖人之道大故曲成而不遺如愚之回多言之賜師之過商之不及皆得與聞孔子之道後世諸儒惟不得孔子以爲之依歸故紛紛至是耳假令陳白沙吳康齋王陽明與薛文清胡敬齋諸先生竝遊于孔子之門必皆爲孔子之所許而皆足以聞道且夫諸先生同學聖人者也其流雖不能不分其源則一非如東西之背馳黑白之不相入也彼學有是有非耶吾擇其是而已彼學果非耶吾守吾是而已奚爭爲今觀是編所載諸先生皆謹守程朱踐履篤實而不以議論相高孫鐘元先生有言從古聖賢俱從立身行已處用力但理會其同不必

究晰其異噫斯所以得道學之宗也歟自姚江倡良知之說于東南一時師尊之使正學流于虛無固不免賢智之過而詆排之者又爭以口舌求勝波流至今未已也茲編出俾世之學者省議論而返躬行其功甚鉅然則道學之傳非中州吾誰與歸

蔣氏族譜序

傳曰天子建德因生以賜姓胙之土而命之氏諸侯以字爲諡因以爲族解之者曰諸侯位卑不得賜姓故其臣因其王父字爲氏或卽先人之諡稱以爲族此古者姓與氏與族之分也後世合姓與氏與族而一之矣而氏族之學則莫盛于魏晉其時立九品中正之法以門第官人選舉必稽譜牒庶姓具藏有司蓋綦重也唐時猶相推尚故路敬淳柳冲韋述蕭穎士之流皆以譜學著五代之亂譜牒散亡歷宋迄今專門之學闕如雖號稱高門鉅族而譜之廢者什五夫其廢也豈盡無徵以爲是不急而緩之也夫高門緩之而懸簿有亟之者乎吾從而賢之也則宜吾里有厚澤蔣

氏元至正間教授公諱理者壻于邵乃自青陽徙家其族姓繁衍其人椎樸而力穡與吾族衡宇相望又世講婚媾也予少時嘗見其家有宗支圖張于壁間問其譜曰昔有之亡已予表姪鎬乃毅然爲之采摭哀輯漸有成帙以序請甚勤按蔣出姬姓周公子伯齡封蔣以國氏傳曰凡蔣邢茅胙祭周公之胤是也西漢蔣詡元卿最著詡之後有名橫者以將軍從光武討赤眉有功司隸羌路譜誅之九子渡江散處帝尋悟覆羌路之族而錄橫後橫幼子澄居陽羨山因封山亭侯今蔣氏派別在毗陵義興間者大抵皆祖山亭無疑子覽蔣氏所爲譜自遷祖教授公上遯山亭爲五十三世祖又自山亭上溯周公子封蔣者爲四十八世祖蓋自周迄元歷二千四百九十餘年必欲令其繩貫絲聯此近世不學者作譜之通病按漢史蔣詡免官在蔡居攝時距光武破滅赤眉廡及廿年而譜以橫爲詡四世孫又稱橫封遯迨侯考東漢郡國志有遯迨屬九江郡而無遯迨皆予所心疑者予謂蔣生子之爲是譜

也高門巨族或闕焉而子汲汲爲之可謂有志之士雖然譜貴傳信蔣氏之譜第當著其得姓之由封侯之所自而世系斷自教授公遷厚澤始由是沿而下之井如秩如俾族之人長幼以序親疏以紀慶弔歲時蜡臘賓祀之禮以行則蔣氏之族之大也有日矣驚遠云乎哉予嘉生之請乃告以作譜大意而序其簡端者如此

青門麓臺卷七

青門麓臺卷八

前集

武進邵長蘅子湘

序二

舅氏楊元惠翁七十序

余家距舅氏楊翁居十里而近而翁居故僻絕林莽翳溪流榮阻輪蹄之跡不至順治乙酉余九歲隨母氏避兵其地翁則提余周視其田廬樹木以嬉屋後環清溪巨石四五羅溪中可釣可濯翁則提余以釣以濯往來溪邊甚勤一日余溺焉救之起髮泔泔溼也余歸之明年補弟子員後十餘年新法行余亦例絀籍意忽忽不自得則北走燕客津門轉客蘄黃閒于翁居閒歲至或二三歲至不數數也戊申春攜兒子士驂過省翁翁大喜則又提兒子周視其田廬樹木如曩時已指余故所溺處談說往事以爲嬉笑因低徊久之記余昔時所見樹之把者已拱田廬之鱗次者已易主交遊之少者已壯壯者已老蓋屈指二十餘年乃兒子適如余避兵之歲而翁春秋亦七十矣中冬某日余率兒子稱一觴進

言曰某自童子時侍翁遊迄今歲閱二紀升沈變遷不可意計而翁之歸然者如一日也即由此而耄而期頤而翁之歸然者仍如一日也敢敬舉翁之觴翁顧笑曰我不善飲願善飯已噉飯盡一升許則益大笑蘄欣然退而書之以為壽

賀某翁恩賜序

皇帝御極之九年大覃恩薄海內外又加惠耆老高年詔曰皇帝遣吏賜天下民年八十以上者帛人一匹米石它絲絮酒醴稱是郡縣以名聞務稱朕養老至意于是某翁以年及格應詔長吏即其家存問致賜如詔書指而翁之子姓姻戚乃相率詣翁為壽而徵言子不佞曰自王道不行而養老之禮久廢翁一旦邀聖天子曠典以耀閭閻而示子孫斯亦榮矣雖然翁知所自乎國家太平幾三十年至今上即位務省繇減賦與民休息加之海內無水旱兵革札瘥天厲之災文武大吏以至州郡牧長皆能宣上德意雖荒陬絕徼之區物靡不得其所而翁之生當是時親被聖澤

沐浴湛恩得與子姓姻戚舉一觴以為樂時使然也設令賦斂迫急吏猶氓呻沸羹蜩蟬之聲不絕于耳民生其閒亡論未必壽也即壽矣欲與子姓姻戚舉一觴為樂庸可冀乎人第見翁以壽受上賜競以為榮而不知涵濡滋液致此蓋有由也然則王道之行于是乎見端矣豈翁一人一家慶哉

君翰兄五十序

邵子之再從兄曰君翰氏今年春秋五十矣兄瓠肥無髭鬚腹便便垂性率易喜詼調諧噓蓋平居未嘗見其作戚戚容也頗嗜弈與人角輒負輒不冑伏數角數負愈益不冑伏詰之曰偶耳勝則推枰狂呼轟笑聲撼屋飲酒如卷白波平頭挈鴟夷伺其旁惟恐不繼然實不能盡二升頃之便軒思睡益強醕之則避席亡去初春余觴之花閒酒半竦身歌聲激越而悠揚已引滿大笑頽然就醉余顧謂坐客曰是人者其天全矣見若嬰兒者矣吾以決其壽矣客問故余默然

參憲方公壽序

吳爲東南都會四方之物輻輳俗以侈靡相高世家則規第宅園池畜歌舞嫁娶譙亭踰制庶民則履絲曳綺嬉遊巷陌其少年多黏竿蟋蟀六博彈絃度曲之戲亟聚會畫鷁聲伎相徵逐一日之費糜中人數家之產地故沃衍然絲役繁重區區一隅賦入當天下半而細民皆窳鮮蓋藏平歲衣食廛給脫遇水旱則轉徙逃亡蓋俗奢而民實貧又柔悞重犯法有所徵發會斂雖力所不措不敢不共而吏其上者亦狃于富厚視爲固然譬如聲色芻豢之夫其狀貌魁然肥也然元氣駁削外彊中乾醫者不察又投之金石之藥以靳長生其患將有不可言者噫嘻以貧民徇奢俗而供難繼之求吾固爲吳民虞其終也今上御極之十二年參憲方公奉璽書分守吳公家世貴顯然性儉約自奉不異儒先生治尚廉靜持大體始至會用兵甌閩其億騷然公一切務撙節噢咻與民休息民賴不困閱再朞政成頌流士民愛之昔曹參相齊求所以

安集百姓蓋公爲言治道貴清靜而民自定推此類具言之參用其術大稱賢相漢承秦湯火之餘宜救以寬大蓋公之言蓋因俗爲治也吳俗汰侈已甚而公以儉撙之于是乎行之以慈惠載之以寧壹吳自是其有瘳乎頃歲三陞用師以來度支仰屋天子數下詔書籌所以足國裕餉者又詔督撫大吏許便宜言事公持論以爲古今生財之法不過開與節兩者議開于今日雖桑孔而在奚所復加則當議節而節儉當自朝廷始舊制歲市江南官布五萬匹僅以供賚予之需宜可罷而歲省帑金以三萬計于國計甚便撫君韙之條上其議詔報可公固在吳言吳然國家經久之規實亡以易此史稱晏子豚肩不掩豆一狐裘三十年而光輔三君名顯鄰國楊綰清儉著名及拜相朝野相賀大臣爲減聲樂省騶從公異日者入而爲天子大臣某知功名之無愧于古也矣六月某日屬公誕辰某以諸生辱下交誼當一言介壽輒推原公之儉德以爲頌禱夫稱壽而原其德其猶近于質也夫

蔣俟齋七十序

俟齋蔣先生居瀕漏湖湖之浸百里其蠡多鼈魚麤贏其鳥多鳧鷗其植物多芡蒲葭葦荷芰之屬余嘗訪先生所爲漏湖草堂者舟至其地望之波光潏潏湖村隱見煙靄中如畫先生少負才氣以能詩聞于時所交極一時知名士遭亂棄諸生益以詩酒自豪又好遊南之閩北適燕西浮漢沔皆遊屐所至也先是其尊人鷺洲先生常守漢陽有遺愛故先生之遊于楚尤數康熙丁未余初識先生于武昌是年適六十余作長歌爲壽已同舟東歸自武昌抵家舟行二十日得詩四十餘首余詩乃不及三之一每歎先生年垂老而氣甚豪余齒後先生幾三十年愧不及也今年春遇先生于友人所握手追道往事謂余曰僕年七十矣欲更得子一言憶從先生登黃鶴樓俯晴川酌酒弔禰正平慷慨賦詩悲歌時木落天風江濤拍岸忽忽已十年事先生今倦遊屏迹湖渚而神加充而貌加豐視十年前不異余益驚歎卽至百歲度無異相見武

昌時也按圖志漏湖一名西漏沙子湖相傳有漏姓者攜龍子歸地遂陷爲湖吾聞鱗蟲之屬龍最壽湖爲靈物所窟穴宜居其地者往往多壽云

張天遴五十序

張君天遴與余居同里學同研席同歲入學官爲弟子員自是浮沈鄉校遇有司試名次利鈍略同及絳新令而擯斥廢棄以老又同故吾兩人交相善也順治丙戌從邑大夫後初釋菜于學官時余甫十齡天遴亦未弱冠兩人氣銳意得自謂功名可戾契致由今屈指蓋三十年事矣詎意一斥不復自振方從老農老圃課耕桑力衣食以沒齒嘻可感也憶是歲同籍于博士者八十有七人後先中天子甲乙之科去而爲達官者凡數人焉之數人中某某者余皆與之遊方貧賤時握手相約結然諾期以久要中以事相牴牾往往背面訛謔或相排擠者有之每與天遴感歎以爲交道之不古然十餘年間向之親見其赫奕榮盛者相繼淪謝而吾

青門薈藁卷八
兩人窮老放廢之軀屏迹荒邨嬉遊過從三十年如一日也康熙
丁巳四月某日天遊五十誕辰會其客遊中州未及稱壽里中人
亦無解以言為壽者願余誼不能已輒追述今昔敘之為文遲其
歸侑一觴焉噫嘻余與天遊交三十年爾顧耳目覩記人事之變
得失盛衰之感已如此由此更閱三十年天遊年已八十而余亦
逾七旬皤然兩叟相對于山麓水涯之間追道前事吾不知人事
之變得失盛衰之感視今日更何如也

金懋于五十序

代

新安在山谷閒地險隘人滿其產多茗莛其材多松杉桐漆其人
多賈十九在外其俗勤生而嗇財操其奇贏奔走都會涉江湖踰
嶺嶠不避風波霧毒寒暑爭時作力靳得所欲者亡慮皆新安人
也然熾畜類能薄軀命忍嗜好以爭錙銖父子兄弟族黨之間往
往以財相役不羞勢利卽有緩急不輕出一金于橐以余所見聞
攷之傳記新安土風民俗大較如此今年春余遊毗陵某生數為

余言金君之賢金君新安產也客居毗陵亦用畜賈起家願其為
人倜儻輕財好賓客交名士大夫治垣屋壯麗不計功費姻戚貸
君者多負君遇有急復請復貸之如初亦時喜施予繕治橋梁道
路次舍之利于眾者蓋某生云然余旣心重金君而會四月某日
君五十誕辰其壻錢生請余文為壽徵其實與某生言不異余乃
慨然以謂君故新安產也願能傑然于新安之俗斷斷如是可為
賢矣遂不辭而序之且以為新安風也

業師徐靜致先生六十序

長蘅為童子時則從先生受詩白科舉之學日陋師之教其弟子
者往往剽竊漸速化以學古為時文之蠹四子一經外戒不敢苟
鶩一語先生顧獨取左氏遷固唐宋大家文課蘅日誦數千言又
好論史每侍先生讀書至丙夜難故紙温酒持杯岸幘上下千餘
年治亂興亡盛衰之跡橫豎鉤貫縷聳聽或遂至達曙蘅鄙陋
竊習為文章稍知古今者蓋先生之教為多先生性至孝其尊人

先生前明天啟間爲名孝廉再躋公車齋志以沒先生思慕不寘以帖思名齋每語及泣然悲不自勝蘅常從學先生家親見先生事母賀太孺人承志色養每會必祝先生爲人奮飭訾笑不苟擇地而後蹈尤莊事太孺人唯謹聞稍失太孺人指則長跪請受杖久之伺太孺人色愉乃敢起先是先生年五十餘邁奇疾幾殆遇良醫藥之病良已而先生飲食步履乃逾勝舊今春秋六十矣體腴而神充容貌如四五十歲人論者以爲孝德之報年殆未可量云蘅在師門最濩落無狀它高第弟子逞逞貴顯至大官先生不肖爲翁翁熱顧獨喜與蘅語每見必期以遠大歲時拜先生牀下必命坐蟬聯語移時出必親導之門外蓋不以蘅爲不肖也歲戊午八月廿日先生六十誕辰屬蘅有犬馬之恙不獲奉觴登堂遲之再閱月始謀一言爲壽又念世俗調語不敢以恩先生蘅常誦詩序曰南陔孝子相戒以養也白華孝子之潔白也小雅無其辭晉束皙補之其南陔詩曰眷戀庭闈心不遑安馨爾夕饕潔爾晨

餐白華詩曰粲粲門子如磨如錯終晨三省匪惰其恪先生之行視哲詩可爲不愧蘅又攷鄉飲酒禮燕禮皆笙入奏南陔白華華黍先儒以爲古有此篇後逸之朱子則以爲有聲而無辭以儀禮曰笙曰樂曰奏而不言歌爲據二說何從請質之先生以附吾黨乞言之義先生必有以教蘅也

段母五十旌門序

段母張孺人年二十九而稱未亡人撫其孤錦雯自成立稍用積著起家今年孺人年五十里中爭持羊酒賀會有以孺人節聞于縣縣遣諸生掾吏三老奉旌扁導以鼓吹至門觀者駢肩側足嘖嘖榮之里中又爭持羊酒賀先是錦雯與余同壻于錢錦雯之婦余內人之兄子也故孺人與余家有連四月六日爲孺人悅辰其家日夜張其具召客屬余有它故未及往久之乃遣兒子進一觴而侑以言曰自學士大夫之論喜異而忽常于是割耳截鼻捐脰之奇行豔稱史冊而平常之節無聞焉余以爲此持論之過也夫

女子至捐軀以徇其夫豈曰非難然一念奮激慷慨引決于須臾遂能垂芳烈傳後世若夫下撫數尺之孤後顧遙遙之歲月茹荼集蓼自少艾以至白首而其閒變故之乘風雨飄搖之患有什百于意計之外者自信矣或不能信之人信之人矣或不能得之天語曰行百里者半九十故允難也公孫杵曰曰立孤與死孰難程嬰曰死易立孤難耳烈丈夫且云然況于女子當孺人之寡也錦雯甫九歲孺人以弱女子持門戶恩勤閔驚艱苦備嘗者今二十餘年方其仰天椎心自矢亦以為從一之義是婦德固然耳豈能逆計二十年後親見其子之成立且以節聞於有司之庭也哉然竟及此人也亦天也故曰難也而良有可舉事不務駭世異俗以為名其風勵所及可為知務矣錦雯雖業賈然恂恂有退讓君子之風與余交良厚能竭力表揚其母此有足稱者易曰甘節吉往有尚孺人有焉詩曰孝子不匱永錫爾類錦雯有焉余是以序之如此

山東巡撫敬菴徐公壽序

代

天地有大經忠孝是也顧二者理實相成余閒按史冊所載古名公卿居身能厲清節皦然不欺在內則犯顏敢諫為朝廷辯可否在外為斯民去害興利卓然稱名臣未嘗不自孝其親始故曰始於事親中于事君終于立身夫至立身行道揚名于後世斯謂不朽則孝道之成也敬菴徐公先世籍江西幼侍贈公遊武林因家焉贈公故憫儻負大志明末遭亂歿廣信山中公自武林徒步往求其骸至則蹒跚萬山閒俛俛迷所之夜宿巖下夢神告以處明且果得贈公骸具如神語公解衣裹之負以歸往返三千里足研裂血為之殷由是孝子之名聞天下順治乙未成進士起家比部數遷為侍御史奉命巡兩淮鹽筴使還敝衣數簞仍去時裝士論多之當公之為御史也親見皇上總攬紀綱勤勞庶政以深仁厚澤與海內元元休養於是益發舒言當世事自宮府朝廷四方水旱疾苦至于封疆大計六曹之利弊得失知無不言前後章凡

百餘上其尤大者公嘗疏言今守令未盡賢刑獄未盡當民生未盡遂凡十餘事皆切時弊願第條舉其端待上決擇疏入立召見賜茶慰勞良久令分別具陳所以公退取前疏件繫條分一日成十疏上之直聲動朝野久之以僉憲巡撫山東山東地延袤二千里俗多大俠探丸投詔之姦又歲比不登號難治公至首按劾令之尤墨者罷之則斥耗羨屏逃旗絕苞苴民向所苦及所願欲不得者次第興革三月而化行歲亦大稔六州之氓莫不歡呼怵悅謂本朝四十餘年更十餘巡撫未有如公賢者又見其化速驚以爲神余以謂天下之事誠則通僞則窒公所爲一出于至性則誠誠故可以動天地可以感鬼神可以孚豚魚敝金石而況含齒戴髮之民具五常之性者乎其化不疾而速宜也七月某日屬公誕辰山左之官京師者謀壽公屬言于余余乃質書公之大節復諸君子曰徐公孝子也其在詩曰孝子不匱永錫爾類言孝子之德誠而不竭而天保佑申錫之永永而未已也公方踰艾服官政

于外此何足爲公壽異日者入而相天子以孝治天下利澤施于時令名垂于竹帛所謂通神明光四海于是乎在是乃可爲公敬舉一觴矣

學士戒菴兄五十序

士君子所爲壽非期頤壽菴之謂居官則不朽于其官居家則不朽于其家斯謂上壽夫人能自致不朽則金石有時而泐陵谷有時而變遷而榮名之垂于後者無窮也夫以無窮視百年直且暮耳吾兄戒菴先生當卯辰閒奉璽書視學江右時江右屢中寇從烽燧壁壘中招生徒出就試按部所至每日坐堂皇戟門洞闢諸生造几案前環侍問業昵昵如家人比試甲乙殿最取決俄頃對諸生輒背誦其文曰某佳某不佳卽被乙者皆心服驚以爲神尤加意童子試塾師老儒頭童齒豁者一旦簡拔殆盡十三郡七十餘州邑同聲歎謂更數百年所未有迨乙丑謁告南歸出奉入所餘惠宗族寘祭田新棹楔仁和學宮圮捐千金葺之曰吾家世

所發軔不敢忘也其尤鉅者其高大父比部弘齋先生當明嘉靖初議禮忤枋臣杖戍漳南三十餘年日以著書爲事所著三弘集凡三百四十餘卷當先生在時躬損衣節食以佐剗劂既成度板玉泉山寺尋燬于火而書流傳絕少吾兄購之十餘年僅得一本又脫落不可竟讀乃手自丹鉛校讐窮丙夜不倦期年而三弘集鏤板復完識者謂九京可作必快心茲舉而吾兄善繼之孝于是最大所稱不朽于官不朽于家兄殆毋愧歟吾兄故輕財好行其德見人蹈患難水火則皇然如身受必脫其人于阨而後快方官江西時幕府得一切用軍興法吏民重足立吾兄從容風議爲之辯疑似脫纍囚赦盜寇脇從所全活亡算又捐金倡贖婦女之係累千餘人既用內召官學士踵門求贖者猶月以十數某集中所載朱孝子傳其一也昔王翁孺爲繡衣御史逐捕羣盜及吏逗畱畏懦當坐者皆縱不誅曰吾聞活千人者子孫有封吾後世其興乎何比干爲決曹掾平活數千人有老嫗謂曰公有陰德天賜以

策以廣公之子孫因出懷中策九百九十枚以授史書所徵如此類甚夥天道可信則吾兄所以昌大其後者當不可以世數計今年五月春秋五十矣世俗十年一稱觴自五十始兄願堅辭不受賀或者以爲疑余以謂兄之辭宜也不朽其身而又有以大庇其子孫其自爲壽者備矣而世猶沾沾焉頌耄耄祝期願以爲希有之事願不陋哉余與兄同年生僅後兄兩月而所樹立乃不敢望百一瓠落嗚然懼與草木同朽既書此爲兄壽行自慚也

珩字兄六十雙壽序

族兄珩字以戊辰七月十日爲六十誕辰邱嫂畢孺人少于兄十年誕以正月十七日邑中姻戚及賢士大夫交兄者于獻歲謀並舉壽觴兄堅辭卻之而吾族之人謝之而不獲已也則曰惟是一二伯叔兄弟必欲以言壽則願以屬吾子湘昔歸震川先生爲陸思軒壽序以謂東吳俗號淫侈然于養生之禮未能具也獨隆於爲壽自艾以上每句而加又有壽之文多至數十首張之壁間來

會者飲酒而已亦少睇其壁間之文故文不必其佳凡橫目二足之徒皆可爲也今距震川時又百餘年吳俗爲壽之禮逾盛越綾蜀錦金裝玉軸一屏障之費直中人數家之產而其爲文必託名館閣鉅公官階案六七行不盡壽者之家得之以爲榮而來會者亦塵睇視其官階嘖嘖稱盛事耳文之工拙固不暇計習俗如是而兄顧獨有待于余言意者不以余爲不肖耶抑謬以余之文視所稱橫目二足之徒稍有閒耶吾兄幼孤廢學迨壯稍用積著起家至其孝友睦族卽讀書知古今者未易過先康節公專祠在余所居章滄里祭典闕如兄則遣其子龍元偕余請于臺竭歷奔走不遺餘力今年春有司奉牲幣致祭如著令里中環觀歎羨以爲盛典既畢祭則張具設樂備召族人長幼獻酬極歡竟日罷常讀楚茨五章曰諸父兄弟備言燕私鄭氏箋引郊特牲云祝命徹胙俎豆邊設于東序下是祭末而燕私之事也其六章曰爾殽既將莫怨具慶又曰神嗜飲食使君壽考然則兄之自爲壽與族人

所以慶兄者從可知矣兄家負郭距余居四十里而近余每過其家僮僕皆歡然出迎款洽累晨夕憶癸亥春余遊京師兄拏舟親送之京口握手絮語依依不忍別時宿雨初收江雲陰翳白浪如鴛鴦羣飛覺離緒黯黯然余嗚咽幾欲出聲不可止噫嘻兄與余服屬在袒免行而友于之篤始如同氣余方欲筆之家乘使吾兩家子孫知前人情誼乃爾今幸以不文之辭從二三伯叔兄弟後余其敢辭哉兄儻輕財數能緩急人其爲德不責報者凡十餘事余心識之而余所稱述者一家之私言也故不具著族長老又言孺人勤儉克家待內外周親曲有恩禮爲吾宗女師宜其並享肩壽殆未艾云

閻再彭先生七十序

余友閻百詩尊人再彭先生今年壽七十誕以九月某日九月于卦爲剝在剝之上九曰碩果不食君子得輿竊歎于先生有合也先生生明神宗之季剝運方始未幾而閻豎內煬盜賊外訖明祚

遂隕其剝牀及膚之會乎先生當是時以貴公子負海內盛名年未及壯遭離變故絕意仕宦讀書隱居終其身蓋自甲申迄今四十餘年而先生年亦七十矣屈指四十餘年中滄桑更變亡論焚山蹈海之徒姓名幾為貓貉噉盡而曩時之哭西臺而樹冬青者求之山礪水涯之間亦已寥寥亡有所稱遺種之老蓋略盡矣而先生巋然獨存造物者殆以是為不食之碩果與吾觀復之初九卽剝之上九剝于上斯復于下百詩以博學名聞于朝文孫繼登賢書譬諸植物咀華茹實相嬗而無窮已皆碩果所畱也余與百詩交以道誼合夫誼誠則辭質交深則文簡序而貽之異于世俗侑觴之辭云

杜母朱太夫人七十序

代

少冢宰杜公母朱太夫人今年春秋七十京師名公卿下至韋布能言之士爭為詩若文以稱述太夫人之令德以致其頌禱而銓曹正郎李君偕其僚十餘人屬言于余余惟諸君子所稱述彬彬

乎備矣毋論余不文卽文奚所復加毋已請折衷其說為太夫人更侑一觴諸君子頌德之言曰太夫人性淡泊習勞勤曩時躬操作每至夜分綜理家政井如也吾以知太夫人之勤勤則不匱是宜壽則又曰封公故好行其德太夫人佐之族屬媯黨以匱乏者周之必厚御婢僕皆有恩吾以知太夫人之惠夫惠施于人人爭德之是宜壽則又曰太夫人未笄歸封公為諸生婦年四十餘而少宰公以高第讀中祕書稱貴顯矣距今又二十餘年親見聖天子踐祚改元豫建太子再上兩宮徽號而太夫人亦以恩得案封夫人屈指五十年中升沈貴賤苑枯之殊何啻倍蓰而太夫人處之恬然視為諸生婦時不異夫是之謂誠壹夫誠則能久壹則貞愈宜壽雖然要非其至也太夫人之德之至者在孝事其姑先是封公母曹太夫人年二十稱未亡人茹荼集蓼撫封公有成及太夫人于歸執婦道極謹饘飴滫瀡以至廁浴浣滌無鉅細必親封公授徒客外久甘旨之奉纖毫不遺封公憂蓋周旋牀

第昵昵如母子者四十餘年一日也久之曹太夫人以二品恩例
贈夫人會督撫疏其節上聞被旌典立石表墓太夫人聞之色喜
爲加一餐其純孝如此余嘗博徵詩書所載難老之錫諸福之祥
往往推原于孝德而操之不爽若左券而償者然此猶爲王公
卿大夫士言耳若夫婦者其姑視子孝其母尤難蓋母子一氣也
婦姑異姓也一氣者無間異姓者形睽故曰難也太夫人于其難
者易之則造物于其易者亦何靳之與有或者以少宰公不獲歸
奉觴膝前意不無介介者愚謂不然公以名德重望皦然稱名臣
吾知太夫人雖違于其側其心樂也况公甫艾齒去懸車之歲尙
二十年度此時爲名宰相且久而太夫人亦將百齡健飯當不異
今日然後請于朝乘傳奉上尊歸而率兩弟諸子長跪而進一觴
未晚矣

陸翁八十序代

翁吳越閒異人也少跡弛嗜酒善馳射申酉閒南都擁立閣部史

公可法督師維揚翁常隸麾下思以功名自奮史公殉國翁脫身
而南遁跡湖濱自是一以酒自晦亦喜弈提弈局出遇邨夫野叟
以至市僧屠沽往往與弈或爭道至奮拳毆翁翁弗忤也貰酒飲
輒醉醉則就眠壚頭或扶曳之乃歸今年八十矣丹顏白頰鬢步
履飲噉如四五十歲人余不識翁某生爲具道之如此會其子上
舍某乞余言爲壽余記陸放翁劔南集中載姚將軍事將軍靖康
初以戰敗亡命建炎中求之不可得後五十年乃從呂洞賓劉高
尙往來名山有見之者放翁作詩寄題青城山上清宮壁閒有曰
脫身五十年世人識公誰但驚山澤閒有此熊豹資又曰我亦志
方外白頭未逢師從公遊五岳稽首餐靈芝金骨換綠髓歛然松
杪飛請持此壽翁可乎翁笑曰吾年老健忘曩事都不復記憶吾
姑飲酒呼兩兒子趣舉太白浮之陶然醉頽然寐


徐母潘太夫人六十壽序

太夫人爲吾鄉故御史中丞徐公之配而今主政君永寧中書君


永宣之母也中丞公起家進士爲時名臣立朝多所建白語具予
所爲家傳中公居鄉故好行其德而夫人克襄之懿行不可縷述
其尤鉅者中丞公座主陳公歿于嶺南家寄廣陵遺孤甫數月一
二強奴悍嫗將不利是公往抱以歸泣而授夫人曰是藐諸孤師
門一綫系是必撫視之惟謹夫人亦泣受而祿之懷曰是藐諸孤
陳氏一綫系是敢不撫視之惟謹乃躬自鞠育不以屬女奴自孩
抱以至成童推乾就溼撫摩嘔積十年如一日既長授室而歸
其宗迄今士大夫語及之嘖嘖高中丞公行義而以太夫人親乳
爲尤難及云戊寅臘月廿八日太夫人六十悅辰公子先期請子
文爲壽常誦鳴鳩之詩曰鳴鳩在桑其子七兮解之者曰鳴鳩之
養其子朝從上下莫從下上平均如一以興君子執義一而用心
固也其二章三章曰在梅在棘言平均養之故得長大而飛去也
而終之曰胡不萬年言能長人則人欲其壽考也予謂此足爲太
夫人壽矣鳴鳩七子均平出于一母而太夫人得之異姓之子義

一而心固士大夫或難之而見之于太夫人故尤難也然則人之
以壽考康寧爲太夫人願如風人所咏者從可知也憶予與中丞
公同釋菜于學官時予甫童卯中丞公亦未弱冠往其五十餘年
中丞公去而弋科第躋顯仕而屈指公之棄捐賓客又忽忽十年
矣而予白首獲落如故獨喜得與公子兄弟爲紀羣之交每過其
家飭醪醴餽飮必豐潔太夫人之意亦若喜公子與予輩遊者蓋
不以爲無益也太夫人語公子曰汝曹巧文章壽我必得邵君一
篇庶足傳遠公子爲子具道之如此予固心媿其言願是豈尋常
閨閣女子能見及與子母家爲前黃楊氏數年前有壽母年及百
歲子外大母行也往拜之堂上見其耳目神明不衰下階乃須杖
耳聞太夫人嘗遺以襲衣其家猶能言之吾祝太夫人壽殆必與
壽母埒而猶未艾矣





青門簾橐卷八



70030573

